

3293



29
111 $\frac{h}{29}$
x

134
T

by
μ VII $\frac{5}{22}$

70

INSTRUCTIO
CONFESSARII,

S I V E

OPUSCULUM,

IN QUO TRADITUR

PRAXIS CUM FRUCTU ADMINISTRAN-
DI SACRAMENTUM POENITENTIÆ.

A U C T O R E

R. P. PAULO SEGNERI


è SOCIETATE JESU.

Italico primùm idiomate conscriptum, dein-
de ab alio ejusdem Societatis Sacerdo-
te Latinitati donatum, pro majore uti-
litate Apostolicarum Missionum.

AUGUSTÆ Vindelicorum & DILINGÆ

E D I T U M.

nunc verò




P O S N A N I Æ,

Typis S. R. M. Clari Collegii Societatis JESU.

Anno Domini MDCCXLV.

WYŻSZA SZKOŁA PEDAGOGICZNA
W BYDGOSZCZY
BIBLIOTEKA GŁÓWNA

51217



INTRODUCTIO

Ad intelligendum ea, quæ, in hoc Opusculo tractantur.

Suptemus ille rerum omnium Conditor ac Dominus, qui solus absque alieno ministerio formare Hominem voluit, noluit in ejusdem reformatione esse solus. Imò certissimò nobis constat, quòd, cum neminè adjutorem in creatione hominis admiserit, talem eò magis requisiverit in redemptione: *Ite & vos in vineam meam. Matth: 20. 4. & 7.* Quare ad tam honorificam operam supra omnes alios destinavit suos Sacerdotes. Arg; ut in Ecclesia iisdem majoremne dicam æstimationem, an amorem conciliaret, per Apostolum illorum ministeriũ nobili & inauditò hóc encomiò insignivit: *Dei adjutores sumus. 1. Cor: 3. 9.* Verum est, laudem & gloriã istam non omnibus æqualiter convenire Sacerdotibus, qui se salutem animarũ impendunt. Merentur hunc titulum Scripturæ Interpretes, Prælati, Concionatores; sed nemini potiore jure, ut mihi videtur, attribuitur, quàm iis, qui administrant Sacramentum Poenitentia, & appellantur Confessarii: quippe, si bene rem perpendimus, nullus præter ipsos tam propinquam operam ad infusionem gratiæ confert, per quam Animæ vitam suam accipiunt. Ceteri quantum in ipsis est præstando, doctrinã, correctione, cõsiliis, solummodò requisitas ad id ponunt dispositiones, illudquè agunt, quòd Ezechielis exhibet viũo: colligunt ossa arida, & dispersa in vastissimo hujus mundi campo, non autem inspirant iisdem vitam: Confessarii spirant spiraculum vitæ. Licet enim Deus solus gratiam infundat in animam, nihilominus Confessarii præ omnibus aliis ad hoc opus concurrunt, dum videlicet per sacram Absolutionem portas illas plusquã Tartareas diffringunt, quæ hætenus Domino virtutum ad cor humanum aditum oclusere. Hinc Confessarii officium, proprium & prorsus singulare est Legis Evangelicæ. Antequã veniret plenitudo temporis, Sacerdotum autoritas solum se extenderat ad ferendum judicium de leprosis, essetne ex integro iis restituta sanitas, non autem penes ipsos erat hanc impertiendi, potestas. Refer-

vabatur nempe ista nobilioribus Sacerdotibus à Christo constitutis : hos enim verbis , quibus olim Salvatorem nostrum leprosus compellabat , alloqui licet : *Domine si vis. potes me mundare* Matth: 8. 2. Illi verò soli cum Christo respondere possunt : *velo, mundare.*

Manifestum proinde est , quanta dignitas sit , quam Sacerdos in sublimi suo Pœnitentiæ tribunali gerit. Quòd si Officium istud in excelso honoris gradu constitutum est , scire oportet , non minus eidem periculum cum propriæ , tum alienæ salutis esse annexum , nisi debita ratione administratur. Baculus ille Prophetæ , qui , dum Elisæi manu regebatur , purum ortuum ad vitam revocavit ; idem ipse , quamdiu manibus Giezi famuli versabatur , non nisi arctius mortis vinculis visus est constringere exanimè. Ut adeò , si de ullo alio , id de Confessario possit affirmari. *Mors & vita in manu lingua.* Prov: 18. 21. Gerit in potestate linguæ suæ animarum salutem , si ritè utatur , quemadmodum officii ratio postulat , unàquè exitium , cum à præscripta norma aberraverit.

Quare ut pro viribus tanto malo occurratur , colligere studui ex Doctorum , Sanctorumquè judiciis , atque divinis literis quaedam documenta practica , quæ serviant ad dignè , & cum fructu obeundum ministerium Pœnitentiæ. Sermo mihi est cum Confessario Novitio , qui non minus capax , quam cupidus sit instructionis. Quos enim experientia magistra docuit , eorum ego malo audire præcepta , quam nova superaddere. Ut autem , quæ dicturus sum , majorem fidem inveniant apud Lectorem , annotabo ad calcem cujusvis Capituli Nomina Doctorum , ex quibus allatam doctrinam hausi. Placuit modus iste , cum videretur gratior , & jucundior futurus Lectori , & qui sine remora expedire , & qui securè cupit stadium percurrere. Qui securitatem desiderat , is parvis revolutis pagellis inveniet , qui manum porrigant dubitanti ; inoffenso autem pede decurret , quisquis festinate volet , nullo Doctorum interpellante , & digitum identidem in libros suos intendente. Non omnes adduxi , quos potui in singulis materiis , sed eos duntaxat , qui ex proposito aliquam illarum expenderunt , & cæteris viam straverunt ; ut necesse non sit aquam è rivulis petere , cum puram & illibatam doctrinam ex ipsismet fontibus licet haurire. Etsi subinde in illorum gratiam , qui , ut in senatu , ita etiam in libris valent numerare suffragia , quam ponderare rationum momenta , allaturus sim non paucos alios , quorum autoritate præsertim sententiæ præcipuæ stabiliantur , & roborentur. Universa hæc instructio bifariam dividetur. In prima parte proponam Confessarium tanquam Judicem , quare agam de scientia requirita ad hujus ge-

neris causarum tractationem: de Interrogationibus, Pœnitentiis, Absolutione, quæ propria sunt huic officio. In secunda parte eundem Confessarium Medicum esse statuo, electam ad restauranda damna per peccatum illata, & avertendos relapsus; diciturque, quod ad hoc præstandum visum fuerit conducere. Et quoniam fructus cæterum saponi, & salubres, ingrati tamen esse solent, quando de spinis eos legere oportet, studebo doctrinam ea facilitate (præter morem) legentibus accommodare, ut omnium manibus valeat absque offensa tractari. Qua ratione ex hoc tenui opusculo eveniet, ut nonnullus enascatur fructus iis Confessariis, quorum hinc directionem in me suscepi. Itaque potero in veritate mitigare illam difficultatem, quæ mihi in præsentem ministerium, quod laudo, supra modum reddit laboriosum. Parem fortè operam præstat, qui probè Confessarium fingit & expolit, quàm qui multorum pœnitentium saluti cooperatur. Certum est, quod Anna de se ipsa exultans gaudiò pronuntiavit, se licet sterilem peperisse multos filios; *donec sterilis peperit plurimos. 1. Reg. 2. 5.* Etsi enim præter Samuelem, alium nullum habuisset filium, unicus tamen iste okint debebat dare vitam quamplurimis.

C A P U T I.

Quòd Confessarius sit Iudex, & de Scientia, quæ ipsi est necessaria ad rectè judicandum.

Ego dixi: *Dit estis. Psal: 81. 6.* Versantur Sacerdotes in statu medio inter Deum & homines. Cum Deo sunt homines, cum hominibus sunt Dei; propè ad eum modum, quo parelia in aère respectu solis sunt nubes, & respectu nubium appellantur soles. Quòd si hoc fas est de omnibus Sacerdotibus cum fundamento affirmare, id longè magis de vobis poterit enuntiari, qui ad sublime Confessarii munus fuistis admissi: Non solum quia estis Iudices, quos Deus olim in Exodi libro sapenumero divinissima hæc Nomenclatione condecoravit: sed quia estis Iudices delegati in tali causa, quæ ex natura sua spectat ad forum Dei. *Quis potest dimittere peccata, nisi solus Deus? Marc: 2. 7.* dicebant olim calumniatores Scribæ neque valè, timetis non intelligerent, quid loquerentur. Et quidem in veritate Sacerdos peccata dimittit, neque solummodò declarat Pœnitentem absolutum, ut impie quidam docuerunt damnati à Concilio Trid: Sess: 14 c. 6 & Can. 9. Sed ipsam t peccatorem absolvit, seu, quod idem est, tollit obligationem

CAPUT PRIMUM

4
 dissolvit vincula, & condonat benevolè illud debitum, pro quo nullis creaturæ viribus satisfacere posset unquam. Et cui aliquando Judicium impertita fuit potestas, qua ex misero & reo faceret innocentem? Summa illorum Auctoritas non altius assurgit, quàm ut pronuntiet innocentem, qui falsò erat accusatus; non autem ut faciat innocentem. Abstergere potest candidissimæ mustelæ maculas, non autem versicolori Pardo nitidum candorè inducere. Sed quid Judicium potestatem memoro? dicam potius, cui Angelorum similis collata est potestas, licet quis cogitando singulorum dotes & perfectiones percurrat, quæ ab infimo usque ad supremum ita excreverunt, ut in immensum videantur accumulari? Cui Angelorum dixit Deus: *Quorum remisistis peccata, remittuntur eis, & quorum retinueritis, retenta sunt?* Plus dicam. Nemo satis assequi potest, quanto odio prosequatur Deus peccatum mortiferum. *Abominatio est Domino via impij. Prov: 15. 9.* Rem abundè demonstrat, quòd Divina Majestas satis non habuerit, omnia opera Gratiæ ad destructionem peccati ordinasse, sed ad illud stirpitus evellendum vitam quoque suam impenderit Deus Homo, ut secum illud Samsonis instar propriâ oppressum ruinâ contumularet. Et tamen hæc peccati everfio, quæ pretioso stetit Redemptoris Sanguine, quanta facilitate per Confessarium propè quotidie iterata renovatur? Tollit Sacerdos manum, & ait, *Absolve te:* qua voce audita mox corruunt muri Hierichuntini, etsi geminato ambitu clausam tenuerint civitatem; & non solum in pulverem subsidunt, sed planè in nihilum dissolvuntur. *Quæretur peccatum illius, & non invenietur. Psal: 9. 15.*

Atque hæc sunt, quæ ad superius jam dicta addidisse, multum juvabit, cum nempe in finem, ut tantò sublimiorem æstimationem conciperetis potestatis, quæ in vobis residet, itaque intelligeretis, quanta vobis incumbat necessitas comparandi congruam scientiam, pro tali munere veluti oportet, exercendo. Perpendite, quòd sententia à Sacerdotibus in hoc iudicio prolata, tanti sit ponderis atque momenti, ut quamprimum hanc ratam habeat, eique subscribat universa curia cœlestis. *Quodammodo ante diem Judicii judicant:* ait S. Hieronymus. *& quod ipsi judicaverint in suo tribunali, approbabitur in die Judicii. Ep: ad Heliod.* Quanto ergo studio decet examinatam, & elaboratam esse hanc sententiam, ut possit coram tam augusto confessu exhiberi, nè declararetur irrita, utpote vel per ignorantiam corrupta, vel per inconsiderationem præcipitata. Certum est, non solum pro gravi peccato à Theologis haberi, si quis Pœnitens studio, datâque operâ indoctum eligat Confessarium, qui munere suo ritè fungi nesciat, (1.) verum etiam

non minoris culpæ reum ab iisdem censi Confessarium, qui ministerium hoc obit, sequè exponit confessionibus excipiendis absque sufficiente scientia. (2.) Hujusmodi enim imperitos Sacerdotes à functione tanti muneris suspendit ipse Deus, clarissimis his verbis, cum dixit: *Quia tu scientiam repulisti, repellam te, ne Sacerdos & fungaris mihi. Os 4. 6.* Non dixit: *ne sis Sacerdos.* Hoc enim ei permittit, sed meritò pronuntiavit: *Ne Sacerdotiò fungaris:* Quia tametsi Deus ob ignorantiam impositum munus non auferat à Sacerdotibus, non tamen vult id exerceri, cum gravi periculo reverentiæ, quæ debetur Sacramentis. Neque satisfacis, si dicis: sum approbatus ab Episcopo, quotiescunque aliunde te manifestè agnoscis inhabilem: quia approbatio præsupponit scientiam, non confert: neque enim, qui te in viam ducem assumit, oculorum simul lumen tibi præbet, ad videndum, si cæcus es. Dixi: si te manifestè agnoscis inhabilem. Quia si solùm dubitas, stare poteris iudicio illius, qui te approbat. (3.) Arque interea te idoneam magis reddendo, & tuæ, & approbantis conscientie consulere.

Verum est, sufficere Confessario eam saltem scientiam, quæ sit commensurata illorum conditioni, quorum gubernat conscientias. (4.) Qui à gressuum in pago audit Confessiones, tantà non indiget doctrinâ, quantâ opus habet is, qui in civitate hoc fungitur munere, & tribunal conscendit, ubi difficiliôres agitantur causæ. Aliud est, sinè periculo simplicem judicare bobulcum; aliud, consularium & mercatorum agere arbitrum. Cui simplex & candida committitur conscientia deducenda plano tritoque tramite, necesse non est, ut eâ excellat peritiâ quâ juvandi sunt labyrinthicis implicati erroribus. Negari non potest, defectum scientiæ suppleri persæpe experienciâ, cui plurimum attribuit Divinus Spiritus *Eccli. 34. 10. Qui non est expertus, pauca recognoscit.* Itò multum ad rem facit à natura indita judicandi facultas, quâ quis in rarioribus casibus jubetur dubitare, & doctiorum flagitare consilium. *In casibus dubiis (itâ sentit sacrum Concilium) possit requirere consilium sapientiorum, modò non prodat penitentem; nec aliud præbeat indicium, ex quo possit agnosci.* Si gravissimi duntaxat Theologi huic præficiendi essent iudicio, populo non modò adempta esset frequentandi Mysteriorum copia quotidie, sed vix semel concessa in anno: itaque Sacramentum hoc foret quidem fons saluberrimus omnibus, sed clausus, qualem voluit videri Deus, inquiens: *Fons patens Domui David in ablutionem peccatoris. Zach: 13.* Nescio proinde, quomodo suam exculare queant temeritatem non pauci, qui exiguâ in truëti notitiâ rerum, quas scire summopere interest, audens conscientiarum sibi vindicare arbitriû, quasi non esset, ut loquitur S. Gregorius, *ars artium, regimen animarum.*

Porro scientia hæc requisita duplex est. Alia universalis, quæ appellatur *Scientia Juris*. Particularis altera, dicta *Scientia facti*. Ad primum genus pertinet, scire saltem hæc septem sequentia. 1. Quantum se cujusque extēdat jurisdicctio, tum nè quem absolvat, nisi subditum, cum scriptum sit: *Judex sapiens* (quæ quantumcunque sit sapiens) *judicabit populū suum*. *Ecclesi. 10.* tum nè in eas noxas sibi arroget potestatem, quæ ad altius spectat tribunal. Oportebit proinde cognitos habere Casus Reservatos, ac Centuras, saltē quæ frequentius solent occurrere. 2. Sciat discernere, quod à veteris testamenti sacerdotibus exigebat Deus, inter lepram & lepram, hoc est, mortalia à venialibus, & qualia sint ex genere suo. 3. Dijudicare possit circumstantias peccatorum aggravantes, aut imminuentes, certè eas, quæ diversam speciem efficiunt. 4. Noverit, ubi facienda sit restitutio, seu famæ, seu bonorum fortunæ. 5. Quæ sit occasio proxima peccandi, & quando quis teneatur eam evitare. 6. Quis & qualis dolor necessarius sit Pœnitenti, ad obtinendam gratiam Sacramenti. 7. Quæ forma observanda Absolutionis, & quænam remedia præscribenda adversus peccata saltem communia. (5.)

Quæret hoc loco aliquis, præsertim in judicio isto Sacramentali benigniores sequi sententias, an potius rigidiores? Videtur hic uno verbo doceri velle prudentiam. Existimo tamen in hunc modum posse responderi. Duplici ratione navis aliqua suo levari potest onere. Si merces, quibus onulta deprimitur, ejiciantur, quo modo expeditior redditur ad proficisquendum iter, portumquæ tenendum. Præterea etiam saburra navi subtrahi potest, itaque allevari. Sed hoc est evidenti obijcere navem naufragio. Similiter duobus modis Pœnitentis conscientia potest allevari, cum fructu, & dispendio. Potest nempe ipsi ita facilis reddi legis observatio, ut se ultro ei, & lubenti animo subjiciat; & potest è contrario ipsi eadem ita laxari, ut liberum se putet, & omne jugum excutiat. Exempli gratiâ. Est qui Cōfessionis faciendæ causâ tuis adolvatur peccatis, æqualiter & crapulæ & libidini deditus. Quod si tu istum arctissimis limitibus, quibus nonnulli Auctores (6) legem jejunii circumscribunt, velis constringere, veluti, ut vespertina refectio non excedat quatuor uncias, neutiquam ipsi persuadebis jejunium. Verùm cum eidem dixeris juxta mitiorem sententiam (7) prædictam quantitatem viribus corporis, & complexioni conformandam esse, atque in genere loquendo, satisfacere, qui quartam consueta cænæ partē non transgreditur; en mox animum sumet Pœnitens seque pronum ostendet ad parendum legi hac moderatione declaratæ. E contrario, si eidem asseveraveris, ipsum, dummodò statuat nunquam peccare amplius, nequaquam

teneri famulam pellicem ex ædibus suis amandare, cui centum scuta dederat mutua, quorum recuperandorum spes periret eâ dimissâ. (8.) Lætus ac hilaris domum suam repetet, ex tam favorabili laxaque sententia, sed malo suo. Conversari familiariter perget, & brevi post conversationem facta se conspurcabit flagitiò. Quod facillimè declinari poterat, si occasio tempestivè fuisset subtracta. Unicò verbò; quando benignæ opinionones Pœnitentem quasi manu ducunt ad legis observantiam, iis te accommoda, quod non prohibetur. At cum per eas difficulter præcepto satisfieri poterit; nolî eas amplecti, aut suadere alteri, nè animas, quibus veterum excutere maxima sollicitudine debueras, dulci quodam præconiò consopire videaris, consopitasque ex montis culmine in præcipitium deturbare. Et hinc, Deus avertat, ut tibi unquam in mentem veniat, dictare ulli, quiscunque sit Pœnitens, tanquam probabilem sententiam, quòd in re venerea derur parvitas materiæ, sicuti in cæteris. Quis enim unquam dixerit ignem esse modicum, quo admoto pulvis nitratus horrenda ædificiorum strage in flammâ erumpit. Unica scintilla, etsi minutissima, abundè sufficit maximo incendio. Finio caput istud. Licitum esse censet viri prudentes, benigna uti interpretatione, cum Doctoribus classicis, circa præcepta positiva, non autem fas esse eam adhibere naturalibus, præcipuè quæ carnis concupiscèntiam frænant; quorum observantia tantò erit facilior, quò illa erit perfectior. Restat nunc altera scientiæ species, quæ vocatur: Scientia facti, de qua commodiùs capite sequenti agemus.

(1.) Suarez de Pœnit: disp: 28. sect: 2. n. 9. (2.) Suarez. l. cit: n. 6. Navar: in Man: c. 4. n. 12. Cajet: in Summa V. Conf: necess. Sylvester V. Confess. (3.) Navar: l. cit. n. 14. (4.) Suar: l. cit: n. 4. Navar: l. c. n. 11. (5.) Suar: l. c. n. 2. 3. Cajet: Sylvest: l. c. (6.) Graf: p. 1. dec: l. 2. c. 37. n. 29. Azor: To: 1. l. 7. c. 8. q. 8. Sa. V. Jejun: n. 8. (7.) Laym: l. 4. tr. 8. c. 1. n. 9. Regim: to. 2. l. 4. n. 885. (8.) Jo: Sauch: in Select: disp: 80. n. 80.

C A P U T II.

De modo interrogandi Pœnitētes, à Confessariis observādo.

SI, quod res est, fateri velimus: non spectat ad Officium Cōfessarii, Pœnitentem interrogare, sed audire. (1.) Ratio est, quia tribunal istud à cæteris peculiare habet hoc, quòd in eo absolvatur, qui crimen fateatur: & damnetur, qui tacet. Unde nullius plus interest, quàm nocentis, ut veritas cognoscatur: Itaque necesse non est, venatorum more quæstionum

CAPUT SECUNDUM

8
 retibus eam circumdare: satis est Confessario, patienter expectare, donec ipsamet ultro se in prædam offerat, quemadmodum Monoceros ad finem virginis confugiens. Ità quidem actu ipso fieri oporteret, sed alia modò fiunt omnia. Pœnitentis verecundia, exigua examinis, doloris, atque propositi præmissa dispositio, sæpissimè Confessarium eogunt, interrogandi onus in se suscipere, à quo alias ipsum liberum esse conveniret. (2) Si ergo cupis, ut ritè iudicium procedat, oportebit te sæpenuerò rei partes agere (qui, ut jam diximus, accusatoris quoque personam sustinere debet) atque illius imitari patientiam, qui dixit: *Causam, quam nesciebam, diligentissimè investigabam. Job: 29. 16.*

Dux tamen peccantium classes quæstionibus specialiter sunt juvande, qui præfigurati sunt in duobus illis famosis energumenis, quos Christus liberavit. *Matth: 12. 22. & Marc: 9. 24.* Quidam veritatem non manifestant ob ignorantiam, & hi sunt *muti & cæci*, sed cæcitate plerumque voluntariâ, quia debitam non adhibent diligentiam, quâ illam excutiant. Alii veritatè premunt ex malitia, suntquè *muti ac surdi*: nolunt enim audire interna cōscientiæ monita, quibus ad eam revelandam stimulantur. Loquamur nunc de prima classe. Multi sunt, qui, cum habeant conscientiam non quidem malam, sed involutam ac intricatam, nunquam se applicabunt eidem examinandæ. Accidit ipsis, quod experiuntur ii, qui domi morosas ac tetricas alunt uxores, nunquam non timent suas ædes revilere, docti jam experiètiâ, quàm verè dictum sit: *Melius est habitare in terra deserta, quàm cum muliere rixosâ. Prov: 21. 19.* Cum his mediâ incedendū est viâ: ut nec debitæ curæ quid in te patiaris desiderari, neque etiam omnes insecteris minutias. (3.) Illud enim tuæ noxium foret conscientiæ; istud autem plus gravaret pœnitentem, unde ei Sacramentū molestum redderetur, & odiosum. Si stabilem, quam teneas, regulam desideras, scito, nullam à Christo Fidelibus legem fuisse præscriptam confitendi omnia peccata commissa, sed ea solummodò, quorum post diligens examen meminisse possunt. (4.) Unde si diligentia tali satisfactum est, ad nullam ulterius adhibendam operam obligatur pœnitens, longè verò minùs Confessarius. Ex hoc fundamento duo in praxi utiliter observanda deduco. Si quispiã te accesserit, quem nôsti semper accuratum tum in perquirendis, tum exponendis peccatis, noli eum pluribus torquere, (5.) sed posteaquam dicendi finem fecit, locò strictioris examinis tempus potius colloca impertiendo salutaria documenta; nec fisci procuratorem magis videaris imitari, qui in hoc solum curam intendit, ut in apertum protrahantur crimina potius, quàm ut inculcetur horror delinquentis.

INSTRUCTIONIS CONFESSARII.

9

quentibus! Quòd si è contrariò alius tibi occurrat, incurius ac negligens, eum tu non teneris majore studio examinare, quàm quo ipse uti debuerat, si sponte sua seipsum discussisset. (6.) Itaque opus non erit iis interrogationibus, quas ipse intra suam conscientiam non instituisset, scrutando animi latebras, juxta virium suarum facultatem. Hinc non est, cur terrearis, quando agrestes, rudes, minusquè preparati te circumstant poenitentes. Vis breviter eos expedire, & in pace dimittere? appositas illorù statui adhibe quaestiones, poterisquè elicere eorum delicta, unà cum numero, specie, ac circumstantiis. in quorum notitiam neque ipsi qualicunque inquisitione pervenisset. (7.) Quòd si aliquorum rationes ità confusas invenias, ut tuo labore eum gradum diligentiae nequeas assequi, quâ ipsi tenentur explicare, quis dubitat expedire, illos remitti, quoad meliùs disponantur, cum integritati ad hoc Sacramentum requisitæ satisfieri non possit in tali casu? Verùm admittè consilium meum. Tenta interrogando. Et si alium hinc fructū non referas, efficies saltem, ut multi illorum, velut arrhabone accepto, rursus ad te revertantur.

Quod verò molestissimum accidere solet iis, qui confitentibus aures præbent, est numeri inquisitio. Populus bibit iniquitatem, velut aquam ex præterfluente amne, ut calices non numeret, quos evacuat. Si aliter fieri non possit, non est cur te ipsum affligas. Quando certus numerus sciri nequit, sufficit probabilis; perquire in genere tempus, quo peccato alicui fuerunt dediti; sciscitare, quoties per mensem aut hebdomadem illud comittere sint soliti. Imò circa quosdam actus internos, quales sunt odii, luxuriae, nihil attinet (saltem ordinariè) in longioribus Confessionibus ità rigide frequentiam examinare, (8.) quia plerumque explicari non potest absque periculo errandi, sive per excessum, sive defectum; sed satis erit habere rationem temporis, quantò quis vel in discordia vixerit, vel mulieri fuerit familiaris. Neque enim novum est, res, quæ ad calculum solent numerari, expendere ad mensuram. Ità quis est, qui ab Oeconomo tempore messis exigit granorum numerum? Rectiùs integros acervos modis admetiri, mos habet.

Necesse quoque non est præteritas Confessiones curiosùs investigare, atque ad eas repetendas urgere poenitentes, nisi in casu apertæ necessitatis: cujusmodi foret ex parte Sacerdotis, si jurisdictione caruisset, vel ex parte poenitentis, propositi & doloris defectus. Cæterum, nisi compertum tibi sit de manifesto errore, Jurisperitorum Regulam sequere, quæ docet, in dubio semper esse præsumendum in favorem actûs, quòd sit validus. Et licet Pœ-

nirens ob exiguam intellectûs perspicaciam in antea&is Confessionibus numerum peccatorum non nisi confusè indicasset, non erit propterea cogendus ad repetitionem majore studio faciendam: præsertim cum peccata etiâ confusè enarrata sint directè absoluta, unde nulla est necessitas eadem iteratò explicandi. (9)

Deinde cupio magnopere te parcum gravemque esse interrogando circa materiam luxuriæ: (10) nè tibi accidat, quod pictori, qui cum Helenam exquisitâ diligentia depingeret, ejusdem cupidine exardescere cœpit, & accendi. Utere proinde verborum modestiâ, & quamvis subinde circumstantia maneret recta, quæ alioquin ad integritatem materialem spectaret, nihil interest; (11) aliud enim majus bonum prævalet. Aded fatet palus ista, ut consultum non sit, vel à Pœnitente, vel à Confessario, ubi opus non est, moveri: sufficiat requirere speciè patrati sceleris, non verò modû: & si ipsi vel ex inverecondiâ, vel ignorantia hunc vellent declarare; suaviter eos mone, necessarium non esse. Expediret hac in re imitari Philosophum illum, qui veritus, nè loquendo de simili materia os conspurcasset, carbone descripsit.

Hactenus egimus de iis, qui sua peccata non aperiunt integrè, ob ignorantia, & sunt *muti & cæci*. Nunc dicendum est de illis, qui peccata sua non explicant, quia nolunt, laborantes malò deplorandò, suntque *muti ac surdi*. Dicit non potest, quantum apud hos valeat periti Confessarii industria. Certum est, præcipuum Milionum lucrum, & operæ pretium reportari ex isto hominum genere: quanquam hi fructus nobilissimi instar metalli sub terra, procul ab hominum oculis remoti, aternò lateant Sacra èti sigillò oclusi. Frequenter accidit, ut animæ nonnullæ ex orci faucibus extrahantur, in quibus multos jam annos hærebant demersi, nulla spe inde unquam evadendi. *Quomodo si eruat Pastor de ore leonis duo crura, aut extremum auricula, (quod fieri non posse videtur) sic eruentur Filii Israël. Amos 3. 12.* Nunc ad praxim ipsam accedendo: Oportet te adhibere illam industriam, quæ usum fuisse legitur Ezechielem in explorandis abominationibus latentibus intrâ templum. Viderat is parvum foramen in pariete: *Ecce foramen unum.* Jubetur istud à Deo dilatari: *Fode parietem. fode parietem: quo factò, apparuit ostium,* ita ut Propheta per illud commodè ingressus, potuerit inspicere *abominariones pessimas Ezech: 8. 7.* Parvum foramen, est levis aliqua culpa, sponte à peccatore aperta. Necessè est, ut Confessarius suâ diligentia laxiorem reddat accessum, quem ad cor nactus est, pandatque sibi ostiû tam amplum, per quod penetrans lustrare & cognoscere possit, quidquid

quid abominationum ibi laet absconditum. Rem clarius accipe. Quando ad te venit Confessionis gratiâ juvenis aliquis, accusans se, quod in templo tractaverit amores, liberiores miscuerit sermones, oculis majorem concesserit licentiam evagandi, itaque de reliquo nihil super addit; Auditis istis, oportet dextrè à verbis & aspectibus progredi, & elicere cogitationes obscenas, ex his procedere ad consensum, hinc ad opera impura, secummetipso, an cum aliis perpetrata, inchoata, vel completa. Verùm ad hoc ipsum exequendum quantâ opus est prudentiâ, nè erretur! Hic enim exprimendum est pus ex ulcere, illic cavendum nè pars sana ac integra inficiatur, & malitia hætenus incognita, doceatur. Nè dubites, Lumen Cæleste, quod in hujusmodi casibus implorare debes, & experientia, quæ semper augetur exercitiô, tibi per binos hosce scopulos viam monstrabunt, ut sinè periculo transeas, illasô navigiô. Disces hinc è longinquo tentare aditum, & sensim scopum attingere. Suggestent illa tibi verba modosquè generatim interrogandi, quæ à quibusdam citius, tardiùs ab aliis percipiuntur, prout quisque vitio assuetus vixit: Docebunt te etiam, quâ ratione interdum monstrando te negâris responsa non percepisse, obtineas confessionem facti. Accidit aliquando, ut juvenis quidam liberè negaret peccatû mollitiæ, postea verò rogatus, quoties deliquisset? & à quot annis hoc vitio esset irretitus? an non semper in confessionibus illud reticisset? candidè veritatè ediceret sibi què sineret virus è visceribus extrahi, quod sua sponte non poterat evomere. Tribunal hoc est, in quo, uti jam supra dictum fuit, non curatur, ut, qui nocens est, demonstretur innocens. Unde hæc non sunt reprehendendæ interrogationes, quæ dicuntur suggestivæ, quando cum ratione & convenienter proponuntur. *Diligens inquisitor, & subtilis investigator*, inquit S. Augustinus, *sapienter & quasi astute interrogat à Pœnitente, quod forsitan ignorat, vel præ verecundiâ velit occultare* L. de vera & falsa Pœnit. Vix credi potest, quantum conducatur ipsas quoque formare quæstiones ad eum modum, ut respondentem plura necesse non sit dicere, si ita fieri possit, quàm: Ita Pater, non Pater. Quanto solatio fuit n ulieri Samaritanæ, quando licuit ipsi profiteri: *Hominem inveni, qui dixit mihi omnia, quæcumque feci?* Jo. 4. 29. Si ab ea postulatum fuisset, ut ultrò turpissimâ sua præderet flagitia, Deus scit, an unquam eò se adduci passa fuisset. Ubi illa à Christo tanta suavitate detegi sensit, facillimum erat confiteri, nullâ aliâ molestiâ, quàm respondendo tantummodò: *Propheta es tu.*

Porro in hoc genere Confessionum, antequam finiantur, nullum signum ede, ex quo tibi supra modum gravia videri peccata sua, colligantur

Pœnitentes; imò dic illis, te longè enormiora audivisse, neque ipsos primos esse, qui talia afferant, aut perpetrârint. Quando de numero interrogas, eum nomina, qui verosimilius major est, ut veritatem manifestaturi habeant potiùs quod detrahant, vel certè non nisi modicum adjiciant. Interea cave summopere, nè admirationis præbeas indicia, nè suspites, huc illuc te vertas, propereque immodicè. Cogita, uno etiam frondis motu timidæ cervæ tam ægrè parturientis partum disturbari. Quin potiùs adde animos identidem hortando: quantumcunque enim miseræ animæ *venerint usque ad partum*, angantur & torqueantur, sapiùs tamen accidit, ut *virtus non sit pariendi*. *Is: 37. 3.* Admone illos gaudii, quod in cælo oritur ex conversione unius peccatoris; & quanta cum tranquillitate sint reversuri domum, benedicentes diei millies, quâ conscientias tanto allevârunt onere. Aliud non superest remedium. Partu concepto, nulla sese liberandi invenitur via: aut pariendum, aut moriendum.

Denique scio, intolerabilem fore errorem, qui in hoc puncto potest committi, quando absque urgente causâ aliquos amandares, sub prætextu, quòd relegendæ ipsis essent multorum annorum confessiones, atque aded opus iis foret longiore examine, plerumque hi, qui ex verecundiâ peccata reticent, sunt homines rudes, juvenes imprudentes & inexperti: hinc vivendi rationem tenent ut plurimum uniformem, neque intricatam habet conscientiam ex multitudine & varietate negotiorum. Atque idcirco si ipsis repetendæ essent præteritæ Confessiones, non erit tam laboriosum patienti atque exercitato Confessario, uti supra indicavimus, intra brevissimam horæ unius portionem accuratius instituere cum ipsis examen, quàm ipsi suamet operâ mense integro essent effecturi. Præterquam quòd experientia teste hi examinis suscipiendi causâ dimissi, rarò soleant reverti, & quemadmodum feræ semel à venatore vulneratæ, neque strætæ, semper sint fugaciores.

Gravis hóc locò exoritur difficultas. Cùm ista ità se habeant, quid ergo faciendum, quando in extraordinario pœnitentium concursu & multitudine duo hæc conveniunt, ex tua parte temporis angustia, in Pœnitente summa necessitas, ut interrogetur? Inprimis copia eorum, à quibus in tribunali circumdatus es, non debet immutare ordinem judicii. Oporteret Confessarium habere cor simile arenæ maris, veluti sibi optaverat Salomon, quæ nec majore, nec minore alluvione unquam movetur. Quid refert, multos esse Pœnitentes, qui expectant? meliùs est sanare paucos, quàm medicinam applicare multis, nullo consequente fructu. Verùm cùm possit cō-

tingere, ut turba tibi in quibusdam temporis angustiis eâ non concedat prudenter uti temporis morâ, quæ aliâs exigeretur: Notandum est, an Pœnitenti incumbat necessitas Communionis sumendæ, an verò possit differri; si prorogationem admittat, suaviter ipsi expone, plûs temporis exigi ab hoc negotio, quod commodiùs & majore conscientiaâ securitate aliâs confici possit: nomina diem quo redeat, si lubeat tuâ uti operâ. Quod si in aliud tempus rejici nequeat sinè scandalo, vel admiratione, quæ accidere potest circa puellam observatam à suis domesticis, in hoc casu (quando Pœnitentem ad perfectæ Contritionis actum permovere non potes) exige peccata graviora, pro temporis brevitate, ac tum securè illam absolve, hâc lege, ut in proxima Confessione dicat, quæ modò fuerunt omiâs. (12.) Extremum hoc est remedium, sed necessarium, estquè ipsissimum, quod servare debet Parocho, tunc, quando ad infirmum SS: Eucharistiam deportat, magnâ comitantium multitudine, quem in eo statu offendit, ut multarum sacrilegè peractarum Confessionum indigeat repetitione, quæ tamen fieri non potest, sive nè morbum exasperet, sive nè periculo infamiaâ eum exponat. (13.)

(1.) Sotus 4. dist: 18. q. 2. art: 4. (2.) Idem l. c. Card: de Lugo de Pœnit: disp. 22 S. 2. n. 19. Suarez. disp. 32. S. 3. n. 7. Henriq. l. 6. c. 27. Laym. l. 5. Tr. 6. c. 13. n. 10: Coninck. disp. 8. dub. 17. n. 131. Navarr. in Sum. c. 5. n. 2. (3.) De Lugo de Pœnit. disp. 16. sect. 14. n. 150. (4.) Anton. Perez. de Pœnit. disp. 4. c. 4 (5.) Sotus l. c. (6.) Ant. Perez. l. c. De Lugo l. c. n. 590. (7.) De Lugo l. c. n. 593. Vasq. de Pœnit. q. 3. ar. 3. dub. 7. n. 5. (8.) Vasq. de i. c. q. 97. art. 1. dub. 1. n. 3. (9.) Ant. Perez. l. c. n. 104. De Lugo de Pœnit. disp. 16. Sect. 14. n. 58. (10.) Laym. de Pœnit. c. 13. n. 7. Navar. in Man. c. 5. n. 4. Lugo l. c. n. 595 (11.) Coninck. de Sacr. disp. 8. dub. 17. n. 121. Castropal. de Sacr. Pœnit. disp. un. puncto. 19. §. 2. n. 4. (12.) Coninck. de Sacr. disp. 7. dub. 9. n. 77. Megala l. 5. Instit. c. 9. Rodriguez. in Sum. c. 26. (13.) Zambran: de Pœnit. c. 4. dub. 6. n. 6. 7.

C A P U T III.

Quomodò imponendæ sint Pœnitentiæ ?

EXPECTAT Platonicus, post triginta sex annorum millia, annum unum magnum, plenum felicissimo influxu, quia tunc omnes cælestes sphaeræ ac sidera ad eum revoabuntur situm, in quo creata primitus cursum suum exorsa sunt. Felices nos, si intrâ Ecclesiam tam amœnus rediret annus, quo

quò non astra, sed mores primævum tenerent ordinem, atque à Fidelibus laudabiles viderentur exerceri consuetudines, quas jam abusus sustulit! Et quis nunc est, qui habeat notitiàm distinctam sacrorum Canonum, & Decretorum, quæ à SS. Patribus in Conciliis fuerunt sancita, quorum virtute per Pœnitentias septem, decem, duodecim annorum Deo per peccata violatus honor resarciebatur? Et erant tamen ea tempora, quando quis indignus judicabatur Sacerdotis nomine, qui non ad amissim tales calleret Canones. *Vix Sacerdotis nomen in eo constare, qui tales Canones ignoraverit. (1.)*

Sufficiat, paucis proferre specimen, in Confusionem extremæ nostræ tepiditatis. Blasphemo (2.) imponebatur pœnitentia septem annorum, & totidem fornicatori. (3.) Neque existimes Pœnitentiam hanc constituisse intra aliquot oscula terræ libanda. Jejunia in pane & aqua, rigorosissima, nò uno die sed mensibûs, & quidem continuatis; solitudo summa, cilicia, cinerum conspersio, flagra, peregrinationes arduæ magnò numero, Psalmodia, Orationes, & si volumus memorare etiam istud, servitia præstita in erigendis templorum ædificiis, ad cultum honoremquè divinum. Quod si fornicator esset Sacerdos, pœnitentia in decimum protrahebatur annû. (4.) Si mulier, cum qua quis peccavit, fuisset quapiam ratione filia spiritualis; sive titulò Confessionis, Confirmationis, sive Baptismi, eo in casu duodecim annorum definita erat Pœnitentia. (5.) Quibûs elapsis ambo in perpetuû monasterio includebantur. Fur aliquis debebat subire similitè pœnitentiã quinque annorû, si res ablata magni fuit pretii; si vilis, unus annus præscriptus erat. (6.) Quid dicemus de homicida? si homicidiû cõmissû fuit casuale, quinque anni fuerûnt decreti pœnitentiæ; septè verò, si ex insidiis necè intulit, è quibz tres jejunare debuit in pane & aqua, ut sic laboriosè duceret vitã propriã, qui eripuerat alienã. (7.) At forsità rigor iste solûmodò cum plebeiis hominibus erat usitatus? Quando Otto III. petiit absolvi per S. Romualdum ab ejusmodi injustitia, nonnè debuit depositis imperialibûs ornamentis, nudisque pedibûs peregrinari ad montem Garganum, ibiquè per integram Quadragesimam severè jejunando, in silentio & Psalmodiã vivere, quiete non supra purpuram sed nudam humum captã? Similis erat famosa, & publicè suscepta pœnitentia Theodosii Mediolani in Augusta Ecclesia. Horum exemplum secuti sunt duo alii Imperatores, Lotharius ac Ludovicus: ut nihil dicam de Henrico Angliæ Rege, qui habitu vili ac sordido, nudis pedibûs summam Cantuariensem subivit Ecclesiam; ubi in genua provolutus, scapulis centum flagrorum ictus à longa Monachorum seriè ibi collecta excepit. Nunc unicò jejunio plures expediuntur prodiones, & qui

qui ad Confessionem affert ingentem immunditiarum cumulum, incestuū, & mille alias libidinum pestes, credit se facturum satis, si semel deambulando septem Psalmos percurrat: Sed nolo progredi ulterius. Satis esto, memorasse tales consuetudines, in publicam omnium nostrū confusionem, quia fides nostra, quod Hieremias in auro deploraverat, si non mutavit substantiam, saltem plurimum amisit splendoris: *Mutatus est color optimus.*

Threnor: 4.

Ceterū in statuendis imponendisque pœnitentiis (quia antiquorum Canonum taxa nunc immutata est) conveniet aliquam tamen observare Regulam: quippe quantumvis determinatio tuo relinquatur arbitrio, non tamen ita relinquatur, ut rectæ rationis excludatur directio. (8.) Verum est, te esse Judicem, sed subordinatum, Administratorem non Dominum justitiæ, cujus dominium residet penes solum Deum. *Deus judicii Dominus.* Unde nullum est dubium, te parū tuo satisfacere muneri, si ob gravissima scelera, absquē justa causā levissimas injungas pœnitentiās, contra id, cujus sacrum Concilium admonet omnes, qui tuo funguntur officio. *Nē si fortē peccatis conniveant, & indulgentius cum Pœnitentibus agant, levissima quædam opera pro gravissimis delictis injungendo, alienorum peccatorum participes efficiantur.* *Trident: Sess. 14. c. 8.* Certum est, magnā ex parte Judici impunitari ea delicta, quæ ipse ostendit conniventia sua, parū a se curari.

Accedamus ad ipsam praxim. Equum foret, & rectæ rationi conforme, eam quantitatem operum pœnaliū imponere, quā sufficienter satisficeret Divinæ Justitiæ per temporalem pœnam, quæ remanet post dimissionem culpæ. Verū quia hæc ipsa quantitas ignota est Sacerdoti, & si nota esset, Pœnitentis infirmitas sustinendo par non foret: hinc in decernendis pœnitentiis tria sunt consideranda: Peccatum, Peccator, & Finis propter quem imponitur: nisi quod major habenda sit ratio peccatoris, quàm peccati: quia, si erratur, melius est ut loquitur S. Joan: Chrysof. *Propter misericordiam rationem reddere, quàm propter crudelitatem.* *In Matt. Hom. 43.* Itaque tutissima, quam in hac materia sequi possumus, regula, quæ observatur ab iis, qui myrrham colligunt: exprimere quantum fieri potest, dummodò absquē arboris detrimento: hoc est, sine periculo, nē Pœnitens horrorem & aversionem concipiat, tam à Sacerdote, quàm à Sacramento. & negligat sibi præscripta. Et ad particularia descendendo: potest levior injungi pœnitentia illi, qui multum est contritus. (9.) Quia sic minorem habet reatum pœnæ: levior quoquē imponi potest pœnitentia illi, qui vel fervore, vel viribus est debilior, quia minus potest portare: (10.) potestquē infirmitas

itā esse constituta, ut prudenter minor præscribatur satisfactio pro gravissimis delictis: addita nihilominus admonitione, debitum istud, quod modò aequali solutione non expungitur, summo rigore in purgatorio carcere esse diluendum. (11) Et hæc denuntiatio pœnæ piacularis ignis, corriget supradictam indulgentiam: *Nè facilitas ventæ incentivum tribuat delinquenti*, ut expendit S. Ambros. *Serm. 8. in Ps. 118.* Proderit etiam ad allevandam pœnitentiam, injungere opera aliàs debita, quemadmodum sunt, Missa die festo audienda, jejunium tempore Quadragesimali; præterea etiam opera, quæ ad consequendas indulgentias requiruntur. Plurimum autem conducet, respicere finem, ideoquè ejus generis actiones præscribere, quæ non solum satisfaciunt pro præteritis noxis, sed præservent à futuris, & quæ, quantò minus habent asperitatis, tantò plùs contineant salubritatis. Hujus generis sunt, aliquanto tempore quotidie pium lectitare librum, aliquoties audire concionem, visitare templa, frequentare S. Synaxim per aliquot menses, vespertino examine lustrare conscientiam, supra sepulchrum preces fundere, abstinere certo socio, nomen dare Sodalitati, aliæquè ejuscemodi industria, quæ ex una parte non nimium sunt onerosæ, ex altera verò objecto veluti aggere, passionum frænant erumpentium licentiam. Actiones istas, aliaquè his similia opera sive satisfactoria, sive medicinalia, definiri oportet pari ferè numero, ut quinque jejuniis respondeant etiã Cõmuniones quinque & totidem eleemosynæ; alioquin si numero variaveris, dicendo quinque, septem, facilè eorum obliviscetur pœnitens, offendet, & inquietudinè patietur. Præter hæc quanquàm nova aliqua culpa sit, pœnitentiam exequi in statu peccati, (12.) unde videri possit ea præferenda, quæ citò finitur; nihilominus probarem semper illam, quæ aliquanto durat tempore, præferatim ex duplici causa. Prima est, quia actus isti repetiti habitus malos fortius expugnant, & frangunt: hinc præstat, eleemosynam designatam per intervalla dispensare, quàm simul omnem elargiri. Deinde per hanc actuū iterationem fovetur concepta commissorum detestatio peccatorum, quorum post Absolutionem facilè succedit oblivio: & sicut corporibus, ità nec animis expedit venenata vulnera citò obduci. *In morsu venenato prohibetur cõsolidatio. ex Avicenna.* Simon Leprosus, etiam receptâ à Christo sanitate, infirmitatis suæ nomen retinuit, nè unquam ei excideret è memoria.

Denique illud, quod summopere acerbiter pœnitentiæ solet condire est verborum suavitas, quâ cum Pœnitente uteris. Pete ab illo, an proptè libenterquè pœnitentiam suscipiat, utquè facilè impleturus: ut, si aliter constitutus est, onus possis allevare, aut si huic nihil demendum videatur,

fieri quæ minor non possit, remittere non nihil obligationem, adstringendo quidem eum ad pœnitentiam subeundam, sed non sub gravi culpa. (13.) In Sacrificiis ingrata erant Victimæ, quæ vî ad aram erant trahendæ. *Hilarem datorem diligit Deus. 2. Cor. 9. 7.*

(1.) *Cap. Quæ ipsis. dist. 38. (2.) Cap. Final. de Maled. (3.) Cap. Prædicandum. 22. q. 1. (4.) Cap. Presbyter. dist. 32. (5.) Cap. Si quis. 30. q. 1. & Cap. non de. (6.) Cap. Si quis Cler. 17. q. 4. (7.) Cap. Si quis homicid. dist. 50. & Cap. Eos. ead. dist. (8.) Sotus in 4. dist. 20. q. 2. art. 3. Concl. 1. (9.) Tolet. l. 3. c. 11. n. 8. Laym. de Sac. Pœnit. c. 15. n. 12. (10.) Sotus in 4. dist. 20. q. 2. art. 3. Laym. l. c. (11.) Navar. in Sum. c. 26. n. 22. Laym. l. c. n. 11. (12.) Suar de Pœnit. disp. 38. Sect. 8. Laym. l. c. n. 15. (13.) Suar de Pœnit. disp. 38. Sect. 7. n. 5. Bonac. de Sac. disp. 5. q. 5. Sect. 3. puncto 2. n. 6. Sa. V. Satisfactio.*

C A P U T V.

Quid observandum sit Cōfessario, tam in impertienda Absolutione, quàm in eadem neganda.

Restat nunc exponendus supremus judicialis potestatis actus in sacro tribunali, nempe Absolutio: cujus beneficio Sacerdotis lingua, instar Sceptri Assueri, vitam confert humiliter sese huic submittentibus, mortem verò decernit immorigeris. Exigit proinde actus iste tantò majorem diligentiam, quantò gravius est susceptum negotium, quod est ultima, & decretoria sententia.

Primò autem notandum est discrimen geminæ potestatis, Ordinis, & Jurisdictionis. Utraque necessaria est ad ritè absolvendum. Astra suspice; nullum non in creationis origine à Conditorum virtutem inditam sibi accipit, quam inferiori mundo communicaret; verumtamen non æqualiter hæc ipsam dispartitur, neque omnem in unam effundunt provinciam, nec solum uni offerunt mortalium, sed plus minusvè, prout à suo motorem diversa distributa sunt climata, & varios sortiuntur aspectus, dispensant. Ità se res habet cum Sacerdotibus, qui sunt caelestia Ecclesiæ sidera. Tametsi in sua ordinatione à Christo susceperint virtutem dimitteendi peccata, non possunt tamen illam exercere pro suo arbitrio in quoscunque, sed juxta applicationem, quam recipiunt ab intelligentiis motricibus hujus cæli, hoc est, à supremis Antistitibus. Quare fieri potest, ut Pœnitens, qui se tuis advolvit pedibus, tuæ non subsit jurisdictioni, ex eo capite, quòd reus sit criminis

reservati suo Superiori. In hoc casu perpende necessitatem, quam Pœnitēs habet cōfītendi, & si eam urgentem comperias, veluti quōd Sacram Eucharistiam sumere debeat, aut quid simile, absolve illum, simul tamen denuntia, ut, hoc non obstante, abeat, sequē sistat manifestando illi, qui integrā absolvendi gerit potestatem. (1.) Si verō differri poterit Confessio, etsi licitum videatur nonnullis, (2.) saltem non expedit, illum absolvere etiam cum tali protestatione. Discas experiētiā, eum, qui hoc modo sine alio remedio dimittitur, longē majorem noxarum suarum horrorem concipere; secūs si fiat, non parū detrahitur acrimoniæ, & efficaciam tam salutaris medicinæ, quam Ecclesia in reservatione casuum instituit. Quōd si supradicta culpa annexam quoque habeat Censuram, procul dubio, exceptis circumstantiis summæ necessitatis (qualis foret grave famæ periculum) admittendus non est ad Sacramentum, qui tantō laborat obstaculo, quo ei accessus præcluditur. (3.) Verum est, quōd interim charitas suadeat, imō etiam videatur cogere ad procurandam majorem potestatem, quā cæres, quando aliter Pœnitens juvari non poterit, nisi remedio valde arduo & laborioso. Tale fuit laudabile charitatis obsequium in Abdemelecho, qui cū audisset Hieremiæ afflictissimum statum, in profundam ac fatidam fossam dejecti, nullam quietem habuit, donec impetratā à Rege facultate fuisset illum extraheret manibus. Si non parā benignitatis officio Prophetam ex cæno, Pœnitentem certē eripies ab incendio.

Exceptis similibus casibus, quos nunc attulimus, certissimum est, quolibet peccatorem, expositis sufficienter suis peccatis, datisque requisiti doloris indicis, jam obtinere jus ad absolutionem, neque hanc ei sine gravi injuria negari posse. At nunc oritur difficultas, quā ratione verum liceat discernere dolorem, cū eodem habitu sapissimè incedant vera & ficta pœnitentia, eundemque vultum referat fictum illud Saulis: *Peccavi*, ac sincerum Davidis. Hinc maximæ nascuntur angustie Confessarii; qui ex una parte per impatientiam lentioris curæ, non statim sectione uti debet, ex altera verō parte cavendum ei est, ne suā indulgentiā nimiam plagam sinat crudescere & exulcerari, dum integram & jam sanatam pronuntiat. Proinde ut certō cognoscas, quando Absolutio impertienda, vel neganda sit Pœnitenti, tres in ipso considerandi sunt status, qui majus solent afferre dubium: Recidivi, constituti dein in occasione proxima peccandi & peccatores publici. Incipiamus à primo, utpote malo magis vulgato. Relapsus, peccatis illa est, quæ paradisi semitam tot funestis implevit exemplis, in qua tot Pœnitentium notantur vestigia, qui vix acceptō ad cursum signo stadium

ingressi pro gloria certaturi, repente defecerunt, ac velut ignava pecora sua repeiêrunt stabula, nihil eos remorante Prophetæ objuratione, quâ abjectum hoc hominum genus castigabat: *Quàm vilis facta es nimis, iterans vias tuas. Jerem: 2. 36.* His tamen omnibus irâ stantibus, si prudenter judices, quod eorum aliquis verum habeat mutandi viam propositum, potes eundem absolvere, tamen si timeas, eum facile ad vomitum esse reversurû, atquè scias, canis instar putidissimi non semel, sed sæpius jam antehac retrocessisse. Ratio est, quia voluntas præfens sese emendandi, est materia Sacramenti, non autem emendatio subsequens, quæ tamen cum Divina gratia etiam ab inconstante potest obtineri: *Potens est enim Deus*, ut ait Apostolus, *statuere illum. Rom: 14. 4.* Quòd si autem è contrario tibi quispiam videatur non efficaciter peccata detestari, suisquè captus ac irretitus robustissimis affectibus, seu utilitatis, seu libidinis, seu iracundiæ, animum non, ut oportet, ad Deum convertere, nequiquam concessum est ei conferre Absolutionem, quantumvis se contritum esse affirmet. (4.) Quia in hoc tribunali tu Judex es, & ad te pertinet judicare, quis sit dispositus, nulla habita ratione verborum rei, quibus equidem fidem dare oportet tanquã testimonio, non autem, quando fortior præsumptio facti adversatur verborum protestationi. (5.) At inquis, in hoc punctum consistit, ut quis certam calleat Regulam, quâ securè niti ac perspicere possit, quando illorû promissis sit tribuenda, vel adimenda fides. Respondeo. Quando ejusmodi peccator ostendit insolita atquè extraordinaria doloris signa: quando non ex consuetudine, quam habet, Confessionem accedit, sed animò quærendi peccatorum suorum remedium, quorum in se sentit superesse remorsum; quando quidpiam emendationis affert, vel saltem sollicitudinem gessit, studiumquè se emendandi adhibuit: si antehac non edoctus mali gravitatem, nunc æquo animò admonitionem datam suscipit, statuitquè uti remediis præscriptis, quibus se ipsum à relapsu præservet. In his circumstantiis oportet ei credere, & dare absolutionem, tanquã disposito. (6.) Sin autem è contrario nec una harum dispositionum apparet, sed potius immanis scelerum affertur cumulus sine doloris sensu, nihilquè cogitando de tanta sarcina excutienda, aut minuenda, quis prudenter judicabit, hunc esse contritum? (7.) Quis voluntatem talem censebit esse efficacem, quæ nec unicum applicat medium ad consequendum suum finem? In veritate talis non affert propositum marmoris incisum, sed nè quidem argillæ aut cæræ, sed aquæ inscriptum.

Quòd si indicia essent adedò dubia, ut nescires, quid esset statuendum?

In hoc casu ad deliberandum tibi sume spatium temporis. Noli pœnitenti negare Absolutionem, sed differ. (8.) Redeat tunc, quò is intereà se certioribus signis pœnitentiæ disposuerit, tu verò majus lumen accipias tuar à prudentia, attentè expendendo ipsius statum, tum ab oratione ferventer eum commendando Numini. Expediet hujusmodi dilatio etiam circa illos recidivos, quos judicabis sufficiènte proposito instructos ad recipiendam Absolutionem. (9.) Quia hoc instar carbonis igniti impositi, mirabiliter animi lethargum excutiet, jam jam cum mortis sopore commutandum: facit, ut pœnitens confusus peccata sua apprehendat, inspiciat, atque perpendat, & si jam antea fuit compunctus, incredibiliter augeatur contritio: adeò ut pœnitentia, quæ iniitiò levis ac languida illecebrosi objecti simplicem repræsentationem ferre vix poterat, nunc veluti novo animata vigore, par sit graviore quoque oppugnationi sustinendæ. Atque in hunc modum communiter remedium istud ab Auctoribus traditur, estquè in usu apud prudentes Confessarios magno fructu, præcipuè cum suaviora nihil profecerunt. (10.) Intereà dum ita suspendis Absolutionem, suade Pœnitenti aliquam devotionem ut suscipiat, sive largiendo eleemosynam, visitando Altare quoddam, frequentando concionem; aut quid simile, quò veluti instrumentò sibi firmius comparet propositum. Spero fore, ut usu ipso discas, quot ex hoc remedio vitam suam mutaverint, & inter has moderatæ severitatis angustias constricti, pravas consuetudines tanquã pellem reliquerint, quam multis annis dorso suo excutere nequiverunt.

(1.) Suar. de Pœnit. disp. 31. sect. 3. Henriq. l. 3. de Pœnit. Sacram. c. 15. Laym. de Sacram. Pen. c. 12. n. 10. (2.) Angelus, & Sylvest. V. Confess. (3.) Laym. l. c. n. 10. in fine. (4.) Lugo de Sacram. Pœnit. disp. 14. sect. 10. n. 166. (5.) Anton. Perez. de Pœnit. disp. 3. c. 4. n. 64. Coninck. de Sacra Pœnit. disp. 8. dub. 17. n. 132. (6.) De Lugo l. c. Laym. l. 5. tr. 6. c. 4. n. 10. (7.) Laym. l. c. vers. verumtamen interdum. (8.) Lugo, & Laym. l. c. (9.) De Lugo l. c. n. 168. Arriaga de Pœnit. disp. 38. sect. 6. Castropal. Tom. 1. tr. 2. disp. 2. pun. 9. §. 3. n. 17. Bonac. de Matr. q. 4. p. 14. n. 14. Regin. in Praxi to. 1. l. 8. n. 19. (10.) Arriaga l. cit.

C A P U T V.

De specialibus difficultatibus, quæ occurrunt circa eos, qui versantur in proxima occasione peccandi.

Non soli Israëlita novam & prodigiosè per mare Erythræum apertã viam
fue-

fuertunt ingressi. Auti sunt eam quoque tentare Aegyptii, sed maximò sub exitiò. Ità Confessionem accedunt non soli Fideles, qui si non omnè peccati servitutem excusserunt, saltem se ostendunt fugitivos. Huc quoque adveniunt ii, qui etiamnum servitute constricti, & in hoc Sacramento mortem inveniunt, unde contriti reportarent libertatem. Itaque prudentis Confessarii est, veluti Moysis, eadem auctoritate, quâ Pœnitentibus ritè dispositis viam & transitum aperuit, eam claudere indurato: dare Absolutionem bene meritis, negare indignis. Et quoniam innumeri propè sunt, qui se reddunt indignos, quòd proxima occasione mala perperam amata sint irretiti, afferam hic quædam observanda in hoc magni momenti negotio, quò intricatius fortè, & magis arduum occurrere nullum possit in hoc sacro tribunali.

Notum jam est, eam dici occasionem proximam peccati, quæ frequenter solet inducere ad committendum peccatum. (1.) Notandū verò hic est, frequentiam non sumi & spectari absolutè, sed respectivè. Rem sic declaro. Solet quispiam per annum quinquies aut sexies iter facere, ac in eodem divertere hospitio; ubi, quoties moratur, toties cum earum ædium domina perpetrat flagitium. Si numerum istum absolutè spectes, non videbitur sufficiens ad constituendam occasionem proximam; non item si consideres eum respectivè, quia videbis, quòd miser hic rarò quidem cadat, quòd rarò domum illam subeat. Sed quid istud rem minuatur, cum, quoties ibi divertit, toties peccet? Adverte porrò, ut quis dici possit versari in proximo peccandi periculo, necessarium non esse, ut cum peccati complice sub eodem tecto habitet, (2.) aut talem personam alibi sustentet, & in hunc finem primariò conservet: imò longè minùs necesse est, ut non solum peccet cogitatione, sed ipso quoque opere, peccatum non inchoet tantummodò, sed absolvat. (3.) Quid enim hoc refert? Adverte animam ad definitionem superius allatam, & si inspiciendo diligentius peccati radicem deprehenderis per talem societatem, conversationem, aut ejusmodi malè agendi opportunitatem, frequenter quempiam induci ad committendū peccatum, semper cum veritate poteris affirmare, quòd respectu illius istud sufficiat ad efficiendam occasionem proximam.

Consideravimus naturam occasionis; nunc ad obligationem, quam secum trahit, veniamus. Duplici ratione pœnitens his laqueis potest esse implicatus, vel ut detineatur instar mancipii transstris alligati in triremi; vel ut se habeat quidem ad modum servi, sed voluntarii, qui & liberè ad hæc vincula fiat venditus, & suomet arbitriò iisdem se potest exolvere. Clarius expli-

explico: fieri potest, ut occasio ejusmodi sit voluntaria, aut involuntaria. Nempe si tuus Pœnitens versatur in illo periculo violenter, à morali necessitate detentus, non ipsum obligare debes ad adhibendam vim, & sequendum exemplum quorundam vi coactorum, qui recuperandæ libertatis desiderio ferrum & ignem arripiunt. Suadere potes, ut faciat, quod equum est, eique compati, & exequi illa, quæ superius de Recidivis dicta sunt. Non enim scriptum est. *Qui est in periculo, sed, qui amat periculum, in illo peribit. Eccli. 3. 27.* Quò clare insinuat, non esse indignas Divinâ gratiâ eas animas, quæ sub occasione velut à Tyrannide oppressi gemunt, sed qui eandem colunt ut dominam. Sic compatiamur filiis familias, qui modum non habent dimittendi famulam è servitio, cujus alioqui prava utuntur consuetudine. similiter etiam iis cognatis qui vinculo sanguinis constricti coguntur in eadem domo habitare, tamen tam gravem injuriam repetitis incertibus sanguini inferant. (4.) Hujusmodi personis talis occasio non est voluntaria, ideoquè tolerata. Attamen hic velim, seriam hanc observes admonitionem: quæ est, quòd tales personæ loco fugæ, quam moraliter in ejusmodi circumstantiis arripere nequeunt, teneantur adhibere alias industrias validas ad evitandum relapsum. (5.) Nam periculum proximum peccandi, veluti funestum naufragium, malum est adeò grave, ut, quando quis etiam non nisi violenter detentus in illo haeret, non possit satisfacere legi charitatis, quam quisquè sibi ipsi debet, nisi pro viribus se studeat avellere, & ut ita loquar, tabulam arripiat, cum navis deest, quâ evadat. Atq; hanc obligationem ex officio teneris manifestare ejusmodi Pœnitentibus. (6.) Præscribendo ipsis in hunc finem aliquam earum industrias, quæ videbantur magis esse accommodatæ. (7.) Cujusmodi essent, oratio prolixior, elemosyna liberalior, major concionum frequentatio, usus Sacramentorum crebrior, quotidiana propositi renovatio coram Crucifixi imagine, non amplius eundem offendendi, neque conversandi cum persona sola, unde oritur periculum, neque curiosius intuenti; ita ut hac ratione objecto præsentis adimatur illa vis & efficacia, quâ ad se attrahit appetitum, & per hunc veluti subornatum ministrum, ipsam voluntatem. Absquè istis industriis periculum efficitur voluntarium, & per consequens, lethale. Neque dici potest, quòd invitus maneat in hac occasione. Indubitatum est, quòd ametur, quando, cum posset satis mitigari tyrannis, non curatur. Placet nonnullis similiter in his circumstantiis pro remedio præscribere Pœnitentiam aliquam cum conditione (8.) Exempli gratiâ: quoties cecideris, totidem procura legi Missæ Sacrificia, vel jejuna, aut flagellò in te animad-

verre. Verùm hic cautela opus est: nam si pœnitentia nimis erit facilis, nõ retrahet à peccato: si difficilior, forstan non dabitur executioni. Incurris isthic periculum, quod machinator solet in munienda aliqua arce. Si vallũ designet humile, non defender ad versus hostem; si equam excedat altitudinem, & materia, & ratio illud extollendi, deficient.

Illud, quod præter hæc omnia semper difficillimum in hac materia restat, est assignare certam aliquam Regulam cognoscendi, quanta debeat esse difficultas, quæ Pœnitentem liberet ab obligatione removendi ipsam occasionem: quandoquidem non quævis difficultas sufficiens est, sed ea dũtaxat, quæ cum morali impossibilitate conjuncta est, ut tollatur. Omnes ferè Doctores rem hanc relinquunt prudenti judicio Confessarii, consideratis circumstantiis determinandam, expendendo, ac æstimando damna, tam circa vitam, & honorem, quàm bona fortunæ emergentia. Pro praxi res nõ videtur clariùs posse exponi, quàm in hunc modum. Præceptum fugiendi occasionem impositum est à lege naturali ad diminuenda, non augenda peccata. Quando itaque difficiliùs est in praxi tollere occasionem, quàm stante hac re ipsa evitare peccatum, non potest esse obligatio eam deferendi. Alioqui cresceret periculum duplicandi culpam per hæc ipsa media, quæ à lege præscribuntur ad eandem amputandam. (9.) Verum est, secundum has omnes Regulas, ac declarationes, optimum esse consilium, ut deprehensus in talibus angustiis, mentis oculos ad Deum convertas, atque humiliter postules Sapientiam throni ejus assistentem, nè in tanti momenti negotio, vel austeritate, vel indulgentiâ excedas. In dubio semper elige partem rigorosam, quia hæc, uti vidimus, cedit in majorem Pœnitentis favorẽ. Considerando scilicet in uno Holofernis capite amputato, universam victoriæ gloriam consistere: uno, inquam, ictu infinita rescindi scelera.

Hactenus de occasione, quæ est involuntaria dictum est. Progrediamur nunc ad mancipia, quæ sua amant vincula & catenas. Dubium non est, quòd, si pœnitens absque gravi suo damno sese possit eximere, id facere teneatur, alioqui nec odium ad versus peccatum præferret, nec legem integram observaret. Non enim odisset peccatum; quia dum rem unam moraliter cum peccato connexam vult, manifestè convincitur, simul & velle peccatum. (10.) Legem quoque non observaret integram, nam idẽ præceptum, quo prohibetur transgressio, erat etiam periculum proximũ delinquendi. (11.) Atque hinc colliges, quo fundamentò debeas interdũ Pœnitenti interdicare quasdam actiones ex natura sua indifferetes, ut sunt, conversari cum feminis, adire choreas. Quoniam in multis circumstantiis

mox évadunt illicitæ, dum fiunt periculosa. Itaque si pœnitens nolit iis penitus abstinere, tenetur saltem intantum devitare, inquantum formatur occasio proxima. (12.) Hoc est, si in illa visitatione, saltu, aut nocturna conversatione frequenter concupiscit fœminam, tenetur fugere, si non omnem conversationem in genere, & ludos, saltem eos, qui præbent occasionem aspiciendi puellam amatam, atque sic eam lascivè desiderandi.

Verùm in hac materia parùm tibi dixerim, nisi subtilissimas duas fratres detexero, quibûs Pœnitens te secummetipso potest involvere. Bellissimè inductis coloribûs tibi depinget nonnulla scandala, afferet detrimenta à se excogitata, describet, quàm difficile sit, removeve occasionem, & quàm facile in eadem versari absque peccato, tamen non deseratur, ut si plus æquò credulum te præbeas, certò certius periculum incururus, & malè præcipitatem Absolutionem sis impertiturus. Nulla infertur injuria, tamen non statim fidem adhibeas dictis, antequam probè expendas velut monetâ ceterùm usitatam, quia res est magni momenti. Expende non nihil, quæntâ & qualia ea sint scandala in præsentè casu. Tota vicinia malis exemplis offensa, quæ præbet concubinariis quilibet, palàm murmurat, & obloquitur, ipse verò instar perdicis clausis oculis, ac in terrâ immerso capite, credit se à nemine notari. Age de removèda concubina, en domus tota erit in armis, veluti expulsa meretrice ad ædium fores infamis erigeretur statua. Sed dic mihi, vel populus familiaritatè hanc antea animadvertit, vel non observavit? Si non advertit: dimissio cõcubinæ non tibi majorè notâ pariet, quàm si famulâ domo emisisses. Quòd si notû vulgò fuit, non inde cõsequetur ulla famæ tuæ jactura, sed redintegratio potiùs. Quantum dein attinet ad emèdationè promissâ tantâ facilitate, inspicie clarû Legis textum: *Semel malus, semper prasumitur malus, in eodem genere mali, durante eadem causâ mali. De Regulis juris in 6.* Forsitan post Absolutionem, uno veluti tractu detersâ malorû habituum rubigine, novum recipient genium, & æris robur? Erunt ex carne, sicuti antea, hoc est, ex testa, quæ primò validæ tentationis insultu diffringitur. Quòd spectat ad magnam difficultatem deserendi, vel removendi occasionem peccandi, notandum est, quòd affectus, quo miseri isti sordidis suis adhærent voluptatibus, longè supra verum eam fingat majorè. Naturale est, etiam paleam, qua pungitur id, quòd amatur, videri sarissâ. Tantùm quis timet, quantum amat: & qui finè modo amat, finè ratione quoque timet. Unde hi cum pigro illo in Proverbiis descripto, non solum trepidant à leonibus per sylvam discursantibus, sed in medio foro; ubi nullus unquam occurret. *Dicit piger: Leo est foris: in medio platearum occidendus sum.*

Num. Prov. 22. 13. Sed age: sit res oppidò difficilis: certum tamen est, nisi notabilis esset subeunda difficultas pro obtinenda beatitudine, non diceretur, violentiâ opus esse. *Regnum calorum vim patitur. Matth. 11. 12.* Neque occasionum fuga similis pronuntiaretur abscissioni manûs, aut oculorum effossioni, ut fieri imperat Dominus noster, sed perinde foret, ac si quis detraheret manicam, aut sinè dolore raderet capillos. Sufficeret, si ad decidendam hanc litem, Judex illorum adveniret utilitas, & videres, quàm promptè illius essent parituri sententiæ, si imperaret separationem proposita spe obtinendæ hæreditatis. Sed quid dico? sufficeret, si aliquando persona talis fieret deformis, tetrica, & fastidiosa; ô quàm celeriter ejus desereretur familiaritas, olim tam grata! Tunc prætextus illi, quòd sit domui necessaria; quòd non inveniatur famula paræ fidelitatis; quòd illius dimissio hominibus daret ansam loquendi; tunc inquam, speciosi hi tituli veluti nebulæ momentò dissolverentur, & proprio suo habitu apparet sceleratum illud. *Nolo, quod tamdiu personatum latuit sub caligine larvæ. Non potest fieri.*

Non itaque minùs perniciosum est aliud fraudis genus, quo familiariter ejusmodi pœnitentes utuntur, & circumveniunt Confessarios, cum se optimis verbis ostendunt paratòs deserere occasionem. Sed verba sunt. Finita Confessione, post vernos promissionum flores succedit sterilis autumnus nullo executionis fructu. Moneo, nè fidem attribuas ipsi, & nè citra casus extraordinarios (qui ab universali regula sunt excepti) errorem hunc muneris tuo probrosissimum admittas, Absolutionem nempe conferendo, priusquam occasio sit sublata, quâdo tolli potest. (13.) Prius sagitta extrahenda est, ac tum medendum vulnere. Obsides antea dandi sunt, priusquam pax firmiter stabilietur. Ejiciantur primò abominationes è Templo, & tunc de sacrificiis Domino offerendis cogitandum. Non nego, quorundam (14.) esse sententiam, posse primâ vice absolvi pœnitentem, datâ promissione, se quamprimùm suæ satisfactorum obligationi, ac deserturum malam consuetudinem. Ego verò repeto, quòd dixi: regulariter loquendo, nè id facias: Nam, pace illorum dixerim, qui te ista docent; experientia, quæ Operarium informat ad suggerenda consilia etiam Magistris, nobis demonstrat (15.) pœnitentes tales in hunc modum absolutos, finitò Paschali tempore non solum nullam evadendi retia ista gerere sollicitudinem, verum etiam instar sylvestrium caprarum insanientium consopiri. Centum inveniuntur prætextus, & antequàm removeantur peccandi occasiones, multiplicantur potius lapsus, donec revolutò annò rursus succedat Pascha, quo fiat copia

circumcundi, & divertendi apud aliud Confessarium æquè incauti. Quod si Pœnitens sapiens jam fidem fefellit tibi vel aliis, in præteritis Confessionibus datam, deñuntio tibi, quod illum non solum nulla ratione debeas absolvere, sed neque possis. (16.) Ratio est, quia non est dispositus, conjiciendo se de novo, sine necessitate, in gravissimum periculum non dimittendi faminam, quantumvis fuerit confessus: dum interim longè facilius discrimen potest effugere, eâ amandatâ ante Confessionem. Neque hoc locò valet paritas cum iis, qui merè sunt recidivi, quod hi nempe absolvantur, tamen si promissis non steterint: non, inquam, comparisonem hęc licet instituire. (17.) Nam occasio uno ictu tollitur, ubi è contrario effrenatis passionibus, non ita uno duntaxat actu resistitur, sed continuò in armis stare opus est. Idcirco infidelitas recidivi non clarè arguit defectum propositi, quem infidelitas prodit hujus Pœnitentis, qui promissit sese à periculo abstrahere, nec postea præstitit. Taceo, quod hæc ipsa separatio medium sit summo opere conducibile ad emendationem, ideoquè, cum negligitur, evidens est, vel nunquam firmum animi decretum præcessisse, vel voluntatem valde fuisse inefficacem, quæ illius usum intermittit. Denique si nihilominus tibi pluris facienda viderentur præsentia verba pœnitentis, quàm opera præterita, & absquè justâ causâ eum censes sufficienter contritum, ideoque absolvendum; placeat tamen audire, quæ tibi candidè loquor: non agis ut bonus Confessarius; & si partes obis Judicis, cerè non satisfacis officio Medici; (18.) ad quod adeò es obligatus, uti postea demonstrabo. Sic contritus Pœnitens, quantum tibi videtur, nihilominus æquum non est, ut ipsum relinquant sanum in draconis faucibus, cum possis eripere ex tam atroci periculo, cujusmodi est relapsus, remediò, quod est unicum adversus hoc malum, nempe urgendo, ut ea, ad quæ tenerur, præmittat: ac differendo Absolutionem eò usquè, dum omnia impleverit.

Justa hæc severitas multò magis est necessaria circa peccatores publicos illi enim supra malitiam occasionis proximæ, adjungunt quod de scandalis, duplicando hæc ratione suam indispositionem infirmitate non tantum gravi sed contagiosa. Istis animosius neganda sunt Sacramenta, (19.) non solum non absolvendo sine debitis experimentis, quando ad te Confessionis causâ veniunt, qui non es Parochus; sed longè minùs, si esses Parochus, indulgendo, ut stolidæ oves averfando proprium pastorem, incidant in Confessarium parum prudentem, qui ipsos absolvat, aut rectius loquendo, pluribus nodis constringat. Sicuti publicum est eorum peccatum, ita publicam oportet esse conversionem. (20.) Imò debet quoque esse stabilita tempore,

quò nihil ad explorandam veritatem est aptius. (21.) Alioquì populus jure offenditur, cum videt, panem filiorum porrigi etiam canibus, neque discerni inter Diriam & Dalilam, inter coactos vi, & voluntarios; & in contemptum Apostoli Pauli, admitti ad mensam Redemptoris eos, qui perpetuè convivà sunt Sathanæ: quasi antiquata jam foret prohibitio, olim à gravi tubà promulgata: *Non potestis mensæ Domini participes esse. & mensæ demoniorum 1. Cor. 10. 21.* Quoniam verò in aliquo rarissimo casu, etiam in hoc hominum genere inveniri potest dispositio quadam mira doloris, unà cum executione & efficacità, ac etiam repentinà avulsione ab occasione nãle operandi; non omittam hic suppeditare consilium expeditum, quo juvari possit peccator publicus, ritè dispositus. Absolve illum, sed ad sacram Communionem non admitte, saltem in loco, ubi notus est. (22.) Nisi tamen ex Pastoris officio, quod geris, censes, publicè pro concione promulgandam esse populo ejus conversionem, vel certè in congressibus privatis viris quibusdam prædentibus, quique alicujus sunt nominis, eandem significandam, per quos fama deinde in vulgus emanet; (23.) Cum tantum intersit tollere scandalum, ut, quando aliquis caterum liber à peccato, qualis est concubinarium relicta turpi consuetudine, si publicè de ipso opinio nondum expulsa mulieris circumvolitet, nihilominus debeat in participatione Sacramentorum eandem sustinere rigorem, ubi subjacent veri peccatores publici. (24.) Nam miser hic similis est citioni non integrè extincto, in quo licet ignis absit concupiscentiæ, supetesi fumus, & consequens factor mali exèpli.

Sed hic liceat mihi promere doloris sensum vehementissimum, quo differencior: Tor Regulæ, tor limitationes, tor cautelæ! quid demum proficiunt sudant præstantes Theologi in tradendis ac dirigendis pro sacrosancto hoc judicio Sacerdotalibus sententiis, tor tamen quotidie absque examine, discrimine, interrogatione, promiscuè absolvunt; occasiones proximas, & remotas, concubinarium & continentem, meretrices & virgines, modestos & scandalosos, & conscientiarum vincula agresti falcè resècant. Satis ipsis est, audire: Pater, curabo ut me emendem: si potero tantum, non amplius peccabo: Et hujusmodi pœnitentiæ debili voce prolata, proposito adeò languido ac inefficaci, sapè etiam ore publici furis & concubinae significato, mox responderat: bene est, irà faciàs: elevatur manus, & repetitur: *absolve te.* Non jam rumpendo, sed geminando eodem momento catenas duabus animabus, Pœnitenti non disposito, & improvido Confessario. Et quid mirum postea est, si impudicitia velut alterum diluvium, sed flammam infernalium, se non solum in Laicorum campos effundat, eosquè contegat,

sed etiam supra montes Armeniæ ascendat, & Clerum quoque obruat atque demergat? Facilius, quâ multi Confessarii in quocunque absolvendo utuntur, ea est, quæ aggeres dirumpit, viamque aperit, ut quaquaversum sine obice se effundat fœtidissima eluyies. Interim non erit difficile Pœnitenti à te dimisso, invenire aliquem eorum, qui secus, ac laudatissimus ille senex, eadem omninò formulâ benedicunt Jacobo electo, & Elau reprobo. Sed quid eum juvabit benigna illa sententia, per quam cum ipso etiâ condemnabitur Judex, qui eam pronuntiavit? *Benedicent illi*, verissimum, sed quæ utilitas, si Deus *maledicet*? Quanto rectius se disponderet talis Pœnitens, si (& hoc ipsum ei, vide, persuadeas) ad dignius suscipiendam Absolutionem, repetitis precibus, ac tum expletis iis, ad quæ tenebatur, ad te rediret, suamque causam redderet meliorem, neque ad aliud transferret tribunal? Quod si ipsi præplacet commutare tribunal potius, quàm suæ prospicere causæ, penes ipsum sit: sine abire. *Ipsè in iniquitate sua morietur: tibi verò dicam cum Ezechiele: Tu autem animam tuam liberasti. c. 3. 19.*

Satis prævideo, quòd in hunc modum procedendo cum malè dispositis, sæpè inclementer agi videatur. Sed quid faciendum? *noli fieri Judex*, monet Ecclesiasticus, *nisi valeas virtute irrumpere iniquitates. c. 7. 6.* Si incòpositè se gerant, vociferentur, exaggerent, & desperantibus similes se ostendant: patientia. Obyersetur animo præceptum illud *Exod. 23. 3. Pauperis quoque non misereberis in iudicio.* Non deferenda est justitia, etiam ob pietatem in pauperes, non cedendum lacrymis, non mærori: cogita itaque, an ab æquitate liceat deflectere, ob vilem timorem sermonis, qui fremat. *Iuste, quod justum est, persequeris. Deut. 16. 20.* Sit qui minas intentet propterea, quòd concubinam absolutione privas: num absolves? Considera, nos non esse Dominos Sacramentorum. Solummodò, ut Apostolus loquitur, audimus Administratores. *Dispensatores Mysteriorum Dei. 1. Cor. 4.* Quare aut renuntiandum est officio, aut debitò modò exercendum, nè Sancta porrigantur canibus, hoc est, vindictam spirantibus, furiosis, maledicis, improbis, blasphemis, ac impœnitentibus; & nè projiciantur margaritæ ante porcos, hoc est in sordidum libidinosorum stabulum, qui nolunt ex fimo surgere.

- (1.) Sanchez. in Decal. l. 1. c. 8. n. 1. Suar. de Pœnit. disp. 32. sect. 2. n. 4.
 (2.) Castropal. 10. 1. tr. 2. disp. 2. pu. 9. § 3. n. 2. (3.) Castropal. l. c. Graff. 1. p. Dec. l. 1. c. 26. n. 16. (4.) De Lugo de Pœnit. disp. 14. sect. 10. n. 152. Castropal. l. c. n. 12. Laym. l. 5. tr. 6. c. 4. n. 9. (5.) Jo. de Cardenas in Crisi theol. tr. 1. disp. 18. n. 98. 100. 154. vide Suar. de Pœnit. l. c. n. 4. in fine, Laym. l. c. n. 9. vers.

parati interim. Coninck, disp. 8. de Sacr. n. 134. (6.) Jo. de Card. l. c. n. 161.
 (7.) Coninck. l. c. (8.) Coninck. l. c. Laym. l. c. 6. 15. n. 11. Graff. de cas. reserv.
 d. 1. c. 18. n. 38. (9.) Ant. Perez. de Pœnit. disp. 3. c. 4. n. 65 (10.) Hurtado
 p. 1. tr. 1. n. 8. (11.) Castrop. l. c. n. 1. (12.) Megala l. 4. Instit. c. 6. n. 7. (13.)
 Tolet. l. 5. c. 10. n. 13. Cajet. in Sum. V. Conub. Azôr. 3. p. l. 3. t. 6. Lopez. 1.
 p. c. 78. Coninck. l. 6. n. 133. Bon. de Matr. q. 4. pu. 14. n. 11. Sylv. V. Conub.
 Jo. de Card. l. c. n. 119. Filliuc. tr. 30. c. 2. n. 56. (14.) Jo. Sanc. disp. 10. n. 4.
 (15.) Castrop. l. c. n. 18. (16.) Hurr. l. c. n. 14. Jo. de Card. l. c. n. 131. (17.)
 Arriag. de Pœnit. disp. 38. sect. 5. Jo. de Card. l. c. n. 140. (18.) Castrop. l. c. n.
 18. De Lugo de Pœnit. l. c. n. 169. 171. (19.) Navar. in Sum. c. 21. n. 55. Laym.
 l. 5. tr. 4. c. 6. n. 8. S. Th. q. 86. art. 6. (20.) Laym. l. c. Henriq. l. 8. de Eu-
 char. c. 56. Sa. V. Euchar. (21.) Tolet. l. 5. c. 10. n. 13. (22.) Navarr. l. c. n.
 55. Laym. l. c. (23.) Henriq. l. c. n. 3. Sa. l. c. (24.) Navarr. in Sum. c. 16.
 n. 2. Castrop. l. c. n. 19. Sylv. V. Conub. q. 2.

C A P U T VI.

*Quodd Confessarius gerat officium Medici, & de dotibus ad
 bene illo fungendum requisitis.*

DUOS fines habet Pœnitentia. Unus est, destruere ac delere culpas præ-
 teritas; alter, impedire futuras: ad eum ferè modum, quo ignis eodem
 tempore & putredinem consumit partis infectæ, & simul præservat
 integram. Ad primum contendit Sacerdos officio Judicis, uti vidimus; al-
 terum obrinet medici munere, quod nunc inspiciemus. Et tametsi officium
 Medici sit secundarium, metaphoricè, non propriè attribuatur Confessario,
 quemadmodum ei convenit esse Judicem, nihilominus non minùs interest
 Pœnitentis, qui tametsi reperiat, à quo absolvatur, non tamen perinde fa-
 cile reperiet, à quo curetur. Ut quis ergo peritus evadat Medicus, tribùs o-
 portet eum esse instructum dotibùs, quas etiam Philosophus in bono Consi-
 liario desideravit, nempe *sit vir probus, prudens, & benevolus.*

Primò exigitur vitæ bonitas. *Sit probus.* Primus gradus hujus bonitatis
 est, non afferre ad administrationem salutiferi hujus Sacramenti conscientiam
 maculatam: quippe summum sacrilegium est, ut nôsti, sordidis manibùs
 dispensare gratiam Divinam: nisi repentinus aliquis casus foret, ubi neces-
 sitas proximi tantùm moræ non concederet; veluti si vulneratus jam jam
 esset moriturus. (1.) Extra similes raros casus, si intrè te mortalem plagam

CAPUT SEXTUM

deprenderis, debet omninò ea primò sanari, sive per Confessionem, sive per contritionem, nè cogaris audire Judicis tui amarâ exprobrationem; *Medice cura te ipsum.* Quòd si grave tibi non sit, ut ad hanc ipsam curam expeditiorem reddendam, tibi etiam suggeram medicamentum, cape illud ex hoc devoto affectu, quem subjicio.

O Pater misericordiarum! magnum omninò, magnum dolorem tibi creavi. Justissimâ equidè rationè habes de me conquerendi: *Filios enutrivisti, & exaltavi. ipsi autem spreverunt me. Isa. 1. 2.* Sed quis est iste Filius tuus, indignissimus hoc nomine, nisi ego? Ego sum, qui non solum nutritus immaculata carne tua in sacrosancto Mille Sacrificio, sed eversus quoque ad potestatem dimittendi aliorum peccata in Confessione Sacramentali, te gravissimè offendi propriis meis peccatis. Si quis è plebe ità te tractasset, què admodum ego, omninò intolerabilis foret injuria. Quid nunc fiet? quando ausus est illud unus ex domesticis tuis, & Sacerdos? Ah! Deus meus, summum Bonum meum, Creator meus, Conservator meus, & Redemptor benignissime, erravi, erravi! *Peccavi in calum. & coram Te!* Confiteor: *jam nò sum dignus vocari filius tuus. Luc. 15. 21.* Nullam invenio abyssum, quæ me satis abscondat præ confusione, quam mihi afferunt offensæ. O si meo quoque sanguine tibi possem restituere hunc ipsam honorem, què summa mea ingratitude abstuli! sed cum nequeam ego miser illum reddere, dignare eum ex te ipso resarcire, Domine mi, tequè glorificare. Nulla gloria est, perdere peccatorem: Hoc est ostendere potentiam contra folium, quod à vento rapitur. Magna gloria est, delere in ipso peccatum, & immutare cor, ut tantum te amet, quantum offendit. Complacere tibi, hanc magnam in me ostendere potentiam. Protestor, quòd peccata mea super omnia mala abominer, ex puro tui amore: odi tanquam hostes tuos, detestor ut injurias tuas, & oro humillimè, ut potius vitam à me auferas, si non conformem deinceps statui meo sim ducturus quem gero, Sacerdotis.

In hoc lavacro culpas tuas elues, antequàm cum Angelo Testamenti descendas, & aquam moveas Probaticæ in salutem peccatorum. Verùm nimis tenuis est virtus illa Sacerdotis, cui factis est, non admittere sacrilegium. Necessè est ulterius eam progredi, ac tantam effici, quæ se etiam in alios abundanter possit effundere. Nutrix geminatio indiget alimentò, quo & se ipsam sustentet, & simul lactandæ proli sufficiat. Ità se res habet in Confessariis. Ipsis convenit duplex ille Spiritus, quem sibi poposcit Eliseus. *Obsecro, ut fac in me duplex Spiritus. 4. Reg. 2. 9.* Spiritus, in cujus virtute evadant eodem tempore (ut desideravit esse omnes Sacerdotes, S. Dionysius)

us) & perfecti, & perficientes. Tuū est, sordidas intrare cloacas, Solis instar, quin tamen contamineris: inter purulenta versaris eadavera, ubi necesse est ea prætervolare, neque pedem in iisdem figere: periculosa sapius oculos ferient objecta, & aures narrationes obscenæ; imitandus Loth erit, quem sacra testantur literæ, & oculis, & auribus permanisse illibatum. *Aspectu & auditu justus erat. 2. Pet. 2. 8.* An non tibi eximia bonitas videtur esse necessaria, tanto muneri exequendo? Excellens sanè fuit Hieremiæ sanctitas, & tamen, cum illum Deus juberet familiarius agere cum peccatoribus, memorem esse voluit, nè dum eos studeret capere, ipsemet præda fieret. *Convertentur ipsi ad te, & tu non converteris ad eos. Hierem. 15: 19.*

Quòd verò necessaria sit prudentia Confessario, extra omne dubium manet: *sit prudens.* Ei, qui causam hujus posceret, responderi posset quærēdo, cur visu pollere nauclerum opus sit? Tres actus continet hæc prudentia. Dirigere Pœnitentis actiones ad suum finem; easdem regere, nè aberrarent, & corrigere, ac reducere aberrantes. Hinc intelliges, prudentiam, de qua nobis sermo est, esse ex genere, quæ plus commercij habet cum celo, quàm cum terra, & quæ in conducendis animabus ad eum modum regitur, quo utuntur agentes iter per Arabiæ solitudines, nempe observādo stellas potiùs, quàm signatam vestigiis semitam per arenas, fluctuum instar ventis jactatas atque confusas. Ratio eandem consequendi est, eam postulare à Deo cum sit radius lucidissimi ipsius vultus, simulquè haurire ex libris sacris. Rem magnam! exclamat S. Thomas: (2.) videmus Medicos continuò pervolutare libros, ut remedium aliquod inveniant, quo ægro vitam prolongare valeant. Et tamen omnis caro fœnum, quod si non marcescat hodie, arefcet die crastino. Et Confessarii vix unquam pium aperiant librum, inde utilem petitori aphorismum, quo restituant vel conservent animabus salutem, quæ tamen æternum vel victuræ sunt, vel morturæ. Hinc illa obligatio, quam habet Confessarius, interrogandi, non solum est ad implendas partes Judicis, uti jam explicatum est; sed etiam ut inducatur ad porrigenda medicamenta idonea vulneratis; uti expenderūt & mandârunt plura Concilia, Vormatiense, Lugdunense, Lateranense, gravibus verbis relatis in sacros Canones. (3.) *Sacerdos sit discretus, & cautus, ut more periti Medici infundat vinum & oleum vulneribus sauciati: diligenter inquirens, & peccatorum circumstantiis, & peccati, quibus prudenter intelligat, quale eis debet consilium præbere, & cujusmodi medicamentum adhibere, diversis experimentis utendo ad sanandum egrorum.* Quæ verba satis declarant supinam negligentiam eorum Confessariorum, qui os nunquam aperiunt,

nisi Pœnitentiam imposituri, vel daturi Absolutionem. Prudentia ista te docebit, studiosè observare Pœnitentis inclinationes plùs timidi, an audacis, an nimiùm suo adhæreat iudicio, an inconstans in suis propositis: eumquè rectiùs agnosces, quàm ex alterius descriptione: veluti ex horologii indice perspicitur interior rotarum constitutio. Hâc ipsâ prudentiâ perspiciet alteram naturam, superatu non minùs difficilem, quæ est habitus malus, magis minusvè radicans: & hic deprehenditur, prudenter indagando tempus, à quo Pœnitens hanc vivendi viam tenet. Ex hac disces accommodare & rationes, & formulas præsentì necessitati Pœnitentis, magis minusvè dispositi atque capacis, quemadmodùm se adaptavit teneris mortui puelli mēbris Eliseus, ut eum ad vitam revocaret. Denique Prudentia te monebit, ut circumspicias opportunum curandi tempus, atquè interim non perterrefacias primò pœnitentem, sed ferrum providè abscondas, chirurgorum more, secùs quàm carnifices, qui hoc jactantes ostentant. Ut autem intelligas, quàm fructuosæ hæ sint observationes, lubeat earundem specimen aliquod intueri, infirmum nempe, de cujus salute actum jam esse videbatur, sed Medici prudentiâ restitutum. In quadam Italiæ civitate, (Nomen præstat tacere) Nonnemo Nobili oriundus profapia, jam mortuis accensendus, generis sui splendorem turpi ac sordidâ domesticæ servæ familiaritate fadaverat. Verminosa hæc plaga diversorum Confessariorum operam per annū exercuit, nullo laboris pretiò: quippe æger nulla admittebat medicamenta nisi noxia, quæ mollia erant ac lenientia: & cum securim ad radicem admove-
 veri cerneret, protinus exclamare cœpit: Non possum: visusque est detestabili amorì tenaciùs adhærere affixus, quàm polypus scopulo, quem antea in frustra minutim discerpseris, quàm avellas. Denique infinitæ placuit Bonitati, perditum ad salutis semitam reducere, quando fortuitò in Confessarium incidit, qui peritus tractandi animos, citò perspexit, frustra adhiberi ferrum ægro adeò delicato, priusquam placido quodam leniretur sopore. Quare humanissimè ipsi primò compati cœpit ob severiorem agendi modū, quo erga eum usi fuerant Confessarii negantes Absolutionem. Nos inquit, aliam viam inibimus. Spondesne mihi per fidem tuam, te diu idio duntaxat mense separare ab hac muliere? suspirat miser, consentit tamen, pudit enim, sine modo laxasse habenas sensibus, nunc verò vel breve temporis spatium non concedere rationi. Itaque in villam, ait te, recipe, relicta domi famulâ. Paruit: Et hem, nondum statuti abierant dies, cum repente adest Nobilis, atquè suam excipi rogat à Sacerdote Confessionem, tanquam paucis diebùs jam virginitatis laureolam fuisset adeptus. Verissi-

mè, infert Confessarius, quoniam adverto, quòd probè scias tentationi resistere, Absolutionem tibi impertirer, permisâ etiam in eadem domo habitare fœminâ: verumtamen cum malum sit publicum, hinc vereor, an prudenter te possim absolvere sinè alio experimento. Quare ut cum majore securitate id præstem, hoc agamus: mutemus per alios quindecim dies habitationem; secèdat in villam mulier, tuquè domi remane. Itaque titulè anticipatæ poenitentiaè præcepit, bis quotidie adiret certam Ecclesiam ad implorandam Divæ Virginis opem, atquè toties sua manu pauperi largiretur eleemosynam, nullâ aliâ factâ mentione de tollenda occasione. Donec expletò mensis spatiò infirmus aliquantulum fuerit roboratus: & tunc Sacerdos aliam medendi rationem aggressus familiarius eum cæpit adhortari; voce, vultu, verborumquè pondere, depingendo, atquè ante oculos statuendo scandali deformitatem, quod hætenus dederat; ignominiam sibi ipsi suoquè nomini inustam; infamiam, quâ familiam genusquè suum dehonestaverat; & quod caput erat, iram ac indignationem Cœlitum. Et quid tandem sperari possit de eo, qui velit instar sordidi vermis cæno herere involutus, quàm quòd à Divina Justitia in hoc statu oppresso elidendum sit caput? Consideraret, quoties ei inferni pœna esset condonata. An non præstaret, Dei patientiâ non abuti diutiùs & proscriptâ famulâ honestè consulere affectui, si aliter fieri non posset, sibi parem in thori societatem deligendo dominam? Nihil se præter ipsius spectare isto consiliò utilitatē. Fateri se, quidquid hucusquè gesserat, id omne in eum finem collimâsse, ut divinæ gratiæ fieret capacior, dum piâ fraude inductus, saltem per aliquot dies abstraheretur à peccandi consuetudine. Ceterùm optare se, ut ei cor suum exhibere posset inspiciendum, ubi clarè deprehenderet, quantò ejusdem salutis æstuarer desiderio, quæ eò dignior esset comparari qualicunquè pretiò, quò propinquior desperationi. Hæc argumenta in hunc modum efficaciter simul ac suaviter proposita, cor Juvenis altius penetrârunt, quàm Joabi lanceæ Absolonem transfixerant, adèò, ut divinâ juvante gratiâ optimi Confessarii prudentiam & studium, post paucorum dierum inducias, Deum inter & animam istam pax firma fuerit conclusa, & confirmata. Sublatò pravò commerciò, Nobilis honestissimi matrimonii vinculò illigatus, vitam omnino in aliam mutavit. *Mortuus fuerat & revixit. perierat, & invē-tus est. Luc: 15. 32.* Vide igitur, quid possit Confessarii prudentia. Si ab initio ea vivacitate erga poenitentem usus fuisset, quam sub finem ostendit, pro eo ut eum fuisset lacrat, certo perditionis discrimini objecisset, quâdo jam sensim dispositum servavit. Non ergo sinè causa Ecclesiasticus cum

dixisset, quemlibet debere confiteri peccata sua. *Non confundaris confiteri peccata tua*, mox subjunxit monendo, id non sine cautela esse cuius faciendum: *Et ne subicias te omni homini pro peccato. Eccli. 4. 31.*

Denique tertiæ dotis locò requiritur à Confessario, ut sit *benevolus*, habeatque ardentem sitim salutis Animarum. A natura matribus inritus est amor ad sublevandos labores, quos ipsi adfert prolis infantia; sic & gratia, ut laboriosi hujus ministerii fastidium allevet, charitatem infundit, sine qua quotusquisque illud diu sustineret? Et tamen in Chronico Minorum memorabilis refertur sententia cujusdam Presbyteri ejusdem Ordinis. Si pedem, inquebat, jam intra paradisi limen intulisset, & conversus animam cernerem egentem Confessione, credo, me quamprimum è vestigio ad eisdem ferendam opem advolaturum. Ne à me experas hujus charitatis mensuram; aliam enim nequeo tradere præter eam; quam Apostolus juxta omnem dimensionem descripsit, latitudinis, longitudinis, altitudinis, ac profunditatis. Latitudinis quidem, ad amplectendos omnes peccatores, divites æque ac pauperes: Nobiles & plebejos: Longitudinis, audiendo sine defatigatione: Altitudinis, extrahendo de fœcibus terrenis, ac sublevando ad Deum animas: Profunditatis, accommodando se quorumcunque infirmitati, nullo nauseantis signò edito ac refugientis atrectare vulnera.

Considerate, ajebat parochis suis S. Franciscus Salsus, nostram ætatem propositus non minus in absolutam ideam Confessarii, quam perfecti Prælati: Considerate, quod vos Pœnitentes sub Confessionis initium omnes, appellent Patres: proinde exhibete illis cor paternum. Suscipite eos cum pietate, audite patienter, nullum vobis afferant fastidium mores aggresses, ignorantia & inconstantia: nunquam ipsis subtrahite auxilium: qualescunque sint, aut quocunque vobis consent labore: Animæ sunt sordidæ, negari non potest, sed (quemadmodum & margaritæ immerse luto) non idcirco minus pretiosæ; nam per manus tuas lotæ sunt in sanguine Agni innocentis, & desponsatæ Deo, olim accipient pro dote æternitatem, erantque supra sidera Augustissimæ Reginæ.

Posteaquam his tribus dotibus excoluimus bonum animarum Medicum, superest modò, ut eidem exponamus ægritudines & morbos curandos. Verum quis omnes enumeret? non paucioribus anima nostra laborat defectibus, quam corpus, & tamen in solo oculo observavit Galenus centum ac duodecim infirmitates, quibus est obnoxius. Id ergo agamus (siquidem propositum nobis non est, integrum conscribere volumen) ex omnibus seligamus debilitates communiore & graviore, hœc ordine. Totus homo ex pec-

cato Originali remanet vulneratus. In intellectu per ignorantiam, in voluntate per affectionem dissolutam, quæ ei oblectatur; & non minus in parte superiore, quam inferiore, ob turbationem propriarum passionum. Et quod deterius est, supra hæc vulnera quotidie accedunt novæ plagæ ex peccatis actualibus, adeo ut misera anima in veritate exclamare possit: *Ceciderunt me vulnere super vulnus. Job. 16. 15.* Proinde ostendemus primò rationem sanandi intellectum, auferendo ignorantiam: deinde modum curandi cordis duritiam, atque præfractam ac rebellem expugnandi voluntatē. Inde deveniemus ad duo vitia, quæ sedem suam in superiore animæ parte fixerunt, blasphemiam & avaritiam: demum ad alia duo mala inferiorum potentiarum, vindictam irascibilis, & impudicitiam concupiscibilis. Et denique in complementum doctrinæ, subjungemus remedium pro subsidio scrupulorum. In his morbis ordine ostendemus originem unde nascuntur, ac signa, sic ut etiam latentes possint cognosci; afferemus pro singulis medicinas, quæ magis sunt obvix, & opportuniores: ut Confessarius noster, velut Angelus dicitur: *Medicina Dei*, totum sanet restituatque hominem, possitque dicere imitando Dominum, cujus personam sustinet: *Totum hominem sanum feci. Jo. 7. 23.*

(1.) *Coninck q. 64. de Sacram. ar. 6. n. 22. De Lugo de Sacram. disp. 3. Sect. 9. n. 151.* (2.) *S. Thom. Opusc. 65.* (3.) *Cap. Omnis utriusque sexus de Pœnit.*

C A P U T VII.

Quomodo Confessarius curare debeat ignorantiam.

MAxima & luctuosissima dissolutio, quæ unquam Naturæ accidere possit, foret, si primum mobile, quod incredibili volvitur celeritate, cursum sisteret vel unico etiam momento. Tunc enim subito immoti hærent omnes orbis caelestes eidem subjecti; itaque subtractio arboribus, animalibus, cæterisque viventibus subsidio, communis omnium interitus repentinus consequeretur. Verum est, hujusmodi funestam confusionem nunquam in mundo magno, Dei providentiâ gubernante evenisse. Sed quid prodest, si toties eam sit videre in mundo parvo, turbato per peccatum? In hoc parvo Universo, homine inquam, primum mobile est intellectus, qui, si non secum rapit violenter cæteras potentias, veluti dominantis imperio, saltem ducis instar præit trahitque amice. Et tamen quis explicet, quoties prima hæc nobilissima sphaera fixa hæreat, motum prohibente ignorantia? unde mirum non est, si postea unâ cum ipsa reliquæ facultates langueant,

eaquè videantur subsequi accidentia lethalia, quæ nominantur culpæ. *Omnis peccans est ignorans.* Quare ad sollicitum Confessarium, tanquam assidricem Intelligentiam pertinet, conservare cursum hujus primi Mobilis, auferendo ignorantiam, quæ eundem moratur.

Verùm hæc in re, quantum in ulla alia, singulari opus est prudentiâ. Quippe quantumvis ignorantia, ut ita loquar, sit quoddam mentis venenæ, nihilominus ægritudo nostra eodem subinde indiget (ut in aliis venenis videmus accidere) ad arcendam mortem. *Etiâ venenis egemus.* Explico mentem meam. Quando voluntas debilis est ad operandum, tunc expedit intellectum nonnihil cæcutire, ut aliqua obligationes non cognitæ excusent à culpa harum transgressionum, quas æquè essent violaturi, si earundem haberent notitiam. Hinc necesse est distinguere duas ignorantias, quarum una adversatur pœnitenti, altera favet, & pro diversitate casuum aliter atquè aliter se gerere. Exemplum sume ex modo, qui servari solet cum ægris dormituriis. Somnus, qui est quies aliqua, atquè restituit sensus, spiritus, & membra, nullatenus impeditur à Medico, quin potius fovetur. At sopor ille, qui est naturæ pestilens lethargus, omni studio & violentis etiam remediis, ferro & igne solet oppugnari, ac profligari. Idipsum tu quoque imitare. Incides fortè in pœnitentem cæcum, sed bono suo: observatur exempli gratiâ; Matrimonium esse invalidè contractum, ideoquè nullum, quod ipse non videt, cum ignoret occultum impedimentum. Sine ipsum in ista innocente cæcitate dormire (1.) quia si ei ostenderis morbum suum, neque in promptu habeas medicinam, quâ medearis, aperies quidem oculos, sed quemadmodum primis nostris parentibus aperuit peccatum, grandi suo malò. Nec se separabit à cohabitatione cum muliere, neque cohabitando se continebit à diversis excessibus. Rectius ei occultè procurabis Dispensationem, quâ obtentâ de necessitate admonebis, ita, ut præcipitii altitudo inspiciatur, quando cadendi periculum jam præterit. E contrario alius tibi occurret Pœnitens, quem somnus evidenter ad mortis præcipitium deducit, cui oportebit omni conatu discutere lethargum, priusquam eo oppressus omnino pereat. Continget aliquando illum dubitare de aliqua obligatione, neque curare informari certius, & sic ipsius ignorantia erit vincibilis, & ut loquuntur, crassa: Aliàs non solum negliget informationem accipere, sed cum exposita ei fuerit veritas, mox claudet oculos, nè cogatur intueri, itaquè ignorantia non solum erit crassa, sed affectata. In his casibus quis non videt, quòd eam Confessarius teneatur removere, utpote quæ Pœnitentem reddit culpabile, & gratiæ ponit obicem? (2.)

Atquè ut ad particularia deveniamus, & instructio existat fructuosior: Tres ignorantia in Pœnitente à te sunt auferendæ. Prima ignorantia est eorum Mysteriorum, quæ tenentur credere omnes Fideles, estquè cõmunis hoc malum, quàm apprehendat ille, qui non multum inter homines rusticanos in pagis est versatus. Duplex circa hanc materiam extat Theologorum opinio. Multi censent, notitiam explicitam SS. Trinitatis, & Incarnationis, necessariam esse necessitate medii ad salutem (3) conformiter Christi verbis: *Hæc est autem vita æterna, ut cognoscant te, solum Deum verum, & quem misisti Jesum Christum. Jo: 17. 3.* Alii contrarium sentiunt, eam cognitionem non nisi ex præcepto necessariam esse, & salvari illum posse, qui citra culpam myseria ista non addidicisset. (4) Si primæ adhareas opinioni, necesse est, non semel sed sæpius expetas lacrymarum fontes, quos optavit Hieremias: *Quis dabit capiti meo aquam. & oculis meis fontem lacrymarum? & plorabo die ac nocte interfectos filios populi mei. c. 9. 1.* Ad deplorandam amarissimo fletu tot animarum perditionem, quæ extremâ horum Mysteriorum ignorantia obrutæ, unum hoc sciunt, quod nihil sciunt, & verissimè possint dicere: *sed neque si Spiritus Sanctus est, andævimus. Act: 19. 2.*

Verum cum ex lacrymis nullum profluat pereunti auxilium, conveniens erit, ut cum rudibus istis, qui tibi occurrerint, aliquem sustineas laborem, ac primò instruas patienter, deum absolvas; quia antequàm saltem actum aliquem internum fidei circa dicta Myseria eliciant, non sunt capaces Absolutionis, neque etiam recipiendæ gratiæ. (5.) Quod si alteram amplectaris sententiam, nihilominus te manebunt spinæ, licet non adeo pungentes: considerando, quod miseri isti sæpe sæpius laborent ignorantia culpabili, multumquè noxiâ, & tamen ex una parte obversetur illorum ruditas & incapacitas, ex alterâ temporis premit angustia, quæ non sinit eos instruere quantum opus foret; denique non videantur tot miseri mortales absque remedio in tanti momenti negotio derelinquendi. Existimo proinde optimum fore in tantis angustis consilium: obligare hoc genus hominum ad frequentandas eas Ecclesias, ubi diebus Festis explicantur ejusmodi necessaria Myseria, ut addiscant. At si eorum Parochi essent ex illorum numero, quos deridet Propheta dicens: *O Pastor, & idolum! Zach: 11. 17.* Pastores ignei, os habentes sed sine voce: *os habent & non loquuntur*, utendū esset aliâ industriâ à gravibus viris commendatâ. Obligandi erunt rudes isti ac incapaces, quando intrâ annum recurrit memoria primariæ alicujus solemnitatis, ad interrogandum doctiores se: quid sibi velint in Ecclesia ejusmodi celebritates, & quam habeant significationem. Hæc ratione vel ap-

prehendent Myſteria, vel ſaltem interrogando ſatisfaciunt obligationi indagandi veritatem, etſi non aſſequantur.

Altera ignorantia eſt circa neceſſitatem tam Contritionis, quàm Propoſiti, quæ ad Sacramentum Pœnitentiæ cum fructu ſuſcipiendum requiruntur. Multi Peccatores videntur ſibi fingere & imaginari Confessionem ad modum veſtigialis, quod Chriſtus impoſuit peccato. Ità, ut, quemadmodum nemini moveri liſ ſolet aut quæſtio advehenti novas merces, ſi modò Principi conſuetum pendat veſtigal; parùm quoque referat nova committere peccata, dummodo ſatisfaciant, ſequè ſubmittant præſcripto oneri, ea coram Sacerdote recitandi. Quare, cum ſe parant ad Confessionem, omnem collocant ſolicitudinem, in ordinandâ ſerie & peccatorum numero exponendo: doloris verò modica habetur ratio. Abuſum hunc jam alio in loco deploravimus, nunquam tamen, uti meretur, poterit deſteri ſatis; ſiquidem hinc Sacramentum iſtud, quod eſt ſecundus Baptiſmus, multis animabus efficitur lavacrum ſi non exitioſum, cerrè inutile, & quæ ſibi videntur mundatæ, lotionem nè quidem attigerunt. *Generatio, quæ ſibi munda videtur, & tamen non eſt lota à ſordibus ſuis. Prov: 30. 12.* Tui itaque erit officii, non ſolùm ad dolorem iſtum excitare Pœnitentem, uti dicemus poſtea, ſed admonere quoque de neceſſitate, quæ ipſi incumbit, ut bene ſe poſthac diſponat, repræſentando ac demonſtrando ipſi, Confessionem ſine dolore efficaci eſſe corpus ſine anima, & quando deinceps ſe præparaturus eſſet ad illam, ſciret, multò magis incübendum eſſe in peccatorum deteſtationem, quàm in eorundem examen.

Præter hæc, longè difficillimū erit, cognoscere & ſanare alium lethargum vulgariffimum, qui eſt circa peccata omiſſionis. Venenum Aſpidis ex eo genere eſt, quod mortem affert, ſed citra dolorem: unde, teſte Galeno, conſueverant Alexandrini erga minoris delicti reum hæc veluti clementiâ uti, eumque aſpidis morſu è medio tollere. Hujus omninò indolis ſunt dicta peccata. Venenum nempe habent, quod omnium minimè ſentitur, ſed non minùs eſt nocens: quod te frequenter adſtriget manifeſtare tempeſtivyè pericula infecto, & adhibere medicinam. Contigit aliquando, ut Imperator Carolus V. conſiteretur (neſcio ob quas cauſas) Sacerdoti cuidam rurali, ſibi què ignoto; & poſtquam ſe accuſaverat ſuorum errorum ſolitâ pietate, ſubdidit pro more: niſi aliud, mihi occurrat. Quid? inquit Sacerdos, (qui fuerat vit majoris ſpiritus ac prudentiæ, quàm externa referebat facies) Domine, itane ſuavimus? *Dixiſti peccata Caroli, an nunc peccata Caſaris.* Volens ingenuè ſignificare, Perſonæ cujus hæretis Orbis incumbit, ſatis

satis non esse, more privati hominis se examinare, sed advertendum animū ad gravissimas omissiones, quæ facillimè in tam diversis negotiis interveniunt, ut bellis assiduis, quibus erat involutus, tributorum exactioibus, ministrorum expeditione, electione Magistratum, pangendis fœderibus, statuendis præmiis atque suppliciis, alloquiis publicis, circa quæ, veluti in moderanda sphæra vires humanas excedente, facillè Principis animus poterat vacillare, qui etsi foret ex sublimibus Intelligentiis, meminisse tamen debuit, se esse mortalem. Hoc ipsum sentio adhibendum nostro casui. Multi accedunt ad Cōfessionem, & dicunt peccata Caroli, sed non dicunt peccata Casaris. Exempli locò producamus personam Parochi, ut gemina ratione juvet propositum nostrum. Confiteretur talis Sacerdos, qui habet curam animarum, sequè accusat levis alicujus impatientiæ erga domesticos, levis detractionis vertendo inter amicos, & dicit peccata Caroli, sed non dicit peccata Casaris. Non dicit, se præcipitante lingua celebrasse Missam, eâ gestuum irreverentiâ, quæ horrorem posset creare; & similia: dum videmus, talia absquè scrupulo committi à Sacerdotibus Christianis, in offerendo Augustissimæ Triadi carnes Agni immaculati, qualia non invenirentur apud Ethnicum Sacrificulum, qui sordidam Plutoni porcã immolat. Et quid adhuc dicit Dominus? *Maledictus qui facit opus Dei negligenter. Jerem. 48. 10.* Sacrificium per Antonomasiã appellatur: Opus Dei, quia ipsi soli potest offerri. *Dicit peccata Caroli, sed non peccata Casaris.* Non dicit, ubi expendatur proventus Ecclesiastici, qui convertuntur omnes ad promovendos, & ex humili conditione in sublimiorem statum attollendos consanguineos; & tamen unanimiter definitum est à Canonibus & Doctoribus, eam portionē, quæ remanet ex honesta sustentatione Pastorum, elemosynæ locò esse enlargiendam: cum equum sit, converti in alimenta pauperum eam pecuniã, quæ est illorum sanguis. (6.) *Dicit peccata Caroli, sed non dicit peccata Casaris.* Non dicit, quòd jam tot annis resideat in uno pago, nec tamèn unquã populo prædicaverit, quasi non fulmina, sed inania duntaxat essent tonitrua, formidabiles illæ comminationes à Deo factæ: *Va Pastoribus Israël, qui pascebant semetipsos, & greges meus non pascebant! Ezech. 34. 2.* Et quasi non fixum ac indubitatum esset in Ecclesia, quòd Pastores teneantur lege Divina docere, (7.) quæ est indispensabilis, & à Christo ipsis insinuata hujusmodi verbis. *Pasce oves meas. Jo: 21. 17.* *Dicit peccata Caroli, sed non dicit peccata Casaris.* Non dicit, quòd locò illius sollicitudinis, quã aberrantes oves deberet quærere, eas interdum dissipet, & repellat asperis verbis, quãdo sponte sua Cōfessionis gratiã accedunt. Quòd modò se fingat impedi-

tum, modò infirmum; ac si idem esset pertrahere Sacerdotem ad Confessionale, ac dicere huic monti, *Tolle, & jacta te in mare. Matth: 21. 21.* Dictum hoc esto pro exemplo omissionum multis Magistris, Dominis, Patribus familias, Judicibus, operum præsidibus in officinis, qui sæpenuero *obdormiunt in morte*, neque perpendunt commissos errores, quasi die judicii Dominus solummodò quæstionē esset instituturus cum servo negligente de talento perduto, & non etiam actionem exacturus non dati ad usuram. Huic dissolutioni occurrere teneris admonendo quemvis, & dedocendo hujusmodi ignorantias. Et si scire cupis, quantum bono publico conducat eas evelli, cogita, quàm bellam faciem Mundus indueret, si nemo statûs sui officio deesset. An non sufficeret istud ad reducendam subito innocentiam, quæ ab initio vix se in conspectum dedit, & mox fugam arripuit?

In his admonitionibus semper ante oculos habe Pœnitentis utilitatem, & hac ratione multos evades molestissimos labyrinthos. Concionator publicè docens, veritatem debet aperire, etsi sinè fructu alicujus in particulari, cui loquitur, imò interdum cum damno; *opportune, importune*, ut ait Apostolus. At non ità Confessarius, qui in privato instruit. Quare si advertas, Pœnitentem admonitum de suo periculo, non uti remediò in præsentì, uti oporteret, differ in commodius tempus verba. *Est tacens*, ait Ecclesiasticus, *non habens sensum loquela*: & hoc est vitiosum, & *est tacens: sciens tempus aptum. c. 20. 6.* quod est laudabile. Si dubitas, expende in balance hic spem fructûs, illic timorem damni, quod potèst enasci; idquè elige, quod prævalet. Quòd si spes superat (sed parumper) timorem, fac ità. Expecta paululum, donec Pœnitens Absolutionem acceperit, & tui admonè illum, (8) ut, si ipse contra expectationem tuam repugnaret tibi, nova hæc oppositio non te impediât à conferenda Absolutione, dum non est in bona fide; ac quasi repentina procella non te à portu prohibeat unà cum ipso, tūc cum jam appulisti. Sed quæres, quòd si Pœnitens ipsemet antea jam in suspicionem veritatis devenerit, quid mihi tunc agendum? an revelandum ei verum, licèt prævideam, noticiam hanc ei cessuram in detrimentum? respondèd, omnino sic esse faciendum; (9) aliàs non solùm permitteres errorem, sed etiam approbares; quod nunquàm fieri potest. Verùm in hoc ipso casu manifesta veritatem, sed paulatim, neque plus, quàm quæritur, Sapientis monitum observans: *Prusquam audias, nè respondeas verbum Eccli. 11. 8.* Exemplum esto: sit, qui se matrimonio illigavit, editò ante illud cōtractum votò castitatis, nunc verò Pœnitens rogat, sicne validum suū matrimonium. Responde affirmando, nulla facta debiti mentione, quod prohibe-

hibetur petere. Et si ille postea de hoc ipso quærat: possumne ergo satisfacere debito, quod secum fert status conjugatorum? affirmabis quidem, sed non declares, quod, cum possit reddere, non possit similiter petere. Verbò: cautè procede, & vadum priùs explora, antequam te eidem committas. Ità solemus eos, qui longo tempore tenebroso detenti fuerunt in carcere, sensim educere ad lucem, nè languida offendatur pupilla. Ipsemet Salvator noster non omnes eodem modò curavit cæcos, quibusdam enim subito, aliis lentè lumen restituit: daturus hinc documentum Confessariis, quòd, si cæcitas perniciosa sit, conveniat quamprimum magna libertate alterius mentem illuminare: at quando utilis censetur, ità ut cognitio potiùs videatur novam præbitura occasionem, vel faciliùs, vel fortiùs offendendi, tunc magnà in ista curatione opus erit cautelâ.

Cæterùm in genere loquendo, longè majore libertate quis procedere potest, quando ignorantia est circa præcepta naturalia, quàm cum est circa positiva. Ratio est, quia illa rariùs invenitur, & quando adest, rarò est innocens & inculpabilis, & si est innocens, rarò ea potest diu in tali statu durare, reclamante ipsi assiduè lege viva, quam secum in corde homo circumfert. (10.) Proinde non est credendum facilè iis juvenibus, qui in Confessione asserunt, nullum se in mollitie agnovisse peccatum, atquè ideo reticuisse. Faciliùs evenire posset, ut, tametsi ignorantia in perpetrando impudicitia scelere esset culpabilis, non tamen foret similiter culpabilis in ea tacenda: (11.) quia malitia illa apprehensa confusè sub ipso actu peccaminoso, adeò tenuem sui relinquit memoriam, ut facilè in conscientia lustratione elabatur. Itaque in isto casu, in quo non habuerunt remorsum obligationis quòd sub præcepto teneantur confiteri, non erunt repetendæ cæcè invalidæ Confessiones præteritæ (12.) sed sufficiet, ut aperiant tempus impudicitia silentiò tectæ, ejusquè numerum exprimant.

Sufficiat, hæc dixisse, de tollenda pœnitentium ignorantia. Vide nunc, ne illam, quòd multò magis necessarium est, in te ipso sustineas. Medicus, quamvis æger sæpè alteri possit reddere sanitatem, nunquam tamen id præstabit ignorans & imperitus.

(1.) Sanchez de matr. l. 2. disp. 38. n. 7. De Lugo de Pœnit. disp. 22. scđ. 2. n. 21. (2.) Sanch. l. c. n. 2. Lugo l. c. n. 23. (3.) Molina in 1. parte. q. 1. ar. 1 disp. 2. Val. 2. 2. q. 2. p. 4. 5. Sanchez in decal. l. 2. c. 2. n. 8. (4.) Castrop. t. 1. tr. 4. disp. 1. p. 9. n. 7. Laym. l. 2. tr. 1. c. 8. n. 5. Coninck. disp. 14. dub. 9. n. 163. Riccard. in 3. dist. 25. ar. 4. q. 1. Mich. Medina. l. 4. de recta in Deum fide. c. 10. Sa. V. Fidel. Sot. in 4. dist. 5. q. un. ar. 2. dub. 1. (5.) Sanch. l. c. n.

CAPUT OCTAVUM

23. (6.) *Conc. Trid. sess. 25. c. 1. de ref. Lugo. to. 1. de Just. disp. 4. sect. 2. n. 9. Vasq. de elemos. c. 4. n. 8. Valent. 2. 2. disp. 3. sect. 4. Less. de Just. l. 2. c. 4. dub. 6. n. 47. Molina de Just. to. 1. disp. 144. (7.) Trid. sess. 23. c. 1. de refor. Tolet. l. 5. c. 5. n. 7. Sanch. in dec. c. 3. n. 15. Sa. V. Paroch. & V. Fides. Navar. man. c. 25. n. 135. Poffev. de offi. Cur. c. 3. n. 1. 3. Sor. de Just. & Jure l. 10. q. 1. a. 3. Barbosa de pot. Paroch. c. 15. n. 2. Castrop. to. 1. de obs. fest. disp. 2. p. 4. n. 5. Bonac. de 3. Dec. precept. q. 1. p. 2. (8.) Sanch. de matr. l. 2. disp. 38. n. 5. Arriaga de Pœni. disp. 43. sect. 4. n. 15. Medina C. de Confessi q. 19. concl. 3. coroll. 1. (9.) Sanch. l. c. n. 14. (10.) Vide Sanch. in Decal. l. 1. c. 16. n. 33. Azor l. 1. c. 13. q. pr. (11.) Navar. in cap. Frat. n. 82. Suar. de Pœn. disp. 23. s. 4. n. 6. (12.) Suar. l. c. n. 7.*

C A P U T VIII.

*Quomodò procedendum sit Confessario in curanda
cordis duritia.*

AD votum successerat Moyfi in Ægypto tenebrarum discussio, ex oculis improbi Pharaonis, at non æquè feliciter laboravit in expugnanda cordis duritia. Nescio an te fortunatiorem fore sperem cum tuo pœnitēre; ita ut, postquàm ejus mentiem depulsâ ignorantia, quâ fuerat obscurata, serenaveris, etiam voluntatem valeas emollire. Certum omnino est, quòd non rarò, uti scriptum legimus *Job: 41. 15. Cor ejus indurabitur tanquàm lapis.* Nihilominus tentandum est, qua ratione illud frangas: huc enim collimant actiones omnes, quæ tibi tanquam Medico sunt obeunda, ad excitandum in miseris his infirmis (qui eò sunt deteriores, quò magis voluntarii) magnum aliquem dolorem ob præterita peccata, & efficax propositum eadem non repetendi. Ostendam hîc aliquas rationes, quæ in tam laboriosa curatione videntur observandæ:

Et ut ad radicem mali quàm primùm descendamus: Scito hanc cordis duritiam, tametsi in voluntate resideat, veluti propria sede, nihilominus tamen originem suam trahere ab intellectu: *Attendi, & auscultavi,* clamat Propheta: *Nullus est, qui agat Pœnitentiam super peccato suo, dicens: Quid feci? Hierem. 8. 6.* Vide, unde proveniat, quòd nullus agat Pœnitentiam: quia nullus dicit: *Quid feci?* Quis unquam, si ex proposito perpendit serio, quid egerit peccando, non illud continuo tollendo studet delere, & in nihilum redigere? Hòc ergo positò, oportet intellectui adhibere primum remediũ, quod

quod præstabis propositis pœnitenti sub finem Confessionis ejusmodi mori-
vis, unde apprehendat & ponderet inæstimabilem peccati malitiam. Atque
ut motiva ista usui accommodatiora reddamus, veluti ferrum expeditius tra-
ctandum, revocabo ea ad duo capita, ad Deum, & peccatorem; siquidem
peccatum velut amphibæna infernalis, simul ac sevel utrumquè duplici
ferit injuriâ. Ad primum caput pertinet primò injuria, quâ peccator afficit
Deum suum, dum in contemprium tantæ Majestatis præferre voluit volu-
ptates suas, aded graviter ab ipso prohibitas. *Per prævaricationem legis. Deum
inhonoras. Rom: 2. 23.* Secundò ingratitudo, quam similiter ostendit pecca-
tor erga Deum, eum offendèdo post tot ac tanta beneficia tam naturæ, quàm
gratiæ, communia & particularia, occulta & manifesta, ab ipso recepta,
imò tunc, cum ea actu conferrentur: quasi non omnî momentò in potesta-
te esset illius Domini tam indignè habiti, eum subitò præcipitare ad infe-
ros. *Hæcine reddis Domino popule stulte, & insipiens? Deut: 32. 6.* Tertiò hor-
renda injuria, quæ inferitur à peccatore Christi Redemptioni, cui temera-
rius quodammodò tentavit renovare Vulnera, iterare opprobria, quando
opere perpetravit id, quod causam dedit Crucifixioni, nempe peccatum.
Rursum crucifigentes sibi metipsis Filium Dei, & ostentui habentes Hebr: 6. 6. Ad
alterum caput damni, quod peccatori ex delicto resultat, spectat jactura
dolenda gratiæ Divinæ, cujus vel unicus gradus, uti tradunt Sancti Docto-
res (1.) universa naturæ bonâ superat. *Omne aurum in comparatione illius a-
rena est exigua. Sap: 7. 9.* Secundò jactura paradisi, facta illius permutacione
cum amara, detestabili & momentanea voluptate, itaque nihili omninò faci-
tienda. *Pro nihilo habuerunt terram desiderabilem. Psal: 105. 24.* Tertiò brevi-
tas vitæ, quæ nemine obstante citò relinquenda est. *Qua est vita vestra? va-
por est ad modicum parens, & deinceps exterminabitur. Jac: 4. 15.* Quartò. Mors
incerta, quæ subitò ac improvisò illum potest abripere. *Videte, vigilate, &
orate: nescitis enim quando tempus sit. Mar: 13. 33.* Quintò. Horror judicii,
quod ipsi instar gladii supra caput impendet, neque ab eo advertitur. *Vi-
ri mali non cogitant judicium. Prov: 28. 5.* Sextò, tormentorum jam in infer-
no paratorum æternitas: ubi post tot millones annorum, quot sunt in ma-
ris littorè arenæ, quot in aère atomi, necdum vel momentum funestæ illi-
us noctis, quam nulla sequitur aurora, præterit. *Cruciantur igne & sul-
phure, & fumus tormentorum eorum ascendet in sacula seculorum. Apoc: 14. 10.*
Septimò, miseranda servitus, quæ efficitur mancipium diaboli, tyranni, &
impostoris, qui quantum nunc allicere studuit ad peccatum, tantum postea
inferet pœnarum. *Quantum glorificavit se, & in deliciis fuit, tantum date illi*

tormentum, & luctum. Apoc: 18. 7. Præter hæc, ad abrumpendum depravatæ indolis cursum, quæ in relapsus impellit fortiter pœnitentis animo imprimenda erit irrefragabilis hæc veritas, quòd quantò plùs augetur peccatorum numerus, tantò magis crescat difficultas consequendæ salutis: quòd mali habitus semper plùs vigoris acquirant, magis obscuretur animus, & frangatur, semperquè indignior fiat auxilijs Divinæ gratiæ: diabolo crescat audacia, auctoritas, viresquè ad oppugnandum; peccatori autem è contrario magis magisque deficiant ad resistendum. Quì ergo fieri moraliter possit, ut toties relabendo æternam evadat damnationem? Nihil profuit Samsoni sæpius rupisse funes; demum victus periit. *Nesciens, quod recessisset ab eo Dominus. Jud: 16. 20.* Ità nihil peccatorem juvabit, a'iquoties antehac excussisse catenas & compedes, si miser rursus se iis induat. Forsitan dedignabitur Deus, hòc modò offensus, ei submittere auxilium; aut, cùm habuerit, non succedent Contritio & propositum; Itaque perfidus in potestate tartarei hostis derelictus (veluti Samson in unguibus Philistæorum) intelliget, gravè esse deceptionem, dicere: *Egrediar, sicut antè feci, & me excutiam.* Patrabo hoc peccatum, & postea confitebor, quemadmodum alia fui confessus. Non ità se res habet. Tardat quandoque Dominus, sed tamen adest tandem. *Nò dixeris: peccavi, & quid mihi accidit triste? Altissimus enim est patiens Redditor. Eccli 5. 4.* Motiva ista fusiùs exposita sunt in Instructione Pœnitētis, quæ huic quoque servient loco. Meminisse tamen te velim, ea parùm valitura, si scripta tecum circumferas, nisi meditando virtutem quoque horum profundè in animum demittas. Erit Confessionale tuum Organum quoddam, pulchra quidem specie, sed nullo animatum spiritu. Imò etsi vix tibi loquenti inferas, tamen cùm spiritus tepet, necesse est etiam langueat oratio. *Non dabis voci tuæ vocem virtutis.* Sermo tuus balistæ ictus erit, sed sine pila ferrea, quo concuties, non franges obstinationem.

Plurimum autem dictis tuis robur adimeret alia confusio, quæ foret, si verbis essent contraria opera, neque linguæ responderet manus. Parùm enim fidentur medicinis, quæ Medicus infirmus præscribit. Et licèt febri in-
tra venas occultam ità presseris, ut Pœnitenti videaris sanissimus, quâ argumentorum efficaciam nihilominus reprehendes in aliis id, quod tu ipse intra sinum foves & amas? Hæc est causa, (ut meritò timendū est.) damnosæ illius compassionis, quam ostendunt multi Confessarii erga Pœnitentium vulnera, quia in alienis plagis, compatiuntur (quod naturale est) propriis. Nobilis quidam Transalpinus percontabatur virum doctum, essentne eadē peccata in diversis regionibus æqualiter gravia. Quippeni? responder The-
olo-

ologus, an non Deus in diversis quoque Mundi partibus idem est, sibi quæ similis? Quia, infert Nobilis, non ubique inveni Confessarios in omnibus ejusdem sententiæ. In Polonia si fortè largiùs potando indulgi genio meo, excessum istum benignè sinè correptione prætermisit Confessarius: at quando carnis illecebrâ victus in alienæ uxoris inhonestam consuetudinem incurri, tam luculentâ me castigavit objurgatione, ut terror solus mihi pro freno esset, mequè inhiberet à relapsu. Modò curiositate tractus veni in Italiam, ubi & vini abundantia, & usus nocturnarum visitationum, iisdem criminibus, & intemperantiæ, & libidinis me involverunt. Sed hic incidi in Confessarium prorsus ab altero diversum. Crapulam mihi exprobravit tanquam sacrilegium, dimissâ etiam sinè levissima admonitione impudici-tiâ. Ità ipse: eodem exemplò ostendens, quantum profint suaves correcti-ones Confessoriorum, & quantum retrahat ab his liberiùs adhibendis ani-mus sibi ipsi malè conscius, ejusdemquæ medicinæ indigus. *In quo enim ju-dicas alterum, te ipsum condemnas. Rom: 2.*

Itaque, qui Confessarii munere fungitur, non simplici duntaxat utatur admonitione; necesse est, reprehensionem quoque admisceat. Errat ve- hementer, qui illam non adhibet. *Qui increpationes relinquit, errat.* Ità le- gitur *Proverb: c. 10. 17.* Qua in re duo tibi suggerã consilia perquam utilia, unû circa temp9 reprehensionis, circa personã alterû. Primò nè corripias Pœ- nitentẽ ante finitã Confessionẽ (2.) quia verba tua facile præberent occa- sionẽ pluribus, tacendi aliquod peccatũ, & venenũ, quod in lingua natã jam jam exomendũ, resorbendi. *Da gloriam Deo, fili mi. & confitete: indica mihi quid feceris, nè abscondas:* ait Josue (*Jos: 7. 19.*) ad perfidum Achan, pa- ternè ipsum potiùs compellendo, quàm Judicis autoritate, usquã dum eum induceret ad confitendum furtum, & ut diceret: *Verè ego peccavi, & sic feci.* Postquàm confessus est, tunc usus debitã severitate, subjunxit: *Quia turbasti nos, exturbet te Dominus in die hac.* Comprobando sic observationem à nre hîc propositam. Quod ad personam attinet: tria genera Pœnitentium sunt, quos non expedit objurgare, Pusillanimes, Contriti, & qui authorita- te aliquã sunt conspicui. Reprehendendi non sunt ii. qui pusilli sunt ani- mi, nè timor degeneret in desperationem, & ad casum impellat. Parcen- dum contritis est, quia, qui insolitò modò compunctum severè exciperet, ille aggrediretur ultrò sese oblatiis clavibûs ad alienum arbitrium submittere. Non increpabis deinde alicujus autoritatis homines; hoc enim de- bita illorum gradui reverentia postulat. *Sentio rem nè increpaveris, sed observa ut patrem. 1. Tim: 5.* Circa hos peculiariter imitare naturam, quæ novit in flori-

floribus porrigere medicinam; imò Christum ipsum tibi imitandum propone in iis compositissimis correctionibus, quas nuntiari mandavit diversis Episcopis in Apocalypsi, miscendo, quantum licuit, quidpiam laudis reprehensionibus. Delicatum aded Nobilium palatum est, ut cibos, nedum medicamenta avertentur, nisi probè sint conditi. Quapropter cautè illos admone, & cum (ut fieri solet) alias verecundi sint, attende, nè confusionem è vultu promicantem plùs æquò accendas. *Non incendas carbones peccatorū arguens eos. Ecclī. 8. 13.*

Austrius nonnihil cum iis agendum est, qui asperioris sunt frontis, & cordis duri, sua recensent peccata, veluti illustria enumerarent facinora, atque ad Confessionem accedunt, tanquàm in triumpho sua ostentaturū flagitia. *Induraverunt facies suas supra petram. Jerem: 5. 3.* Contra hos, atq; alios, qui sunt inculti, rudes, atque incapaces mitioris tractationis, exequere Apostoli mandatum. *Increpa illos durè, ut sani sint. ad Tit: 1. 13.* Congrua & opportuna verba erunt ejusmodi: *Inveritate dierum malorum. Plene omnī dolo. Plene omnī fallacia. Inimice omnis justitiæ.* Aliaque Sanctis viris usitata: ita tamè, ut eorum Zelus in te nullà aspergatur impatientiæ maculā. Imperturbatus sit animus, etsi turbationis species foris appareat; quemadmodū in sole, qui licet aliquando eclipsetur, apparens dumtaxat, non vera subest eclipsis.

In genere loquendo, cum difficile sit mediam tenere viam, si ad alterum deflectendum est, præstat excedere suavitate, quàm rigore. Sic enim plùs impetrabis à Pœnitente, cum Confessariis id eveniat quod vitibus, quæ nunquam sunt læcundiores, quàm inter Olivas consistat. Hæc non ideo dixerim, ut imiteris eos, qui sub prætextu benignitatis, non medentur. Nam etsi Confessarius imprudens possit Pœnitenti afferre damnum exasperando vulnera, quib9 mederi deberet, neutiquàm tamen cōparandū est damnū illud cum eo, quod excitant tot Confessarii muti, qui nunquam os aperiūt, nisi dulcissima verba Heli Sacerdotis propinaturi: *Nolite facere rem hanc. Cavete vobis, quantum potestis, & mox absolvunt, non solum non resecando, sed nè incidendo quidem partem infectam.* Unde provenit, ut ipsimet Pœnitentes sæpenumerò doleant, sequè deceptos querantur hac intempestiva benignitate, ac se rursus accitent de enormioribus peccatis, quòd dubitent, an bene à Confessario fuerint percepta, qui ea irreprehensa transmissit. Quantumvis magnum damnum inferat grandinis tempestas, plùs tamè nocet extraordinaria serenitas: ut hinc tolerabilior fuisset Palæstinis saxeus, aut plumbeus turbo, qualis tamen subinde accidit, quàm longa annorum

tranquillitas, Elia temporibus exorta, quando tribus annis eum semestri nulla se in conspectum dedit nubecula.

Verum aliquoties, ut saxea corda compunctionis aqua fluant, non satis est ea pulsare semel, repetendi sunt ictus. *Percussit bis filicem. Num: 20.*
 II. Continget, ut quidam etiam adductis omnibus rationum momentis, & adhibitis reprehensionibus nihil moveantur, neque ea signa edant, unde judicentur rite dispositi: quemadmodum si difficiles se monstraverint in acceptanda poenitentia ipsis injuncta, minusve promptos ad prestandam necessariam restitutionem, vel sui accusationem crebris palliarent excusationibus, seque nimia contenderent expedite festinatione, aut alia parum probata dolentis animi indicia praeferrent. Tunc repetendae sunt industriae. Itaque alterum remedium, quod tibi suppedito, efficacius jam memorato ad vincendam quaecunque duritiam, est Oratio. Sed priusquam te horum usum armorum doceam, necesse est eorum robur ac valorem cognoscere.

Dudum contra Naturam questus est Plinius, quod hominem nudum omnino ac inermem in hanc lucem edidisset, ceteris animalibus tam providè munitis. Ineptè, uti saepius solebat, accusabat illam Providentiam, cujus non penetrabat consilia: quasi etiam ipse cuperet eorum adscribi numero. *Qui quaecunque ignorant, blasphemant. Juda. 10.* Si armis destitutus est homo, an non manus habet? His clausum tenet integrum armamentarium; aded, ut cussis, emissisque per bahstas fulminibus non modò se reddere queat formidabilem, ululatu lupum, rugitu leonem, sed cælum quoque ipsum tonando efficere. In hunc modum responderi poterit Peccatorum lamentis, quando identidem exaggerando propriam fragilitatem videntur tacitè inculcare Providentiam, suorum lapsuum auctorem, quod illos non ex ære, sed luto formasset. Sed nunquid non vobis Deus reliquit Orationem? Scitote itaque (jure ipsis poterit reponi) quod in sola Oratione vobis instruxerit locupletissimam officinam, in qua lutum vestrum chalybe solidius efficere, & non solum scuta, quibus vos contra hostes vestros defendatis, sed & omnis generis tela, & enses ad inferendam cladem possitis fabricare. Contulit Deus tantam vim & efficaciam Orationi, ut, quando ab ipso quidpiam petitur ad salutem spectans, neque peritio aliquo labore defectu, certò ac infallibiliter obtineatur, quod petitur. (3.) De quo quidem ita certos nos esse iussit divino suo ore, ut, qui dubitaret, vel eum potestate defecisse, vel fictè promississe, insanire videretur. Imò ut excitaret torporem nostrum ad arripiendum hoc remedium, effecit illud non solum opportunum, sed etiam

necessarium : cùm probabilissimum sit (4.) saltem de lege ordinaria (quæ est illa, quam Providentia communiter sequitur) quòd post primam gratiã cetera auxilia ad salutem non accipiantur, nisi petantur. Ut propterea in libro de Ecclesiasticis dogmatibus, cujus Auctor habetur S. Augustinus, scriptum legatur: *Nullum credimus ad salutem, nisi Deo invitãte venire. nullum invitatum, salutem suam, nisi Deo auxiliante, operari; nullum nisi orantem, auxilium promereri. c. 56.* Hic stylus est Curie cælestis, conferre gratias suas pròptissimè, sed supplicantibus. Aded, ut magni Nominis Theologi doceant, quòd quibusdam peccatoribus penitus exæcatis, insanis & induratis, subtracta sint non solùm auxilia extraordinaria gratiæ efficacis, sed & solita provisio gratiæ sufficientis, (5.) & solùm ipsis relicta sit facultas sufficiens sese Deo commendandi, ut videtur deduci posse ex celebri Concilii Trid: sententia: *Deus impossibilia non jubet, sed jubendo monet, & facere quod possis, & petere quod nòn possis. Sess: 4. c. 11. ex Aug: de nat: & gr.* Si non utantur clave hac aurea, ad hauriendum ex divinæ misericordiæ cella vivificum liquorem prostratis suis viribus, nulla spes ipsis superest, effugium nullum, pereundum est. Nequè ulli nisi sibi ipsis mortis suæ causam possunt adscribere, quia voluntaria illa negligentia recurrendi ad Deum, sufficientissimè illorum peccata reddit voluntaria, ac voluntariam perditionem. Quod si verum est, quid porrò evidentiùs declarare potest necessitatem orandi? Cùm pestifera lues præteritis annis universam occupãsser Siciliam, nequè Medicorum paucitas par esset maximæ ægrorum multitudini, visum est in publicis viis & plateis præconum voce proclamandum unicum mali remediũ, quod erat, haurire potum ex nive. Opranda hodie esset tanta vocis contentio, quã in plateis audiretur ab uturariis, in lupanaribus à meretricibus, à prædonibus in sylvis, atquè ab iis maximè, qui longo jam tempore immergi sunt flagitiis, perciperetur consiliũ: commendate vos Deo, commendate vos Deo! Animæ perfidæ, & propè dixerim, perditæ, bene advertite. Nullum inter vos atquè damnatos intercedit discrimen, nisi quòd in potestate vestra sit, uti oratione. Videte pontem unicum vobis relictum, per què tot mala, quibus circumdati estis, effugiatis. Nisi in isto salutem quærat, jam jam Tartarus vos cruciandos ignibus apprehendet. Nihil vobis aliud superest, nisi, quemadmodum scorpionis flammis cincto, sinè remedio desperatio.

Sed relictis his, ad te redeo. Virga ista, quæ mira patrare solet etiam in cordibus induratis, dupliciter tibi debet esse usui. Ardentibus votis Numini commendandus à te erit Pœnitens malè dispositus; eiquè significanda,

idiplum pro se faciendi, necessitas sua nra: atque demonstrandum, quod uti jam dictum est, in ipsius potestate ac manibus consistat, obtinere à Deo mutationem animi, & vitæ suæ, præsidio Orationis, factaque mutatione, perseverantiam. (6.) Ostende illi quoque modum efficaciter orandi, nempe cum humilitate, perseverantiâ, & fide: (7.) Quia particulariter circa ultimam conditionem fidei, duplici modo gravissimè potest errari, per excessum scilicet & defectum. Peccant excessu, qui, cum in accumulandis sceleribus sint assidui, paucis quibusdam precatiunculis ad Divæ Virginis honorem recitatis confidunt, non secus, ac si sub exitum vitæ securitatis literas pro suis possent impetrare peccatis, & quæ est peccantium Advocata, constituere flagitiorum Patronam. Aufer itaque ab ipsis tam perniciosam deceptionem, quia sicuti nullum est corporibus pestilentius venenum, quàm quod cum lacte bibitur, ita nihil est animæ magis lethiferum, quàm cum Oratio efficitur peccaminosa: *Oratio ejus fiat in peccatum.* P*sf: 108. 7.* Non enim instituitur ad tollendam ex ùnu animæ mortem, sed soporem lethalem conciliandum. Errant deinde alii defectu confidentiæ (quorum numerus videtur esse major.) Hi, cum in aliquod peccatum fuerint lapsi, intermittunt consuetas devotiones, falso persuasi, se, quamdiu vivunt in tali statu, nihil inde capere utilitatis: itaque negligunt ad Deum recurrere, quod dieant, indignos se esse qui exaudiantur. Hi quoque omni studio dedocendi sunt suum errorem, aperte demonstrando, quod, tamen si quis perdidit gratiam, & ipsa opera bona tantum non præstent, ut is non habeatur pro mortuo, conducant nihilominus per modum dispositionum redeundi ad vitam: juvant quoque, nè Deus ita repente gladium eorum cervicibus impendentem sinat cadere: juvant, ut concedat tempus confitendi, dolendi, & se præparandi: juvant nè improvitus adveniat ad exigendas rationes tunc, quando conscientie libri plùs sunt intricati. Quod verò indignos se judicant, qui audiantur; est illud velamentum pigritiæ, specie reverentiæ. Deus exaudire nos non debet intuitu bonitatis nostræ, sed suæ. *Non propter vos ego faciam, domus Israël, sed propter Nomen Sanctum meum.* Ezech: 36. 22. Exigit servitia, ut exaudiamur; vult habere sibi supplices. (8.) Hinc fit ut Peccator aliquis plùs obtinere possit, quàm Justus, si majorem habeat fiduciam, præ isto. Nam, licet Oratio illius, qui est in statu peccati, careat merito, quia meritum provenit ex charitate, potest tamen habere efficaciam, quia vis & efficacia procedit ex fide: (9.) Et hoc est idiplum, quod juxta S. Basilii interpretationem insinuavit Christus; quando dixit: *Si non dabis illi, ed quidam amicus ejus sit, propter improbitatem sa-*

men ejus (quod idem est, ac, propter importunitatem) dabit illi. Luc: 11 8. (10.)

Quòd si etiam distinctius tibi dari praxin eorum desideras, quæ hucusquè in isto Capite exposuimus, accipe sequentem. Quando Pœnitens tuus manifestandi se tibi finem fecerit, quantum necesse est ad cognoscendas ipsius iniquitates & inclinationes. si non esset optimè dispositus; selige ex motivis initio hujus Capitis adductis rationes quasdam robustiores, magisque illius capacitati ac necessitati idoneas, quibus eum melius ad Absolutionem disponas, exaggerando peccata ab ipso commissa, non tamen generaliter duntaxat; neque nimium distinctè. Non nimis in genere, quia doctrina universalis non admodum videtur esse utilis: Non distinctè nimis, nam si cuius delicto volueris annectere ad poenitionem, eris oppidè molestus & fastidiosus. Restat itaque, ut fecernas unum ex notabilioribus, & circa ea verbis tuis studeas excitare detestationem, atque animosum decretum; quod cætera omnia involvat. Cùm autem posset accidere, ut in prolixâ Confessione ea, quæ majoris sunt ponderis, memoriâ elaborentur, adhibe signum, quod ab aliis non advertatur. Quidam singulis digitis assignant peccatum aliquod mortale ex iis, quæ frequentius solent recurrere: Blasphemias, Furta, Odium, Luxuriam, Omissiones circa præcepti proptii statûs, ac tum suo tempore singillatim, quæ casu occurrerint, proferunt. Ego ad tam minutam observationem non descenderem, nisi viri doctissimi in suis libris (11.) longè sublimioribus isto, me docerent, in elaboranda gemma adèd pretiosa, qualis est gratia, longè excellentior adamante, etiâ minutias non esse prætereundas. Si deinde his omnibus peractis, nihilominus in extraordinario casu cor indurati hominis non emolliatur, non idèd despondendus est animus, nequè veluti post irritum assultum solvenda obsidio. Perge, & excitatò saltem in Pœnitente desiderio recuperandi sanitatem (rarò in hoc ægrorum genere, attamen necessariò) præscribe illi, quoties in die coram venerabilissimo Sacramento, aut Beatissimâ Virgine debeat supplex flagitare hanc contritionem, donec elapsò temporis spatiò (uti præsentibus postulabunt circumstantiæ) sive dierum, sive hebdomadum, mutata voluntate ad te redeat, petatquè Absolutionem. Et talis mutatio admirabilis per experientiam te docebit vim atquè robur Orationis; cui tu interea ipsemet quoquè debes insistere, ad obtinendam à Deo miseræ hujus animæ salutem: siquidem oportet hinc imitari, quod Jobum fecisse legimus, & stygio lupo maxillas elidere, prædamquè eripere, mordicis apprehensam. *Conterebam molas iniqui, & de dentibus illius auferēbam prædam. Job: 29. 17.* Nequè solùm in his rarioribus casibus, sed etiam in reliquis, Oratio

tanquam instrumentum omnium tuarum actionum, in ministerio tam sublimi erit adhibenda. Hanc oportet præcedere, comitari & subsequi. Antequam te conferas ad excipiendas Confessiones implorandum est Dei auxilium, nè erres. *Da mihi, Domine, sedium tuarum Assidricem Sapientiam, ut mecum laboret. Sap. 9. v. 4. & 10.* Invocandum est illud, cum jam aures præbes confitentibus, præsertim in quibusdam difficilioribus casibus, ut securè eos resolvas. *Cum ignoremus, quid agere debeamus, hoc solùm habemus residuū. ut oculos nostros dirigamus ad te. 2. Par: 20. 12.* Invocandum est denique finito opere, ut tibi Deus clementissimè dignetur condonare omnes errores, in tam sancto exercitio admissos, & ratum habeat, atquè perficiat id, quod ille solus est operatus. *Confirma hoc Deus, quod operatus es in nobis, à Templo tuo. Ps: 67. 29.*

Sùmoperè autem desidero, nè existimes, observationes istas nimium esse molestas, scrupulosas, atquè superfluas. Deniquè quodnam omnium difficillimum opus est, quod Divina Providentia aggreditur, nisi mutare cor peccatoris? quippè hic solùm invenitur resistantia in materia contumaci, & refractaria operanti. Quare nulla unquam industria videri debet immodica, quâ prædictum cor disponatur tuâ operâ, ut se patiat à Deo tractari, quemadmodum argilla in manu figuli, qui ex vase contumeliæ intendit formare vas honoris. Ex altera parte præcipitando hanc curationem ex impatientia, laculentum animæ tuæ vulnus infliges, cum & tibi, quod aliis medicis, eveniet, qui agros occidunt impunè. Si gravem in munere tuo admittes negligentiam, malum redundabit, & in malè curatum, & malè medentem, parè utriusquè exitiò. Quare antequam Absolutionem impercias Pœnitenti, vide, an in ipso inveniantur debita dispositiones circa peccatum. *Occide, & manduca. Act: 10. 13.* sibi dictum audivit S. Petrus tunc, quando vidit descendere linteum plenum serpentibus &c. quod ipsi è calo parabatur in cibum. *Occide & manduca.* Ut hinc quivis Sacerdos intelligat, ad audiendas Confessiones expositus, ut peccata populi comedit, quòd, si talia peccata necdum mortua sunt per contritionem, aut saltem moribunda per attritionem, necesse sit priùs occidere, antequam comedit, Pœnitente efficaciter disposito ante Absolutionem ad dolorem. Aliàs illæ viperæ devoratae vivæ, mortem afferent, primò quidem Matri, quæ eas peperit, hoc est, Peccatori, & tum incubatori, qui suâ fœcundâ illas vivere permisit, nempe Confessario. *Occide itaque, & manduca.*

(1.) S. Aug. 11. 72. in Joan. S. Thom. p. 2. q. 118. ar. 9. ad 2. (2.) Castrop. in Sac. Rom. 11. 27. diff. un. p. 19. § 2. n. 4. in fine. (3.) S. Th. 2. 2. q. 83. ar. 15.

ad 2. Suar. to. de rel. l. 1. c. 23. n. 2. &c. (4.) Suar. l. c. c. 28. n. 7: Less. l. 4. de Summo Bono c. Tertio quia est medium. (5.) Bellarm. Contro. to. 3. l. 2. de Amiffione gratia, & statu peccati. c. 14. Tertio observand. Card. Pallau. in arte perfect. l. 2. c. 2. Vide etiam Suar. l. c. c. 28. n. 3. in fine. (6.) Vasq. r. 2. ar. 9. q. 114. Suar. to. 3. de gra. Disp. 12. de merito. c. 28. to. 2. de rel. l. 1. c. 26. n. 5. (7.) S. Th. 2. 2. q. 83. ar. 15. Suar. l. c. à c. 23. ad 28. (8.) S. Thom. l. c. ar. 16. ad 2. Suar. l. c. c. 25. n. 3. in fine. Tolet. in Joan. 16. Annot. 31. (9.) S. Thom. 2. 2. q. 83. ar. 15. ad 3. Laym: L. 4. Tr. 1. c. 1. n. 10. § Maximè. (10.) S. Bas. de const. monast. c. 2. (11.) Laym. de Sacr. Pœnit. c. 13. n. 9.

C A P U T IX.

Quomodò se gerere debeat Confessarius erga Blasphemos.

IMaginare tibi hominem quempiam, qui nunc in hunc Mundum introdu-
tus appareat. & subito plùs quàm humano lumine illustratus, uno sim-
plici intuitu aspiciat & comprehendat multitudinem, varietatem, con-
sensum, unionem, ac majestatem rerum omnium admirabilem, quæ hoc U-
niversum constituunt: possetne is in tanto mentis stupore atquè ecstasi ju-
dicare possibile, ut Auctor aded pulchræ Machinæ ab ullo blasphemetur? Et
si postea intelligeret, non unum duntaxat inveniri, sed milenos ac mille-
nos, qui eum blasphemis lacestant, atquè hos ipsos esse, quorum gratiâ U-
niversum istud fuit creatum, cæli Conditoris imperiò præfixum sibi cursum
peragunt, elementa laborant: An non hoc auditò, velut æstio percitus, in
furorem ageretur, puderetquè cum hoc hominum genere communem ha-
bere naturam? Et tamen hic est excessus, quem sicis oculis quotidie intue-
mur, dum blasphemia ista, quæ sacrosanctum Dei Nomen injuriosè inva-
dendo, jurè dici potest prodigium iniquitatis, modò ob frequentiam vix cu-
ratur, & pro nihilo habetur. Nunc ad ipsam curam, & primum scopum
nostrum accedendo, omisâ celebri divisione blasphemix in hæreticam, ac
simplicem, eam ad nostrum propositum duplicem cõsiderabimus. (1.) Sunt
nonnulli, qui horrendas illas voces ex concepta ira, stultissimè contra De-
um proferunt: alii verò, stimulante quidem irâ, sed adversus creaturas insa-
niunt. Priores veluti rebelles Notorii, manifestâ rapinâ Deo honorem au-
ferunt, posteriores tanquàm occulti prædones, tectò furto eundem diripi-
unt. Quod ad primum genus attinet, rarò eveniet, ut tam stulti ac rabiosi
dæmones ad pedes tuos accidant, cum nemo adversus Deum bellum susce-
pturus sit, qui non priùs sibi ipsi hostis extiterit, exutò omni humanitatis
sen-

sensu. Et si quando contigerit, ejusmodi aliquem te offendere, erit plerūquē is è pessima lutorum fæce quispiam, qui cum nummis animam, & cum anima intellectum perdididerit. Plures secundi generis inveniuntur homines, qui choleram intus accensam, nesciunt alia ratione restinguere, nisi (veluti totidem parvi Veluvii) impiissimorum verborum flammam in altum evomant, *penantque in calum os suum. Ps. 72. 9.* Tamen postea protestentur, se non habere intentionem eousquē extendendi suum peccatum.

Loquēdo itaque de istis; familiaris eorum sermo est, cum extradescūt: *Corpus Christi, Sanguis Dei.* Et ubi in Lege antiqua tanta erat divini Nominis veneratio, ut summo solummodo Sacerdoti liceret illud aureæ lamine incisum in fronte gestare, quando intrā Templumungebatur officio, nunc quoties respiratur, toties illud impiissimo ore contaminatur ob res vilissimas, & nugas: Hòc sedantur furia, teguntur fraudes, injustæ obsignantur negotiationes. Docent tamē aliqui DD. (2.) quòd verba ejusmodi, *Corpus Dei, Sanguis Dei,* quandò impetus ille, quò proferuntur, non intendit ipsum Deum offendere, non sint blasphemia, &, qui sic loquitur, etsi non prodāt, se linguam in ore ferre Christianam, non tamen habere diabolicā. Verūmtamen pace illorum judico, in praxi frequenter contrariam sententiam esse veram, quam tradunt graves Doctores (3.) itā, ut prædictæ voces, *Corpus, Sanguis,* sapissimè à gravi culpa non possint eximi, etsi nullam contineant falsitatem, neque ex ira contra Deum profundātur. Ratio est, quia hi, qui timoratae sunt conscientia, iis auditis graviter commoventur, apprehenduntquē insignem Divinæ Majestatis contemptum; ipsi quoque talium sermonum auctores, nisi à consuetudine penitus sint excæcati, postquam subsidit effervescens bilis, & mens novo serenatur lumine, sapius hanc ipsā advertunt irreverentiam, & de se pœnas repetunt. Signum itaque est, quòd hæ voces juxta communem sensum apertam contineant Divinitatis vilipensionem, ideoquē veluti blasphemia sint fugiendæ. Præterquàm, quòd, si non forent blasphemia, sæpenumerò sint perjuria, adhiberi solita ad addendum pondus comminationibus, quas sese vindicaturi faciunt ejusmodi verbis: *per Corpus Dei, hoc non impunè feceris! Per Dei Sanguinem, hoc mihi lues!* itaque in cæteris. Aded, quocunquē modò voces has accipias, veluti ensis manubriò carens, te omni ex parte vulnerabunt. Oprarem proinde, ut honor Dei conculcatus te immensò Zelò accenderet, ad exterminandas è lingua Christianorum indignissimas has voces, earumquē similes, atquē ad ablegandas in abyssum, unde prodierunt. *Factus est in corde meo, quasi ignis exarsuans, clausuquē in ossibus meis,* dicebat Hieremias c. 20. 9. & defeci, fer-

re non sustinens. Et cur istud? *Audiri enim contumelias multorum.* Quæ sunt istæ blasphemix adeò usitatæ, & terrorem in circuitu, qui in piorum consequitur animis.

Sed quibus utendum est remediis adversùs hanc phrenesin? hinc lenia nihil proficiunt, quia morbus talia non expetit. Sacrosanctum Conciliū Lateranense (4.) denuntiat omnibus Confessariis, quòd, si blasphemis non imposuerint congruas pœnitentias, se ipsos illorum delictorum facturi sint participes. Imò hoc ipsum Concilium vult, ut non solùm Sacerdotes, sed in genere omnes Fideles (ubi justus metus notabilis damni non obstat) teneantur semper corrigere blasphemantem, etsi spes nulla sit emendationis (5.) ut, si una lingua Deo honorem abstulit, eum restauret altera. Porrò remedia sunt duplicis generis. Alia serviunt ad castigandas damnatas h. s. linguas, ob transgressiones præteritas: alia quasi pedicas injiciunt, ob futuras. Quare ultra pœnas consuetas Orationis, jejunii, flagellationis, elemosynæ, flagitiosis his injunges, ut aliquoties linguam lambendo terram circumducant, toties ad pedes Crucifixi abjecti precentur veniam, totidem recitent Rosaria non ex Dominica Oratione, & salutatione Angelica, uti usus habet, concinnata, sed ex aliis laudibus Divinis, quibus plùs mentem applicent, veluti *Gloria Patri &c.* aut his verbis, *Laudetur Christus Jesus,* aut similibus, ità ut hujusmodi actibus satisfaciant titulò justissimæ restitutionis, reddantquè honorem pro contumelia. Quantum attinet ad remedia præservativa, opportunissimum videtur esse illud, quod adversus basiliscum solet adhiberi, videlicèt oppositum eidem speculum, quo horribilissima facies repræsentata, ipsimet intuenti vitam solet eripere. Hòc artifició utere cum his quoquè diabolis. Statue ante oculos execrabilem malitiam illorū peccatorum, quæ ab ipsomet Christo Domino appellantur irremissibilia; quoniam, tametsi (absolutè loquendo) non sint plagæ nullo pœnitentiæ balsamò sanandæ, nihilominus præ cæteris adeò purulentæ atquè profundæ existunt, ut rarò sanentur, nisi inusitatis industriis. Sermones ejuscemodi satis demonstrant, ad quam patriam pertineant peccatores; ideoquè quod olim Petro fuit objectum: *Verè, & tu Galileus es, nam & loquela tua manifestum te facit.* Idem cuiquè horum dici poterit: *verè, & tu reprobus es.* Plurimùm hæc voces impiæ atquè sacrilegæ conveniunt cum maledictionibus reproborum in inferno. Ità, quemadmodùm in Musica binis institutâ choris, quorum unus in superiore loco, alter inferiùs consistit, ex sibilis draconum infra terram sepulcorum, addiscunt serpentes isti humanam referentes speciem, similem formare sonum, & ex his blasphemis resultat echo. *Est & a-*

lia loquela contraria morti, ait Ecclesiasticus c. 23. 15. ubi Græca interpretatio exponit, *respondens Morti*. Quia hæc vera est vocum alternatio, cum turbatissima dissonantia. Et in quem finem ista omnia? quo prætextu? aut cui bono? Non oblectationis causâ; quippe blasphemi pascuntur venenô etiam amarissimô Non existimationis sibi apud alios comparandæ gratiâ; nam, si infamis habetur, qui contumeliam infert Principi juxta legem, *tex. in L. Quisquis. ad L. Juli. Majest.* Quando magis infamiâ notabuntur, qui blasphemant Dominum omnium Principum, qui est *Rex Regum, & Dominus Dominantium*? Non utilitatis alicujus studiô: nam quando blasphemârunt, num ideo dispendium, quod passi sunt, retarciunt? Quis ergo horror, sine ullô emolumento animam onerare tam immani crimine, ut nec in ipso inferno inveniatur gravior. Et ubi damnati vellent manum illam, à qua torquentur, morsibus dilacerare, ipsi damnatis crudeliores eandem beneficam, quæ iis vitam conservat, sanitatem, opes, liberos, & quidquid possident, execrantur. Nomen illud, in quo unico salus illorum posita est, proscindunt contumeliis, conculeant sanguinem, qui solus eorum potest extinguere debita! Rectè ergo compellatur Deus, nè desistat punire eum, qui talia audet, cum blasphemia ex eo peccatorum genere sit quod plura alia supponit. *Nè desinas ab homine iniquitatis, quia addit super peccata sua blasphemiam. Job: 34. 36.*

Hujusmodi remedia majore pondere semper iis blasphematoribus porrigenda erunt, quos supra memoravimus, & accomodanda illorum necessitati singulari. Et ideo cuperem te nonnihil cum ipsis esse indiscretum. Hinc si tales, qui apud te molestissimas has linguarum sordes deponunt, homines sint vilis conditionis, uti certè sunt vitæ abjectissimæ, vellem te aliâ uti linguâ cum ipsis, sed itâ asperâ, quæ veluti Leonis lambere non posset, nisi provocato sanguine. Cùm secundi generis blasphematoribus moderanda nonnihil est acrimonia, quadam benignitate, non autem quæ ipsos non sinat agnoscere peccata, quæ perpetrârunt. Quare audiendæ non sunt excusationes illæ tanquam legitimæ: Ego ejuscemodi verba non profero animô afficiendi Deum injuriâ, sed ex consuetudine, & iracundiæ commotione. Nam quantum ad choleram attinet, an desunt alia verba, quibus eam repriment? Nimiùm foret, si quis verborum suorum jaculis aliam, præter Sanctissimum Dei Nomen, metam non posset statuere. Spectando verò consuetudinem, si illam advertant, tenentur adhibere diligentiam ad eandem extirpandam. (6) Et tamen communiter non curatur. Præterquàm quòd voces hóc modô prolata, ipsis ordinariè sint voluntariæ, non solùm

in sua causa, quæ est prava consuetudo, sed etiam in seipsis, atque effectu. Nam quantumcunque miseris istis rationis lumen ex subita ira occidere soleat, nihilominus non tam densa repente nox ingruit, ut non confusè gravissimam Divino honori illatam linguâ suâ injuriam agnoscant.

Quæ modò de blasphemia dicta sunt, possunt quoque juvandis perjuriis applicari, quod alterum telum est, & quotidie in Sanctissimum Dei Nomen solet vibrari, nullâ habitâ ratione, quòd demum in caput illius recidat, qui illud intorsit. *Qui in altum mittit lapidem, super caput ejus cadet. Eccli. 27. 28.* Sed nolo hac in re esse fusior. Id solum observari à te velim, quòd multi inveniuntur, qui, cum non jurent cum falsitate, quæ illud est, in quod denique omne resolvitur perjuriū, (7.) nihil sibi religioni ducunt, jurare quovis momentò absque necessitate, ac si non clarè à Deo fuisset denuntiatum: *Non habebit infontem Dominus eum, qui assumpserit Nomen Domini Dei sui frustra. Exod. 20. 7.* Abusum hunc adeò in mundo radicatum, necesse est pro viribus à te excindi. Nam tametsi verum sit, juramentum temerè factum citra advertentiam, non propriè dici perjuriū, itaque minùs esse culpabile. (8.) nihilominus facillimum est, ut tale evadat. *Vir multum jurans, ait Ecclesiasticus, implebitur iniquitate. c. 23. 12.* Qui multum jurat, hoc est, sine utilitate, etsi non falsò juret, tamen *implebitur iniquitate.* Non est nunc plenus, sed brevè implebitur; quoniam quàm difficile est multa loqui & non mentiri, tam rarò abesse solet à frequente juramento perjuriū, perexiguò enim intervallò inter se distant juramentū superfluum, & impium, uti expendit S. Augustinus. (9.) Cogita hac in re Animæ accidere, quòd in fortalitiò aliquo solet evenire. Quamdiu exteriora munimenta defenduntur, nihil timetur, et quando hostis pervenit ad fossarum margines, facillimum est inde superare muros, & sua ibi signa figere. Audi proinde consiliū Christi, *non jurare omnino, Matt. 5. 34.* Hoc est, sine urgentissima causa; aliàs juramentum vanum brevè viam parabit juramento falso. Quemadmodum facillè contingit, ut pauci milites incautè in murum admissi, portam aperiant maximo exercitui, qui foris expectat. Certè, qui non timet grande hoc periculum, non intelligit, quantum malum sit perjuriū, neque scit, quòd Canones sacri non solum declarent hujus criminis reum infamem, (10.) verum etiam gravissimis verbis præscribant, ut in imponenda pœnitentia par habeatur homicidæ; quamvis Theologi longiùs progressi asserant malitiâ quoque esse superiore. (11.) *Prædicandū est, ut Fideles perjuriū caveant, scientes hoc grande scelus esse, nec levem perjuris pœnitentiã modū imponendū, sed talem, qualis homicidio imponitur, & ceteris criminibus capitalibus.* (12.)

(1.) Valent. 2. 2. disp. 1. q. 13. p. 1. Sanch. in Decal. l. 2. c. 32. n. 2. (2.) Navar. in Man. c. 12. n. 85. Cajet. in sum. V. Blasphem. (3.) Suar. to. 1. de Relig. tr. 3. l. 1. c. 6. n. 11. Tol. l. 4. c. 13. n. 6. Sylvest. V. Blasphemia. n. 3. in fine. Sexto quando. (4.) Concil. Later. s. 9. Navar. in Manual. c. 12. n. 83. (5.) Concil. Later. l. c. Navar. l. 6. Lessius de Just. l. 2. c. 45. dub. 5. in fine. (6.) Tolet. l. 4. c. 13. n. 7. Sa. V. Blasphem. Sanch. l. c. n. 43. & lib. 3. c. 4. n. 11. (7.) S. Thom. 2. 2. q. 98. ar. 1. ad 1. (8.) Sotus l. 8. de Just. q. 2. art. 3. & de cavendo juramenti abusu. c. 12. (9.) S. August. to. 4. lib. de mendacio circa medium. (10.) C. Quicumque 6. q. 1. (11.) S. Thom. Quodlib. 1. ar. 18. Sotus l. 8. de Ju. ar. 3. Sanch. l. 3. in Decal. c. 5. n. 37. (12.) C. Predicandum. 22. q. 1.

C A P U T X.

Quid agendum Confessario cum iis, qui tenentur facere restitutionem.

Alterum vitium, minus diabolicum, sed non minus obstinatum, est Avaritia, sæpius in sacris litteris appellata *servitus idolorum*. Est enim Avarus par Idololatræ, non solum ob materiam, quam adorat, aurum videlicet, sed etiam ob affectum, quò illud colit, nempe super omnia: unde quotidie cernimus, affectui huic cedere debere quemcumque alium; & si amor voluptatis homo postponat parentes, utilitatis studio etiam odiò prosequeretur, & pro hostibus habebit filios. Quare nescio an marmor ullum sit invenire durius & contumacius illò, qui rem possidet non suam. Quamcumque aliam figuram faciliùs illi poteris imprimere, quam cordati alicujus Zachæi, qui non dicat, *Reddam*, ut hodie nòs habet; sed *Reddo*. Et re ipsa experieris, in tam duro opere sæpiùs ferri aciem retundi. Jejunavit Achab, fervidi Prophetæ minis territus, substrato dormivit cinere, vestem regiam permutavit ciliciò. capite in terram inclinato luctum præsetulit, verumtamen vineam Nabotho ereptam non restituit. Adeò verissimum est, inter fructus dignos pœnitentiæ, hunc esse ultimum, qui maturescat.

Sed ut ad remedia veniamus, quæ conducant ad eundem obtinendû, majoris claritatis gratiâ, distinctionem hanc præmitteremus. Vel obligatio, quâ pœnitens constringitur ad faciendam restitutionem, est manifesta, vel dubia. Si est dubia: quando tibi non fidis ex improvîso licem cum auctoritate decidere, differ tantisper, dum casum penitiùs examines, aut consiliùm exquiras; vel tandem potes (si Pœnitens verè appareat paratus ad præ-

standum id, ad quod obligatur) eum absolvere, datâ tamen tibi promissione, se consulturum viros doctos, ac quod ipsis visum fuerit, reipsâ executurum. (I.) Quod si è contrario obligatio certa est, video te in grandi versari labyrintho, modico instructum filô ad inveiendum exitum. Ratio est, quia si Pœnitentem cogas præmittere restitutionem Absolutioni, videris uti extremo rigore, & ipso Jure ad inferendam injuriam abuti. *Summum jus, summa injuria.* Si verò absolvas, sponsione acceptâ restitutionis promptè faciendæ, casus erit admodum rarus, ut flores isti fructus afferant. Ecce, finitâ Confessione, *quasi Oliva projiciens florem suum. Job: 15. 33.* Quippe non est difficile animò concipere restitutionem, at factô ipso implere, id perquâ arduum videtur: adeò ut nonnulli instar elephantis, sine fine cunctentur in lucem edere partem, ac tandem mirum est, si post longum tempus non etiam patiantur abortum. Non sibi timuit Pharaò à fœminis Hebræis, sed solummodò à masculis: hinc permittebat multiplicari puellas, quantum volebant: cùm è contrario infelices pueruli non sinerentur vivere, vel unicâ horam. *Quidquid masculini sexûs natum fuerit, in flumen projicite: quidquid fœminini, reservate. Exod: I. 22.* Hoc ipsum agit diabolus. Multiplicentur verba, quæ sunt fœminæ, tantummodò submergatur Opera, quæ sunt masculi. Quare hoc age: si decreveris impertiri Pœnitenti Absolutionem, persuasus bona voluntate, quam præsert, saltem memor sis; ut præfigas ipsi tempus restitutionis, modumquè præscribas. Modum quidem, nam si creditores sint certi, non licebit eam facere pauperibus nomine elemosynæ, aut Sacerdotibus, ut legant Missas: sed tradat tibi pecuniam, aut alteri homini fido, ut securè in manus veri domini perveniat. Tempus verò designandum est; nam promissiones indeterminatæ, *restituam*, non ità fortiter constringunt, uti alix, *restituam* intra hoc temporis spatium: præsertim si SS. Eucharistiæ sumptionem interdixeris quousquè restitutio fuerit peracta, aut à creditore per alium obtenta dilatio.

Hæ limitationes solummodò locum habent iis in casibus, in quibus res aliena non actu est in potestate Pœnitentis: aliàs enim suadeo, non conferre Absolutionem illi, nisi quamprimùm hanc præmiserit. Quandiu noxius cibus indigestus hæret in stomacho, facile ejicitur per vomitum: at quando per concoctionem in chilum convertitur, & ex hoc in sanguinem, ac denique in ossa, vix ulla medicina eum amplius valebit extrahere. Simili modò in re ablata, si expectaveris, donec à Pœnitente consumatur, atquè ad sustentationem familiæ usurpetur, num prudenter sperare potes, unquam securam restitutionem? Quod si antehac jam pluribus Confessa-

riis hanc promississet, fidemquè culpabiliter fefellisset, memòr esto eorum, quæ suprâ de relapsis diximus, & nisi te præsentis circumstantiæ extraordinariæ compunctionis cogant aliud agere, liberè ei nega Absolutionem, (2.) duplici ex causa, uti alio in loco expendimus. Primò quia nemo tales potest prudenter judicare ritè dispositos ob iteratam sæpius infidelitatem, juxta celeberrimam S. Augustini doctrinam: *Si res aliena reddi possit, & non reddatur, pœnitentia non agitur, sed simulatur.* Et quid hoc aliud est, quàm imitari crocodilum, qui dum plorat, devorat, & prædam, quam dentibus apprehensam tenet, suis perfundit lacrymâs? Deinde, quia, tametsi tales bene essent dispositi, & ex animo sincero loquerentur, non debet ipsos Confessarius relinquere in proximo periculo relabendi in consuetam omissionem, sed, quando Confessio dilationem admittit, debet eos constringere, atquè præmissâ debitâ restitutione, in tuto extra omne discrimè constituere. Hac ratione Sacramenta fiunt salutaria, & non perniciosa. Postquam soluta est obsidio, censent periti Medici, non esse præbendum cibum desideratû longam famem perpeffis, antequàm stomachus expurgetur. Ratio consilii hujus in aperto est, quia per continuam talem inedia, ventriculus alimentî avidus, toto ex corpore humores nòxios attraxit, quibus si commisceatur cibus, nutrimentum convertitur in venenum. Pari cautela utendum est in hac cura: & quando Pœnitens ex immodica habendi fame, longo jam tempore conscientiam alienis bonis oneravit, primùm adigendus erit, ut animam mundet, & lever crassis istis humoribus, & tum ipsi porrigendum erit salubre Sacramentorum nutrimentum: alioquin cibus intempestivè sumptus mutabitur in venenum, & brevis sanitas, quam infirmo communicas, subsequente relapsu magis reddetur deploranda. Verum est, quòd, quantumvis hîc atquè alibi tam asseveranter edixerim, negandam esse interdû aliquibus Absolutionem; nolui tamen ità existimes dictum, quasi verò cupiam magnopere te pronum esse ad vibrandum ictum, quo gravior à Confessarii manu infligi nequit, & cujus proinde gravitas bene prius ponderanda, ut justitiæ congruat. Vide, quid cælum agat, quando parat ejaculari sagittam; prius se nubibus operit, veluti in signum mæstitiæ, deinde, si fulmen jaciendum est, minas præmittit tonando, ut appareat, quòd equidem feriat, mallet tamen non ferire. Similem mœrorem prudenter tu quoque demonstrabis, priusquàm ad tam funestam executionem descendas. Differ Absolutionem, non nega: & quando neganda erit, fac ut intelligat Pœnitens, hoc esse te nedium expedientissimum præsentî suæ indispositioni adhibendum: dic illi, quòd satius esse judices, eum contritum eum emolu-

mento, quàm nimiam indulgentiam decipere: suavissimis verbis mel illine aculeo; atque ostende, repulsam hanc (refutatis, quos attulerat, pretextibus) non ex odio provenire, sed amore.

Verùm necdum tibi primarium punctum eorum difficultatum exposui, quæ circa Avaritiæ curam accidunt. Humor ille tenacissimus eosdem post se trahit effectus in iis, qui illo sunt involuti, quos pituita in paralyticis. Subinde membra moveri prohibet, subinde præter motum etiam sensum extinguit. Quid dicam? incidit in nonnullos, qui plus amant pecuniam, quàm conscientiam, sequè cum stolta illa tribu aeternum abdicabunt possessione terræ promissæ, dummodò statim ac in præsentiarum sterili agrò possint frui cis Jordanem. Incapaces omninò sunt intelligendi propriam obligationem, & si tandem capiant, volunt satisfacere per Testamentum, tanquam non possent esse frugi, veluti viperæ, nisi post mortem. Paralysis ista, quæ sensum opprimit, non ita frequens est morbus, est tamen in plerisque lethalis, adeò ut nisi virtute Orationis ad saniores mentem revocetur, ac respiciant, parùm de eorum salute liceat sperare. Alii è contrario non sunt orbatî sensu, sed movere se nequeunt. Probè intelligunt suam obligationem, credunt, farentur, atque etiam ei cupiunt satisfacere, sed vires illos deficiunt; non possunt. O quàm difficile est penetrare atque discernere, quando istud *Non possum* proveniat ex debilitate virium, & quando ex infirmitate voluntatis oriatur! Inquire, an lusu sine dediti, adeant spectacula, frequentent popinas, deprehendes sæpenuerò dimidiam partem illius, quod bibendo ac ludendo dilapidant, expungendis eorum debitis suffecturam, & tamen dicitur, *non possum*. Perge indagare in statum creditorum: sunt hi frequenter pauperes, quibus lauti instar convivii forent reliquæ mensarum, quæ à debitoribus instruuntur. Postquam insigni rapacitate devorârunt inopiam, juxta illud. *Pf. 13. 4. Devorant plebem meam, sicut escam panis*: Et in silentio depasti sunt minutis, at assiduis gravaminibus, ut loquitur Ecclesiasticus c. 13. 23. *Pascua divitum sunt pauperes*, prodigunt cum luxu, si non etiam cum lascivia id, quod pauperibus tenerentur dare tanquam mercedem, speciosis sibi et ipsis illudentes titulis, quos in schola Avaritiæ didicerunt: quòd non teneantur restituere cum detrimento proprii status. Scio ipse, quòd, quando status non obtentus fuit crevitque per injustitias, non sit obligatio eundem minuendi, quò satisfiat omnibus. Verumtamen hoc locum non habet, neque cum sumptus fiunt superflui, neque cum pauperis creditoris incommodum (qui expectat) est æquale: multò minùs, si excedit incommodum debitoris, qui tardat satisfacere

cere. (3.) Denique si bilanci impositum istud *Non possum examinemus* juxta pondus Sanctuarii, videbis, quantæ sit tenacitatis. Non possum, nempe dicere vult, plus mihi iasseret utilitatis, si differrem: interea lucrosæ se offeret emprionis opportunitas, invigilare potero instructus illi contractui (4.) Atquæ in hoc tota consistit impotentia, quâ laborant isti paralytici, non se valentes movere, immemores illius, quod dicit sapiens: *Si dixeris: vires non suppetunt, qui inspector est cordis, ipse intelligit, & servatorem, vel, uti alii interpretantur, observatorem anima tua nihil fallit. Prov: 24. 12.* Verbo, res aliena est veluti torpedo, quæ manum quâ apprehenditur, continuò reddit languidam. Atquæ hinc omni contentione rogabunt sibi prolongari tempus, sollicitando, veluti qui malitiosè litigant, dilationem in tali causa, quam desperant pro se decidendam. Noveris proinde, non esse in tua potestate concedere inducias: quia non solum illicitum est, alteri quidquam subripere, sed æquè vetitum, illud retinere. (5.) Neque lex divina solummodo malè pãta reddi jubet, verùm etiam, ut quamprimum id fiat, præcipit, quod moraliter præstari potest eo modo, ut, si nequeat restitui simul, reddatur per partes. Quare dispensare in istis ordinationibus, & indulgere moram ei, qui modò suo potest satisfacere debito, non est penes Confessarium, sed definitur à sola & vera necessitate, nisi tales adessent circumstantiæ, in quibus prudenter posses præsumere creditoris consensum dilationem hanc non agrè sustinentis. (6.)

Subjungamus duo monita, quæ in praxim reducant generalem doctrinam hæctenus traditam. Primum: quando occurrant graves difficultates cum hujusmodi avaris & tenacibus, qui magis à sua possidentur pecunia, quàm ipsi eam possident, stude illas expugnare Oratione. Imò etiam, si absolveris pœnitentem, propterea quòd promiserit reddere tempore, quo debet, consultum est præscribere pœnitentiæ locò, ut subinde per illud intervallum precando confugiat ad Divinam Majestatem, vel patrociniùm Deiparæ, sollicitando gratiam standi promissis, & cum fide exequendi: quippe restitutio ista similis est palmarum fructibus, qui nunquam sponte decidunt, sed violenter sunt avellendi. Alterum monitum est. Quando pœnitens est in bona fide, vel quia credit, se nihil debere: vel quia existimat se solum teneri ad partem, & non ad totum, sive in solidum; vel quia judicat, satis esse, si per plures solutiones restituat debitum, quod per unam potest: si nõ adsit probabilis spes fructus, relinque ipsum in tali ignorantia salutari (7.) dummodo hæc sit invincibilis ex eo, quòd nullam habeat causam dubitandi de sua obligatione. (8.) Utinam non esset quandoquæ majoris laboris efficiere,

ficere, ut horū aliquis malè possessas opes ex avidis faucibus rejiciat, quàm curare, ut elephas exagitatus excussum ebur à se abjiciat. Itaque noli illos imprudenter premere, nisi prius advertas, te utcunquè esse securum de præda obtinenda. nisi enim ignorantia, in qua vivitur, coràm Deo excuset multas hujus generis transgressiones, necesse erit magnum numerum orbis Christiani damnari, (9.) sed uti sensit S. Augustinus; *in quibusdam homo fallitur, magno malò, in aliis parvò, in aliis nullò, in aliis etiam utiliter.* In *Enchir.* c. 19. Et hoc ipsum scire juvat, quòd in præsentì accidat. Quare necesse est, ut circumspèctè agas, quando ob incertitudinem creditorum, restitutio solùm faciendà erit pauperibus. Nam probabilis est opinio, pœnitentem his obligatum non esse lege naturali, sed positivà (10.) ac propterea erga ipsum licet uti majore favore. (11.) Imò tametsi non esset in bona fide, còplana ei viam, quantum potest: suadendo, si quantitas est major, ut procureret honestam compositionem ab eo, penes quem est concedere; si verò ea sit exigua, at applicet solitas eleemosynas, quæ fiunt in illius domo; vel ut condonet tantundem alicui inopi suo debitori, quantum tenebatur distribuere inter pauperes, siquidem tantò expeditius est cedere id, quod quis necdum habet, quàm privare se illo, quod quis possidet, quantum facilius est non deglutire hamum, quàm eundem remove.

Restaret nunc, ut quidpiam diceremus de alia restitutione alterius rei, longè pretiosiore, nempe famæ. Restitutio, fateor, est maximè necessaria, verùm tam rara, ut qui illam etiam cupit præstare, vix faciat perfectè. Accidit enim maledicis, quod maleficis in Ægypto apud Pharaonem, versis in serpentes virgîs, deformant eos, qui misericordes sunt ac pudici, ut videantur esse avari, libidinosi; non autem rursus mutant serpentes in virgas, reddendo infamatis quam abstulerant, formam pristinam & famam. Opus hoc est altioris virtutis, qualis in solo Moyse inveniebatur. Sed ego hîc aliud non intendo, quàm ut tradam aliquas observationes, quæ praxi subserviant: dicam proinde breviter id, quod in ista materia maximè videtur considerandum. Qui malitiosè alterum cum injuria infamavit, tenetur retractare magno rigore, quò non obligatur is, qui solummodò manifestavit crimen aliquod occultum: Nam prior infamatum privavit dominiò suæ famæ, cum posterior abstulerit duntaxat possessionem. Quare in isto casu non sufficit plagæ speciosam tantummodò adhibere medicinam, laudando scilicet, sed necesse est revocare efficaciter verba propria, etiam cum dispendio famæ, non solùm æquali, sed etiam aliquando majore. Unde si necessitas postulet ad obrinendam fidem, ferendum erit, se fuisse mentitum, deposito

etiam

etiam juramentò, seu privatò, seu publicò, juxta negotii conditionem. (12) Verum est, revocationem hujus criminis in quadam circumstantia fieri posse per tertiam personam autoritate præditam: qui modus commodus est ad restitutionem hanc reddendam faciliorem ei, cui nimium difficile videtur, ore proprio resarcire damnum. Ut ergo quisque sibi caveat à tali scelere, studeat maturè perpendere ejus gravitatem, quæ longè superat malitiã furti: cum detractores sint fures, sed tantò nocentiores, quantò præstantius ipsi divitiis bonum proximo abripiunt. *Melius est nomen bonum, quam divitia multa. Prov. 22. 1.* Certum est, illos ab Apostolo annumerari iis miseris, quos pro gravissima pœna Deus permisit cadere in reprobam sensum, & in tam funesto catalogo disertè appellavit Deo exosos. *Detractores, Deo odibiles. Rom: 1. 30.* Fortassis quia directè feriunt naturam Divinam, quæ est infinitæ benignitatis in tolerandis hominum defectibus. Hoc autem multò magis eveniret, si detractio conjunctum esset odium adversus infamatum, ut cernitur in plurimis, qui veluti canes rabiosi, non solum in ore habent dentes ad mordendum, sed venenum quoque vulnere infundendum. His demonstra, ex clarioribus signis reprobationis censerè destitutum esse charitate. Siquidem, uti S. Augustinus colligit ex S. Joanne, *Sola dilectio discernit inter filios Dei, & inter filios diaboli.* At qua ratione apud illos inveniri potest charitas, quando hæc operit aliorum peccata, ii verò revelant? *Charitas operit multitudinem peccatorum. 1. Pet: 4. 8.*

Denique norandum est, quòd inconsideratio, inclinatio, vel pravus habitus, quem contraxerunt in revelandis aliorum criminibus, faciunt, ut aliquando in Confessione sine necessitate nominent complicè peccati. Quare nisi hoc facerent rogaturi te, ut eum corrigas, vel impendens aliquod malum disturbaturi. (13.) ne feras hanc ignorantiam; quin admoneas, ut aliàs se solos accusent, ac propria, non aliena aperiant peccata. *Justus accusator est sui. Prov: 18. 17.*

(1.) Lugo de Pœnit. disp. 22. sect. 4. n. 71. Henriq. l. 6. de Pœn. c. 26. n. 9. Coninck. disp. 9. de pœn. dub. 16. n. 126. Nav. in Sum. c. 26. n. 3. (2.) Tolet. l. 3. c. 17. n. 4. Caj. V. Rest. c. 7. in fine. Nav. c. 17. n. 64. c. 26. n. 5. Suar. disp. 32. f. 2. n. 3. Azor. 3. p. l. 4. c. 34. de Lugo de Just. to. 1. disp. 20. sect. 9. n. 213. Bonac. de restit. disp. 1. qu. 6. pu. 1. n. 18. & alii communiter. (3.) Laym. l. 3. tr. 2. c. 12. n. 2. Navar. in Sum. c. 17. n. 59. Less. l. 2. c. 76. dub. 1 n. 19. Cajet. V. Restitutio. (4.) Navar. Cajet. Less. l. c. (5.) Navar. in Sum. c. 17. n. 54. Cajet. V. Restitutio. Molin. to. 3. tr. 2. dif. 753. n. 2. (6.) De Lugo. l. c. n. 214. (7.) Sanch. de Matrim. l. 2. disp. 38. n. 10. Jo. Medina. C. de Conf. tr. 2. qu. de

conf. dimidiata iteranda. Lugo de Pœn. disp. 22. sect. 2. n. 26. (8.) Sanch. in Decal. l. 1. c. 16. n. 21. Vasq. 1. 2. qu. 24. ar. 7. disp. 107. c. 3. (9.) Petr. Navar. l. 4. c. 4. dub. 11. Dicastil. l. 2. de restit. tr. 2. disp. 10. dub. 1. (10.) Laym. l. 3. tr. 2. c. 9. n. 1. Less. de Just. l. 2. c. 14. dub. 6. n. 36. Petr. Nav. l. 4. c. 1. n. 44. (11.) Laym. l. c. c. 12. n. 13. (12.) Less. l. 2. c. 1. dub. 20. n. 106. De Lugo to. 1. de Just. disp. 15. s. 2. n. 24. 25. Navar. Man. c. 18. n. 45. (13.) De Lugo. de Pœn. disp. 16. s. 7. n. 429. Suar de Pœnit. disp. 34. sect. 1. n. 3. 4. 5.

C A P U T XI.

Quomodo à Confessario dirigendi sint ii, qui implicati sunt odio, & inimicitiiis.

POSTquam plagas superioris partis Animæ curavimus, descendamus hunc ad curanda vulnera inferioris, quam in irascibili quidem appetitu inficit vindictæ cupido, in concupiscibili impudicitia lues. Initium sumamus à prima. Non mihi hoc loco sermo est de quibusdam hominibus sanguinariis, qui omni momento meditantur cædes, atrocitiam, & ruinas. Hoc genus spirantium vindictam rarò in tuo tribunali apparebit: novit enim perspicue, malam se habere causam. Loquor de iis, qui cuperent, si fieri posset, cum Angelo illo Apocalypico pedem unum ponere supra mare, alterum in terra: seu quod idem est, una ex parte nolent condonare, ex alia vellent peragere Confessionem; itaque seipsos & Confessarios fallunt verbis speciosis, nulla nixis veritate. Ajunt, se jam à longo tempore injuriam suis inimicis remisisse, & si illos in silva invenirent dormientes, se nè quidem somnum disturbaturos, multò minùs offensuros. Hujusmodi sermonibus persuasus crederes, Davidem ab illis hausisse conscientiam, quæ formidabat oram vestimenti præcidere illius, quem vitæ suæ habuit insidiatorem. Sed adverte, quòd hoc genus, serpentum venenum gerat in corde, non ut cæteri sub lingua. Perge, & animum adde, ut tibi illatæ injuriæ seriè exponant: in una periodo appellabunt eos proditores sapius, à quibus offensi fuerunt, & injurias dicent proditones. Unde ex tali halitu facile colliges malignitatem, quæ juxta Sapientis dictum in fundo residet: *Ira in fenù stulti requiescit. Ecclesi. 7. 10.* Percontare, an adversarium suum alloquatur: id verò, dicent, procul absit! nimias esse injurias, quibus offensi sint. Quære an priùs salutati saltem reddant salutem? nè hoc quidem: jam enim palam, tum offensori ipsi, tum toti ejus familiae & cognationi enunciatum esse,

esse, nè quando auderent se coram comparere. Intelliges, quòd, si eminus sibi occurrentes conspiciant, in aliam deflectant viam. Imò nè ipsum etiam templum cum ipsis habere volunt commune, nè fortè in eorum conspectum veniant, tametsi ipso actu Deo sint supplices. Et hi sunt ipsissimi, qui multis annis Confessariis videri volunt columbæ sine felle, & tanquam columbæ sinceræ pasci Sacramento Pacis. In veritate columbæ sunt seductæ.

Porro in cura malignæ hujus bilis ad ipsam veniendo radicem, supponendum est, præcepto charitatis, quo tenemur non odisse inimicum. (*Non oderis fratrem tuum in corde tuo. Levit. 19. 17.*) prohiberi quoque signum latèntis odii. (1.) Ratio est, quia hæc ipsa indicia iam sunt pars vindictæ: & licet alia desint, præbent adversario occasionem similem exercendi inimicitiam, suntquè passim scandalo. Cogita quempiam Confessionis gratiâ ad te venire, ex eorum Pœnitentium numero, qui hujusmodi venenatæ aspidis ova in sinu fovet: in primis rogabis, quantum temporis fluxerit, quo tali affectus fuit injuriâ? Odium enim torrentis instar tantò turbidius, quantò longius procurrit, soletquè ex repetitis actibus intumescere & augeri. Tum interroga, an desideret malum aliquod evenire inimico: negabit, ut moris est. Deinde cum per externa prodantur interiora, proccde ad signa, quorum præcipua aperiet lingua, sicuti cor proditur per arteriæ motum, qui eo languente, subito solet perturbari: Fuisse locutus cum Adversario tuo, aut altero, qui ipsum attingit?

Observandum hœc locò est, quòd, tametsi fermocinatio & salutatio ex natura sua signa sint specialia benevolentiæ, debita proximo nostro solum ex consilio, non præcepto, in praxi tamen sæpe circumstantiæ mutant naturam. Quando inimicitia est publica, quando Pœnitens antehac solitus est salutare, & alloqui, ante acceptam injuriam; si demùm sermones misceat cum cæteris suæ civitatis, aut vicinis, omnesquè salutet, tenetur (2.) eadem quoque edere indicia (quæ non amplius sunt specialia, sed communia signa charitatis) atquè exhibere suis Adversariis: secus, hoc ipsum, ut suprâ memoravimus, est vindicta; quia injuriam infert, & præbet occasionem scandalii Adversario, imò omnibus, qui illud advertunt. Verum est, ordinariè Pœnitentem non esse obligandum, ut salutando præveniat, quando notabilem accepit injuriam, aut quando illius conditio multùm excedit conditionem convitiatoris; mulò minùs, quando quodammodo certum foret, quòd salutanti non esset responsum dandum. (3.) Verùm observa, te in hac lite uni solum parti utramque aurem accommodare, unde facilè sit in ferendo judicio falli. Propterea credendum quideam est relationibus Pœnitentis, tã-

quam re ipsa sinceris: sed scire oportet, quòd in quocunque tribuiali argumenta propria vivis proponi soleant coloribus, Adversarii autem subobscure solum delineari. Et quæso, quid fieret, si Pœnitens non tantum non saluaret prius, sed nè quidem responderet, nihilominus tamen inveniret Cōfessarios tam benignos, qui scandalosam hanc duritiem condonarent? Manifestior hinc est obligatio, quia si is, qui salutatus prior tenuit salutem reddere, non multò superior est, seu conditione, seu officio, aut quòd præcedens injuria ita levis fuerit, ut non possint ipsi adscribi hæc omissiones, gravem illæ contemptum ex natura sua spirabunt, suntquè insignis violatio non solum præcepti urbanitatis, sed etiam charitatis. (4.) Inò etiam quando permillum est superiori non loqui, & non salutare, non tamen ei licitum est semper, sed ad tempus duntaxat; cum mensura pœnæ debeat respondere delicto, neque durare, perpetuò, nè degeneret in vindictâ. Hinc licet absolvi possit paterfamilias, qui per aliquod temporis spatium non resalutat filium, quòd is contraxit nuptias toti familiæ ignominiosas, nihilominus absolvendus non est, si illud diutius continuaret (5.) Nam si licitum ipsi est esse severum, ad continendos in officio ceteros domesticos, non tamen licitum est esse crudelem. Quandoquidem igitur in hac materia longius sumus progressi, facillè judicabis, haud multò secùs differendum esse de iis, qui pacem respuunt inire per publica instrumèta. Nam tametsi charitas non imperet talem pacem, sed solum suadeat, nihilominus facillè potest contingere in praxi, ut Pœnitens aliquis sit obligatus ad eam componendam, quando saltem post æquum tēporis intervallum debitis modis fuit postulata. Idquè præcipuè in duobus casibus; quando vel populus rationaliter scandalizatur ob tantam difficultatem & duritiem. (6.) Vel quando is, qui offensus est, aliter nequit ex corde efficaciter evellere odium, (uti quotidie contingit) neque aliud suppetit balsamum ad sanandam plagam exulceratam sui rancoris, nisi hujusmodi perfecta reconciliatio. (7.) Atquè super istas rationes credibile est, fundatas esse justas pœnas, ab antiquis Cōciliis contra illos latis, qui etiam extrinsecam pacem rejiciunt. Concilium IV. Carthaginense statuit, nè ab Ecclesia eorum reciperentur elemosynæ (8.) Concilium XI. Toletanum præter hanc ipsam Ordinationem, etiam illis interdixit S. Communionem. (9.) Agathense etiam ulterius progressum est, voluitquè, ut tanquam putrida membra per Excommunicationem ab Ecclesia rescinderentur. (10.) Id præ reliquis clarè ostendit, quòd, quando Author offensæ se submitendo etiam debitam offert satisfactionem; tametsi ob justam causam privatam omittat dare scripto pacis inita testimonia, non possit

possit tamen offensus interminare, quin talia edat signa reconciliationis, & remissionis, ut is vi illorum liber vivat à metu vindictæ. (11. Nec mihi ob-
 iicias, posse à Pœnitente negari pacem, hinc relatam, solummodo ob moti-
 vum laudabile aq̄uitatis, hoc est, ut castigetur reus, neque cursus Justitiæ
 impediatur, quæ sublata à republica, teste Philosopho, vitæ civili eadem
 pareret detrimenta, quæ vita naturalis pateretur sole extincto. Mirum pro-
 fectò est, quòd cum homo adèd abhorreat ab aliis falli, non vereatur tamè
 sibi metipsi imponere. Potest (quis dubitat?) Pœnitens licitè ex tali mo-
 tivo operari: sed non continget, ut statim hoc sit motivum, ex quo procedit,
 nisi in casu admodum raro. (12.) Dic mihi, si navigium aliquod à pup-
 pi habeat impetuofum Vulturum, quo provehatur in altum, eo ipso quo-
 que tempore affletur placido proa Zephyrò: uter ex duobus his ventis ha-
 bebbit gloriam propulsæ molis? haud dubiè is, qui fuit vehementior. Fieri
 quidem potest in rariore casu, ut peritus Navarchus moderatione clavi, ve-
 lorumquè flexu adèd juvetur, ut prosperè utatur suavi ventulò, ac perrumpat
 impetuofum. Verùm tametsi labor talis uni experto gubernatori feliciter
 succedat, non idcirco quocunque tempore ex simplici remigum turba
 aliquis similem sibi polliceri poterit eventum. Pari modo evenire poterit,
 ut Religiosus à primis annis assuetus luctari cum rebellium affectionū tem-
 pestate, meditata contemplationis fervore iracundiæ impetum subigat, a-
 metquè penam Adversarii, licet parati quidvis præstare, satisfacere, sequè
 submittere ex puro Zelo manifestandi coram mundo Justitiam, velut qui
 desideret privatâ suâ faculâ Soli auctarium lucis adicere. Verùm ut quispi-
 am ad omnem exurgentis passionis venenum mobilis, hinc violenter im-
 pellente irâ, veluti turbine, illinc invitante suavi Justitiæ aurâ, inclinet
 voluntatem ad obsecundandum motivo virtutis, cujus tenuè est turbato a-
 nimò dominium, potiùs quàm ad parendum vitio tyranno, quis credat?
 Neque ullus qui hoc affirmat, id crederet, nisi ira, quæ est brevis furor,
 eum rationis lumine priaret. Sed quid dico? Quemadmodum populi vicini-
 ores polo Arcticorum demum infelicitatè congelatæ suæ terræ agnoscunt,
 cum nostras intrant regiones, ità hi miseri, quando ex frigore inveterati sui
 odii, beneficio sinceræ pacis ad temperatam Christianæ charitatis aurâ tran-
 seunt, tunc demum, si non priùs, malum suum statum, in quo versantur, a-
 gnoscunt, fatenturquè sincerè, duritiam suam non fuisse fundatam in af-
 fectu rectitudinis, sed acerbitate rancoris; aguntquè Numini gratias, quòd
 extracti sint è tali statu, in quo rectâ viâ ad orcum tendebant, & damnati-
 onem, quo tamen volebant aspicere, nè timerent. Testis hujusmodi falla-

ciarum singularis esse poterit, qui Missionibus diutius navat operam: etenim ex occasione frequentissima, quâ tractatur de pace, tum conciliandâ, tum concludendâ cum divina gratia, ejusmodi saepe audiuntur sermones, ut bene perspiciatur, quantum circa hanc materiam distent à veritate in praxi quædam propositiones, quas ego nolim hic negare ut verissimas, si speculativè & in abstracto considerentur.

Sed ut redeamus ad semitam. Si in Pœnitente desideres debita charitatis signa, nè multus sis in persuadendo ipsi, hoc indicio veluti fumo, prodi latentem in sinu ignem; sed simula te credere, eum verè ignovisse; atquè in hunc modum urge: Adversarius tuus nequit inspicere cor tuum tam sincerum, proinde necesse est, ut opère illud ostendas: quemadmodum facit horologium, cui parùm prodest, intus ordinatè habere rotas dispositas, nisi hoc extrinsecus quoque demonstret, sive indice, sive sono. Quodsi obstinatè renuat edere hæc signa, simulquè ultimam inferre stragem effrangi iræ, geminas tibi represento machinas ad promovendam expugnationem. Prima est, applicare id, quod supra de Oratione attulimus. Præcipe, ut per aliquod tempus quotidie aliquoties à Deo postulet gratiam, roburque seipsum vincendi, & videbis quòd sit impetraturus. *Si vos cum fratribus mali*, ait Dominus, *nostis bona data dare filiis vestris, quantum magis Pater vester de celo dabit Spiritum bonum petentibus se. Luc: 11. 13.* Altera machina erit, præscribere Pœnitenti aliqua exercitia charitatis, ad quæ aliàs non adstringitur: quia sicuti arcus diu curvatus ad rectitudinem nequit reduci, nisi is in oppositam partem flectatur, ita animus pravo imbutus habitu reduci nequit ad virtutis mediocritatem, nisi per aliquem excessum actûs supererogatorii. Quare impera ut aliquoties Deo, ac Beatissimæ Virgini commendet salutem sui inimici: curet pro ipso fieri aliquot Missæ Sacrificia, vel saltem audiat, erogat certam eleemosynam, ac tum redeat ad recipiendam Absolutionem. Et quoniam verba ista huic hominum generi peregrinam, atque incognitâ videntur sapere linguam, cura ut intelligat, ita sentire Christum Salvatorem, qui Cruci suffixus oravit pro iis, qui ab illo beneficiis affecti, nihilominus injurias inferebânt: itaque testari exempla omnium, qui veri sunt Christiani. S. Catharina Senensis, suxit pus ex pectore cancro infecto suæ calumniatricis. S. Ambrosij stabilè assignavit victum cuidam sicario, qui ei necem moliebatur. S. Achatius sacra quoque vasa vendidit, ut nonnullis succurreret, à quibus graviter erat diffamatus. Non desunt nostris temporibus equestris ordinis viri, qui lethaliter vulnerati, testamentò dotârunt filias omnes suorum ignobilium percussorum. Per hæc exempla, ex quibus elu-

elucet charitas Christiana instar myrachæ propinantis salutem ei à quo læditur, viam sternes tuis consiliis; commovendo Pœnitentem, ut non modò iram intra septa contineat, verùm etiam foras erumpat, instar salutaris Nilivæ eluvie plenâ gratiarum, quæ inimicos irriget & perfundat. Non audeat tibi suggerere ejusmodi remedium, utpotè primo aspectu admodum difficile, nisi experientia illud declarasset, ut ita loquat, miraculosum, in mitigandis exasperatorum animis: erga quos studiosè cavè ab omni verborum austeritate, ut nec umbra appareat, quâ te ex Judice Advocatum partis adversæ factum esse ostendas. Potiùs te ob acceptam injuriam eis compati, benignè demonstra: sine illos conqueri, sine exaggerare, neque facilè in hoc eos gravis culpæ argue. Maximè verò humanum ac suavem te præbe, quando injuria est recens, & injuriæ illator est facinorosus: quando offensus, si exasperaretur, majore impetu convolaret ad vindictam, vel quia viribus prævalet, cum sit ex potentioribus, vel quia est ferventior, cum sit multò infimior; siquidem ad vindictam, etiam viperæ magis solent esse præcipientes, quam Leones. Denique tuarum erit partium, tuum Pœnitentem ardèter commendare Deo, atque celebrem illum imitari artificem, qui reflexis è speculo solaribus radiis, etiam procul distitas Romanorum naves, quæ obstinatè portum Syraculanam obsederant, accendere noverat & comburere. Rarò continget, ut tot ac tantis adhibitis industriis irritò conatu, non cujuslibet denum expugnes animum.

Quodsi nihilominus in tam ferum Basiliscum incideres, qui solus ex serpentibus se non pateretur vinci iscantationibus, attende diligenter, & deprehendes, plerumque talem vitæ esse inhonestæ. Testantur hoc experientia, & ipsa ratio; cum enim vitia in genere, ita inter se sint connexa, ut unum alteri manum præbeat, ne ab anima abstrahantur (quemadmodù demones, junctâ operâ sese juvant, nè à corporibus, quæ occupant, cogantur emigrare) multò magis speciatim. Concupiscentia quæque secum trahet iracundiam; cum summa illa mentis cæcitas, quæ est (teste Doctore Angelico) filia luxuriæ, sit mater furoris, atque communiter faciat, ut qui plùs sunt effaminati, plùs etiam sint efferati. Sed quæcunque sit origo insolitæ hujus duritiæ Pœnitentium, tu noli captò desistere. Emulare margaritarum piscatores, qui etiam unicâ solum potiuntur, sat benè se multorum dierum laboris pretium reportasse existimant. Quodsi ad te redeant, expone & clarè ipsis demonstra, quòd depositò odio inveniant omne bonum, nempe delectabile, honestum, atque utile: Delectabile quidem, quia omnes quot ante impertitam veniam in inferno vixerant, fatentur postea, quòd

sibi videantur degere in paradiso. *Qui pacis ineunt consilia, sequitur eos gaudium. Prov: 12. 20.* Honestum; quia talis victoria nobilissimum, quod Deo offerri potest, donum est: conformiter verbis à Christo laudatis: *Diligere proximum, tanquam seipsum, majus est omnibus holocaustaribus, & Sacrificiis. Mar: 12. 33.* Utile: quia qui cedit, portam aperit Divinæ misericordiæ: qui obstinatus persistit, illam à semetipso excludit. Non datur hic medium. Aut ignoscendum est proximo, aut spes veniæ à Deo concedendæ deponenda. Aut vindictam dimitte, aut hæreditati renuncia, quam Deus nemini largietur, qui ejus detrectat esse filius. *Diligite inimicos vestros, ut sitis filii Patris vestri, qui in Calis est. Matt: 5. 44.*

Denique si homicida aliquis te accesserit, quid agendum? Exponenda ei erit gravitas criminis, quod ex omnibus in damnum proximi commissis summum est. Quantum enim haberetur reus, si amplam aliquam depopulatus fuisset regionem, comburendo segetes, extirpando vites, succidendo arbores, ædes solo æquando? an non pluris æstimanda est vita hominis? Istud est invadere jurisdictionem Dei, qui solus est Dominus vitæ hominis, & necis. Impone illi pœnitentiam, ut præter debitam restitutionem ob homicidium, curet fieri crebra Sacrificia Missæ pro anima occisi, aut saltem multas persolvat preces: neque contæcus consuetis jejuniis, flagellationibus, & ejusmodi asperitatibus, injunge, ut in posterum frequenter visitet Ecclesiam, ad implorandam ex corde Dei misericordiam, ut sic Numini reddat honorem, atque etiam clamorem injustè à se fusi sanguinis vincat, qui identidem vindictam postulat. Cura, ut talis pœnitentia diu durer, itaque assidua contritio horrenda inhibeat supplicia ordinariè homicidis infligi solita. *Quicumque effuderit humanum sanguinem, fundetur sanguis illius. Gen: 9. 6.*

(1.) Castrop. to. 1. tr. 6. disp. 1. p. 6 n. 3. Val. 2. 2. disp. 3. q. 3. p. 2. circa finem. Coninck. disp. 2. de char. dub. 6. n. 93. Suar. dis. 5. sect. 5. n. 9. (2.) Laym. l. 2. tr. 3. c. 4. n. 2. vers. at verò. Castrop. l. c. n. 5. in fine. Valent. l. c. Suar. l. c. n. 8. (3.) Castrop. l. c. n. 10. Coninck. disp. 24. dub. 6. n. 99. (4.) Suar. l. c. num. 8. Sa. V. Char. Castrop. l. c. n. 6. Coninck. l. c. (5.) Laym. l. c. n. 4. (6.) Navar. l. 5. Conf. 5. de Pœnit. n. 4. Sylvest. V. Char. n. 4. in fine. (7.) Laym. l. c. n. 3. Nav. l. c. n. 5. Suar. l. c. n. 8. (8.) Can. 93. (9.) Can. 8. (10.) Can. 37. (11.) S. Thom. in Ep. ad Rom. c. 2. sect. 3. & in 3. sent. dist. 30. q. 1. ar. 2. ad. 2. Suar. l. c. n. 9. Sa. V. Char. Nav. Man. c. 14. n. 9. Castrop. l. c. n. 7. (12.) 6. q. 1. Cap. Si omnia Laym. l. c. n. 3. in fine. Suar. l. c. n. 10. Less. l. 2. de Just. c. 47. dub. 4. num. 27. Nav. l. 5. Conf. cit. n. 5. Admoyenda &c.

C A P U T XII.

Qua ratione juvandi sint ii, qui luxuriæ vitiô sunt infecti.

PARùm prodesset, uno pede calcare odium, si altero ad adorandam voluptatem genu flecteres. Proinde cum aliquod remedium attulerimus Appetitui Irascibili inordinato, reprimendo vindictam, superest, ut ipsum quoque præstemus Concupiscibili, arcendo ab eo inhonestatem. Opus istud longiore eget tempore, magisque arduum est superiore; Nam ira operatur adjuvante tristitiâ, ideòque subditos habet non nisi per vim: ubi concupiscentia jucundè decipit, & hinc tot habet, qui se spontè subiciunt, *adorant bestiam*, & ultro oblati liberi arbitrii clavibus se dedunt. Quare si ea olim primævæ Ecclesiæ fuerunt tempora, ut Christiani, teste Tertulliano, tam procul abessent à tactu mulieris alienæ, quantum sol distat à tangenda luna; non talis est nostra ætas. Imò iniquitas ista adeò se nostris temporibus diffundit, ut magna pars hominum eam inter naturales debilitates numeret, quemadmodum naturale est leoni, laborare febris: itaque nullam gerat sollicitudinem eâ se liberandi. Vides ergo unde ordienda sit hæc curatio, & prima potio maximè necessaria, quæ disponat ad medicamentum, sit: excitare in tuo infirmo ardens desiderium recuperandi sanitatem. Et quam ob causam existimas Christum sciscitatum fuisse, ex agro illo triginta octo annorum, *vis sanus fieri?* nisi quòd fuerit figura horum miserimè languentium, quibus infirmitas jam effecta est connaturalis. Facillimum est, ab ipsis parvi pendì sanitatem; & hinc primò necesse est, ut magnò desiderio ad eam suspirent & expetant: alioquin remedia quæcunque alia irrita erunt & absque fructu. Hic est ille verus calor vitalis, qui excitat voluntatem consequèdi sanitatem: deficiente isto, omnis eorum efficacia abijt in nihilum. *Remedia non agunt, nisi calore vincente:* docet Galenus. (1.) Porro instaurandi hunc ardorem variz sunt rationes: sed meò iudiciò appositissima videtur, demonstrare lascivis manifestum periculum, quod incurrunt, damnationis, nisi tempestivè se corrigant, abstractis violenter à virulento calice labijs. Id declaratur in hunc modum. Salus Animæ dependet à gemina voluntate, Dei, & hominis, juxta celebrem D. Augustini sententiâ: *Qui fecit te sine te, non salvabit te sine te.* Ità, ut illud, quod reddit inefficaces has duas voluntates, etiam periculosam efficiat salutis consecutionem. Loquen-

do de voluntate divinâ , certum est , quòd Deus quodcunque peccatum mortale abominetur odiò tantò , quantum amat seipsum , hoc est , modò infinitò . Verùm si in ullo peccati genere abominationem hanc magis iracundis ostendit verbis , fecit id adversùs scelus libidinis . Sufficiat dixisse : illù contra hoc solum hactenus plura vibrâsse fulmina , quàm in cætera omnia etiam collecta , in nullum etiam aliud tam horrendò , insolitò , ac universali animadvertit suppliciò , veluti in istud , quando diluviò statuit delere nobilissima manuum suarum opera , quia *omnis caro corruerat viam suam* . Istud tantùm effecit , ut quodammodo pœniteret ipsum unquam amâsse hominem . *Pœnituit eum , quod hominem fecisset in terra . Gen: 6. 6* Istud intima ejus cordis penetralia transfixit , afflixit dolore , anxietate oppressum . *Tactus dolore cordis intrinsecùs , delebo . inquit , hominem . quem creavi à facie terra* . Istud ei verba expresserat , tantùm non jurejurando exaggerata : *Non permanebit Spiritus meus in homine in æternum , quia caro est : dum vidit , quòd cuncta cogitatio cordis intenta esset ad malum* . Quod idem est , juxta mentem S. Joannis Chrysostomi , *intenta esset ad feminam* . Considera ergo , quòd , si in oculis Dei plagæ luxuriæ , si non atrociores , certè fatidiores sint omnibus aliis , facilè sit , ut ex earum aspectu indignabundus benevolam suam faciè avertat , taliquè animæ influxum gratiæ saltem efficaci subtrahat . Ex altera parte voluntas hominis à nullo affectu vitioso fortius est ligata , quàm à libidine ; cum quia ipsius actus sunt frequentiores , tum quia sunt intensiores : unde in hac specie peccati citius generatur malus habitus , irà ut anima his implicata vinculis absolutè quidem se possit extricare , sed non nisi magna cum difficultate . Mens in dies magis magisque excæcatur ad inveniendas vias evadendi , voluntas ad easdem ineundas quotidie fit debilior , itaque semper obtentu difficilior redditur salus , ac serò licèt , cognoscitur , quòd vitium istud verè sit : *Puteus angustus . Prov: 22. 27* . Nam quantò pronius est in eum delabi , tantò difficilius est inde emergere . Hac argumenta benè apud te expendas necesse est , ut accommodatè Pœnitentibus rudioribus possis ac planè instillare , more nutricis , quæ cibum durum in lac cõvertit , suiquè providet alumni necessitati . Præcipuè autem cura , ipsis persuadeas ultimam veritatem , nunquam satis inculcandam , quòd , quantò magis accumulatur peccata , tantò reddatur difficilior consecutio salutis , tamen si ea peccator confiteatur , ac etiam benè . Qui hoc persuadet , securim mittit ad radicè arboris : quia plures eorù putant , quando semel lapsi sunt , tantùm opus est , confiteri : possum liberè nova conjungere cum antiquis ; quæ admodum ægri illi , qui antequam potionem medicam lumant , antecedentibus

tibus diebus liberaliter genio indulgent. Expone ergo ipsis vim & robur pravi habitus, qui etiam post Absolutionem remanet tam validus, atque in discrimen conicit salutem. Illud, quod nunc est durissima crySTALLUS, quid fuit aliquando? Fuit tenuis vapor. Vapor hic primò coaluit in nebula, tum condensabatur in nivem, inde congelatus in glaciem, denique induratus est in petram. Ità evenire solet in nostro casu illis, qui dicunt: faciam hoc peccatum, & postea confitebor. Tentatio illa, quæ ab initio levis erat vapor & solvebatur radiis non vehementibus Solis, demum repetitis actibus solidatur instar crySTALLI, & ferro resistit. *Visum sequitur cogitatio, cogitationem delectatio, delectationem consensus, consensus opus, opus consuetudo, consuetudinem necessitas, necessitatem desperatio, desperationem damnatio.* Gloss: in Job.

Verùm quia libido est hydra multorum capitum, ad ingenerandum hoc desiderium sanitatis, præter ista necessarium est, quod in genere dicitur, describere quoque in particulari venenum, quod qualibet illius species intra se continet. Ad hunc finem conducet, summopere habere ad manum aliqua motiva, quæ in singulis ostendant, quàm detestabiles sint ac noxiæ. Exemplum hæc apponam de duabus speciebus naturalium, fornicatione & adulterio; & in aliis duabus, quæ sunt contra naturam molliæ, & bruto ac nefando vitio. His similia formabis ipsemet, ut velut in parvo armentario expedita habeas tela, quibus singula ista configas monstra.

Contra fornicationem hæc consideranda sunt. 1. Quòd, cum omnis peccans sit inimicus animæ suæ, juxta illud: *Qui faciunt peccatum, hostes sunt animæ suæ.* Tob: 12. 10. Qui fornicatur, hostis, quoque sit corporis sui, nam dum quarit ipsi afferre voluptatem, in veritate illud occidit, & enecat, subiiciendo tot morbis molestis ac extraordinariis quibus Deus assidue hoc vitium castigat. *Omne peccatum, quodcumque fecerit homo, extra corpus est: qui autem fornicatur, in corpus suum peccat.* 1. Cor: 6. 18. 2. Quòd hoc vitium tot utriusque sexus mortalibus auferat virginitatem margaritam, ob quam solam luto nostro accedit pretium, & quæ amissâ instar conchyliis spoliati jacet in arena. Quantumcunque doleat, & licet lacrymarum mare profundat, nunquam perditum recuperabit thesaurum. *Virgo Israël projecta est in terram suam, non est, qui suscitet eam.* Amos: 8. 2.

3. Quòd hoc peccatum ex iis, quæ spectant ad carnem, magis soleat committi in publico: hinc non solum est malitiosum, sed & contagiosum malò exemplo. Unde unicum hujusmodi cadaver (liceat ità loqui) putrefactum in via publica, sufficiens est sæpe ad inficiendam totam communitatem. *Nè prostruas filiam tuam, nè contaminetur terra, & impleatur piaculo.*

Levit: 19. 29. 4. Quòd Deus, quando voluit fœditatem Avaritiæ explicare, eam appellârit Idololatriam; ità expositurus pravitatem Idololatriæ, usus est nomine Fornicationis. Quò vocabulò ferè semper in sacris litteris eam depinxit, veluti coloribûs omnium terribilissimis, atque tartareis. Cum Idolis suis fornicata sunt. Ezech 23. Fornicari fecit Hierusalem. Fornicari fecisti Judam.. Fornicati sunt post Deos populorum terræ. 1. Par: 5. 25. Et hac voce perculit populum, repetendo minas per Ezechielem. 16. 23. Et accidit post omnem malitiam tuam (va. va tibi! ait Dominus Deus) & edificasti tibi lupanar, & fecisti tibi prostibulum in cunctis plateis. 5. Quòd permittere, ut aliquis ruat in hoc flagitium, sit unum ex horrendis suppliciis, quo Deus solet castigare hominem, cui irascitur. Fovea profunda os alienæ: cui iratus est Dominus, incidet in eam. Prov: 22. 14.

Contra Adulterium hæc sunt. 1. Quòd adulteris sæpiùs in sacris litteris intenteretur maledictio. 2. Quia Deus omnes adulteros privavit hæreditate gloriæ suæ, quam non poterunt adipisci ampliùs, nisi magno labore. *Unusquisque uxorem proximi sui polluit, & terram hæreditate possidebitis? Ezech: 33. 26* 3. Quia licèt furtum alioquin grande sit malum, nihilominus comparatum cum adulterio evanescit, ut pygmæus juxta gigantem. Unde Salomon dixit *Prov: 6. 30. Non grandis est culpa. cum quis furatus fuerit, furatur enim, ut esurientem impleat animam: qui autem adulter est, propter cordis inopiam perdet animam suam, & opprobrium illius non delebitur.* 4. Quia si scelus istud semper fuit etiam in Lege Antiqua detestabile, longè erit execrabilius in Nova, ob injuriam Matrimonio, dignitate Sacramenti condecorato: unde majore jure conqueri potest Deus, se contemptum in adulterio peculiarem ob causam, atque cuiusvis adultero dicere, quod David: *non recedet gladius (saltem Divinæ Justitiæ) non recedet gladius de domo tua, usque in sempiternum, eò quòd despexeris me, & tuleris uxorem Uria Hethæsi. 2. Reg: 12. 10.* 5. Quia adulter appellatur filius mortis, adeò ipsi debita est mors: *Vidit Dominus, quoniam filius mortis est, qui fecit hoc. 2. Reg: 12. 5.* Et quoniam ipsæ Leges Civiles unanimiter illum ad mortem condemnant, conformes Legi Divinæ, quæ ita sonat. *Si dormierit vir cum uxore alterius, uterque morietur, id est adulter, & adultera, & auferes malum de Israël. Deut: 22. 22.*

Contra mollitiem pugnabunt sequentia. 1. Quòd, cum Deus adeò odisset Philosophos illos superbissimos, qui cum cognovissent Deum, non sicut Deum glorificaverunt, non judicaverit eos ignominiosiore pœna ac viliori posse castigari, quàm relinquendo illos, quanti erant, huic vitio in prædam: itaque punivit tales ob Idololatriam. *Propter quò tradidit illos in desideria*

cordis eorum, in immunditia, ut consumeliis afficiant corpora sua in semetipsis. Rom: 1. v. 21. & 24. Quia Spiritus Sanctus, quando nominat peccatum istud, detestabile appellat, ut ob id Ona filius Judæ à Deo subita morte fuerit mul. Etatus. Et idcirco percussit eum Dominus, quod rem detestabilem faceret. Gen: 38. 10. Quod cum mollities, peccatum luxuriæ contra naturam, in isto genere gravius sit etiam incestu, (2.) tamen hunc Deus fulminaverit sententiâ ignis, ubi dixit: Qui scelus operatus est, vivus ardebit, nec permanebit tantum nefas in medio vestri. Levit: 20. 14. Quia peccatum istud difficillimè curatur, & exiit: Hinc jure potest illud comparari magno inferni reti, quod innumerabilis conclusa hæret multitudo, paucis exitum invenientibus, triumphante ob talem successum dæmone, qui totum traxit in sagena sua Universum, & congregavit in rete suam: Quapropter super hoc letabitur, & exultabit immolabit sagena sua, & sacrificabit reti suo: quia in ipsis incrassata est pars ejus, & cibus ejus electus. Habac: 1. 15. 5. Quia peccati istius etiam umbra est formidabilis: unde quando quis (licet absque culpa) passus est illusionem nocturnam, consilium est Theologorū, non accedere sine causa singulari manè sacram Communionem, sed differre, observando id, quod Deus populo præcepit in deserto: Si fuerit inter vos homo, qui nocturno pollutus sit somnio, egredietur extra castra, & non revertetur, priusquam ad vesperam lavetur aquâ. Deut: 23. 10. ubi non jussit exire extra castra multitudinis, quemadmodum leprosos, sed extra castra Deitatis.

Contra vitium nefandum hæc intorqueri possunt. 1. Quod adversus nullum aliud peccatum Spiritus Sanctus vehementiore utatur loquendi formulâ. *Homines autem Sodomite, inquit pessimè erant, & peccatores coram Domino nimis. Gen: 13. 13. Et tanquam Deus non satis crederet, inveniri posse super terram tantum monstrum, statuit ipsemet descendere, & indagare. Descendam, & videbo, utrum clamorem, qui venit ad me, opere compleverint, an non est ita, ut sciam. Gen: 18. 21. 2. Quia est absoluta rebellio Naturæ. Unde quemadmodum sumptò de rebellibus supplicio, etiam illorum domus solent everti, ac solo æquari, ita Deus in quinque civitatibus, quæ inventrices fuerunt horrendi istius sceleris, delavit & habitatores, & domos, imò universam in circuitu terram, quæ Paradisus videri poterat. Subvertit civitates has, & omnem circa regionem. Gen: 19. 25.*

3. Quia adeò adversatur nobilitati creaturæ rationalis, ut diabolus, postquam incitavit ad hujusmodi facinus, procùl aufugerit, verecundatus illius esse spectator, uti affirmat S. Antonius. (3.) Et Hug. (4.) addit, dæmonem sæpius forma muliebri servasse dissolutæ marium libidini, nunquam

autem hanc suam naturam fœdasse ignominiam, substernendo se virili schemate lascivientibus: ac propterea, si de quovis peccatore dici potest, *Diabolus est. Job. 6. 71.* (ita docente S. Thoma) merito affirmare licet, sceleratum talem ipso etiam dæmone esse deteriorem. 4. Quia hoc peccatō, si S. Hieronymo credimus. (5.) Deus fuit retardatus tot sæculis, quò minus carnem indueret; & ob illud ipsum deinde (sic asserente S. Antonino) vestitus membrīs humanis, ea qua natus est nocte, omnes, quotquot ubique terrarum hac peste erant infecti, è medio sustulit, non sustinens communem cum ipsis participare auram. Denique ob hanc causam Idem affirmat Sanctus (6.) quòd Christus finem temporum sic acceleraturus, uti colligitur ex c. 3. v. 3. Joëlis Prophetæ, ubi præcipua ratio advenientis Judicis assignatur, quia *posuerunt puerum in prostibulo.* 5. Quia non solum Judices terreni vitium istud puniunt supplicio omnium atrocissimò, cujusmodi est rogos, verum Deus ipsemet, nolens quodammodo differre pœnam in alteram vitam, præter ignem, quo sceleratam vastari voluit Pentapolim, sæpe in cineres redegit eos, qui nefandam hanc exercebant libidinem. Inter cetera verissimum est, quod refertur de S. Vincentio Ferrerio qui cum die Jovis sancto ad populum verba faceret noctu, & obscurò templò, cœpit sub ipsa concione repère exclamare, quanta potuit vocis contentione: lumen, lumen! est hie, qui Divinam Majestatem crudelissimè offendit. Afferte lumen, afferte lumen! Excitati hoc clamore Sacristæ, quamprimum accensis facibus accurrunt, & ecce incidunt in duos sceleratos juvenes, qui inter mutuos ac fœdos complexus mortui fumabant instar titionum, qui non extinguebantur prius quàm in cineres redigerentur. Quòd si de quolibet carnali vitio dictum fuit allegoricè: *Ignis est, usque ad perditionem devorans. Job 31. 12.* de hoc maxime intelligi potest ad litteram.

Vides nunc, quomodo te instructum esse oporteat ad describendam cujusvis vitii carnalis fœditatem. Obruli tibi pro singulis horum quatuor, præclaras observationes quinque, imitando Davidem, qui delegit sibi limpidissimos quinque lapides contra Goliathum pugnaturus, tamen postea nō nisi unò fuerit usus, quia unus feliciter vibratus suffecerat sternendo hosti. Ita juvat me quoque sperare, idipsum sæpius tibi eventurum. Etsi non negem, te subinde nacturum tales homines, qui parum capaces futuri sunt rationum; ac propterea ad ingenerandum illis adversus suam impudicitiam sanctum odium, necesse erit nōsse ac adhibere quadam remedia crassiora, magisque huic hominum generi perceptibilia. Ego, ut me melius explicè, recensebo id, quod profuit cuidam rustico, tibi que serviat in similibus casibus,

sibus, servata proportione. Erat is juvenis, educatus inter jumenta, ubi ita se carnali stimulo permisit excæcari, ut non erubesceret magnanimos scilicet suos amores dedicare uni ex his bestiis. Non videtur esse credibile, quod humana natura induci possit ad comparandam tanto cum opprobrio voluptatem. Verum rupto ab affectibus sensualibus freno, ea fiunt, quæ fieri non posse credebantur. Supina negligentia illius, qui absolverat enormia hæc flagitia, nullò adhibitò conveniente remedio, roboravit adeò hanc consuetudinem, ut forsitan vix unquam fuisset rescissa, nisi intervenisset peritus quidam Confessarius, qui cæco huic visum luto restituit. Bellam, ait, & dignam te, contraxisti affinitatem: tuo malo. Necessè est talem te tractari, qualis es. Quapropter quotidie per mensem unum, vespere intrabis stabulum eoque oberatò te in genua prosternes, atque manibus per terram reptando instar bestia, ephippium equæ tuæ tibi impones, itaque humillimè horrendi criminis veniam Deum rogabis. Interea pro certo habeas minimam hanc esse partem pœnitentiæ, quàm mereris; nam juxta legem, in tali casu jumentum una cum homine, qui jumentum fieri voluit, debet cõburi. (7. Suffecerat istud, neque minùs oportebat fieri; ut miser hic clare agnosceret suum errorem. Mense hoc toto nullam permisit quietem oculis suis, donec post completam pœnitentiam, vitæ immutatione sui medici prudentiam comprobaret, virtutemque medicinæ. His saluberrimis industriis, pro carnalibus ac sordidis hominibus, adjungere potes congruas & omnibus utiles aliàs, cujusmodi forent, si Pœnitentem tuum mitteres ad dicendas præscriptas preces supra sepulchrum, quod ipsum mortuum probabiliter excipiet; aut vespere persolutis precibus, cum lectum subit, componendo se supino corpore, clausis oculis, manibus complicatis, porrectisque pedibus, consideret, talem se paulò post fore moribundum. Atque hæc sensibiles actiones, ut potè quæ ipsi plurimum conducunt ad cognoscendam statûs sui infelicitatem, instillabunt pariter in animum, sincerum desiderium sese emendandi.

Quomodo deinde Pœnitens mente sincera desideret sanitatem, vis sanus fieri? cogita, quod si nondum integrè curatus est, proximus tamen sit sanitati: nondum salutis portum teneat, terram tamen prospiciat: *Pars sanitatis est velle sanari.* Restat proinde, ut animosè negotium ad finem deducas his validissimis duobus mediis. Duplici ratione febrilis æstus extinguï potest. 1. imò subtrahendo illos humores noxios, qui alimentum præbebant calori: deinde opprimendo calorem refrigerantibus antidotis. Ità duobus modis sopiri potest ignis libidinis; vel subtrahendo detrimentum, vel oppri-

mendo ardorem contrariis. Vides itaque duo genera remediorum adversus hoc malum. Ad primam classem spectant: procul ab omni occasione periculosa abscedere, fugere otium, vitare liberiores conversationem, moderate uti cibo ac potu, corpus subinde aliquâ affligere molestiâ, & asperitate, jejuniis, flagris, peregrinando, contrahendo somnum, & ejuscemodi artibus, quæ quodammodo refecant subsidia, rebellionem fomitis nutrientia. Secundi generis sunt: legere libellos pios, audire verbum Dei, præcipuè verò crebra oratio, ac frequentatio Sacramentorum, quæ mirum in modum æstum hunc suavi gratiæ pluviam reprimunt: *Nubes roris in die messis. Is: 18.*

4. Atque sic maximè cum Pœnitentibus detestabili mollitiei peccato assuetis, vix aliud tibi suppetet remedium eos sanandi, præter istud: suadendo, sapius se per diem Deo commendent, ut possunt, & nisi quid obster, crebrius in hebdomade animum Confessione expient. (8) Duas has proprietates pharmacorum hæcenus præscriptorum necesse est habeant pœnitentiæ, quæ imponitur impudicitia. Quod si Pœnitentes tui iis assueti non sint, expedit eos admonere, ut persolutò eò, quod ipsis injunctum fuit, atque ex obligatione præstandum, sponte quoque horum usum assumant: Remedia enim ista applicata juvant, sed non sanant, nisi continuata. Noverint, non nisi magnâ diligentiam recuperari sanitatem. Quo ad usque Leo non degustavit humanum sanguinem, facile mansuescit, at semel strage facta, quis eum domabit? Quare si illi nolint his remediis constanter uti, & cooperari, febris illos non ante vitæ finem deferet, quemadmodum cereus ardere non cessat, quamdiu superest alimentum. *Anima calida quasi ignis ardens, non extinguetur, donec aliquid glutiat. Eccl. 23. 22.* Confitebuntur, atque iterum iterumque redibunt: Verùm si apud Confessarium deposuerint pellem, non exuent venenum.

Denique præter id, quod superius de relapsis dictum fuit, non omittam hic adnotare duo documenta, pro felici curationis istius successu. Primum est, explorare oportet prudenter ex Pœnitente tempus, non solum quo nõ est confessus, verùm etiam ex quo se cepit his tradere immunditiis, & quâ frequenter sit solitus: secus enim non formabis judicium congruum malitiæ, quæ toties fuit lethalis, quot præcesserunt relapsus. Vide exemplum Christi, quando Adolescentem energumenum liberare voluit, mox interrogavit. *Quantum temporis est, ex quo ei hoc accidit? Ab infantia,* respondit pater, indicando tempus: & quoniam hoc satis non est, addit quodque frequentiam. *Et frequenter eum in ignem misit, ut eum perderet. Marc: 9. 20.* Non sic agunt ii, qui etiam nequiter modò hunc, modò illum adeunt Confessa-

rium; itaque obtinent, ut peccatum illorum non appareat integrum, ut est. Quemadmodum Romuli cadaver in quatuor divisum partes, facile abscondebatur sub togis diversorum Senatorum; ita facile est multis concubinis & concubinariis, pari astutiâ occultare corpus sui delicti in tot frustra dissectum, quot sunt Confessarii, quos mutant quandoque singulis mensibus. Alterum documentum est. Si in Pœnitente animadvertas seriam animi dispositionem non amplius peccandi, ortam ex temperato dolore, proderit eundem animare, atque instruere adversus aliqua pericula paulò post occurrura: ut sic armatus, ea fortius possit superare. Exempli gratiâ. Quid si fœmina illa amandata à te, mittat literas atque legationem? Quid si amicus tuus rursus te ad illas aedes invitet more suo, an te moveri permittes & trahi? E contrario si Pœnitens ita dispositus est, quantum vix satis est, laudabile non foret hujusmodi capere experimentum. Oportet potius tege- re difficultatem, ac præferre opinionem, eum parem esse cuicumque tentationis insultui repellendo; satis ei sit propositum generale, quod concepit nunquam posthâc offendendi Deum, nullâ factâ mentione hujus vel illius speciei, à qua difficulter abstinere. Nam etsi particulare propositum melius est, sufficit tamen generale. (9.)

Nescio, an his documentis aliam quoque subnectere debeam admonitionem. Sit itaque. Sed avertat Deus, ut unquam illâ indigeas. Nulla nō in adamante notari solet macula, ea tamen maximè, quæ ipsi ex terrestri colore adhæret. Pari ratione quilibet Sacerdotem dedecet nævus, omnium verò horribilissimè defædat impudicitia. Quod si casu quodam hâc infernali pice denigratus, temetipsum in propria causa præsumeres constituere judicem, in qua te reum agnoscis, quanta hæc foret abominatio! Loquamur apertius: videor enim mihi non satis calamò posse exprimere, quod scribere decreveram. Si contingeret, te dæmonis fraude irretiri inhonestâ aliquâ consuetudine; tu verò ad tegendum tuum tuæque amicæ probrum atque malitiam, velles eandem ore tuo absolvere, an non esset hoc abuti concessâ potestate, atque ex ipsa Confessione peccato facere clypeum, quæ deberet esse gladius ad transigendum: S. Petrus Damianus (10.) invalidam censet Confessionem à complice factam, quia Christus non dixit: vade, ostende lepram tuam alteri leproso, sed: vade, ostende illam Sacerdoti, qui, utpote officio suo fungens, non poterat præsumi eâ infectus. *Vade, ostende te Sacerdoti. Matth: 8. 4.* Sed hic non moror amplius; dico quod sentio. Absolutio invalida esse potest vel ex defectu Jurisdictionis in Sacerdote, vel dispositionis in Pœnitente. In illa ergo Diœcesi, ubi sanctè prohibita est

Abolutio complicitis, extra dubium est, invalidam esse hujusmodi Aboluti-
onem, ob Jurisdictionem, quâ caret Confessarius non approbatus imò re-
probatus respectu talis personæ. (11.) Ubi autem talis non viget prohibi-
tio, affirmari nequit, eam absolute & in quocunque casu esse invalidam,
sed cum limitatione (12) quia plerumque contingit, ut nec Pœnitens affe-
rat secum verum dolorem ad similem Confessionem, neque Sacerdos ad e-
undem excitare studeat, parùm sollicitus curare vulnera, quæ ipsemet sua
infixit manu, & pergit infligere. Quare extra casum fragilitatis, ubi vix
lapsus, continuò pede retracto temet erigis, meò utere consiliò, neque tan-
tum aude tentare facinus. Quomodo tandem in quocunque demum evêtu,
certus esse poteris, ejusmodi personam, si implicita fortè sit alterius amore,
non te celaturam peccata commissa, nè Zelotypiæ ansam præbeat? quæ cau-
sa fuit, cur à Canonibus Orientales Sacerdotes prohiberentur excipere Cõ-
fessiones suarum uxorum. Præterquam, quòd pars satisfactionis, quam Deo
pro injuriis illatis pendimus, sit erubescencia, quam per manifestationem
propter eum superamus. Unde experientia docet, hos ipsos Pœnitentes si-
mili Abolutioni à complice impertitæ non posse acquiescere; sed quando
eorum referantur in agone oculi, diu à morte cõsopiti, securitatis gratiâ al-
teri Sacerdoti confiteantur sua peccata, malè exposita complici.

(1.) *Lib. 3. de Temperament.* (2.) *Less. l. 4. c. 4. dub. 13. n. 93. Tolet. l. 5. c. 13. n. 10.* (3.) *2. Par. tit. 506. 4.* (4.) *Rom. c. 1.* (5.) *Apud S. Anton. l. c.*
(6.) *l. cit.* (7.) *Graff. de cas. reserv. l. 1. c. 12. n. 9. & 18.* (8.) *Tolet. l. c. num.*
11. (9.) *Laym. l. 5. tr. 6. c. 4. n. 3. Cajet. & Sa. V. Contr.* (10.) *Opusc. 7. c.*
7. (11.) *Bonac. de Sacram. disp. 5. q. 7. pu. 5. §. 5. n. 10.* (12.) *Bas. Pont. de*
Marr. l. 7. c. 38. n. 3.

C A P U T XIII.

*Quomodo subveniendum sit Scrupulosis. Ubi ex occasione a-
gitur de iis, quæ spectant ad relaxationem Votorum.*

Nescio an aliquando incideris in certum aliquod ægrorum genus mirabi-
le: laborant morbo non alio, quàm immoderato sanitatis amore. U-
niverfa illorum vita nihil est nisi fuga mortis, tantò studiò, ut majore
uti non possent, si genus humanum omne cum ipsis periclitaretur. Et foret
etiam facilis eos curandi ratio, dummodò ipsis persuaderi posset, ut creden-
tent, se esse sanos. Verùm hoc ipsum tam difficile est, ut qui hoc vellet ten-

tentare, eorum protinus amissurus esset benevolentiam. Quam si quis tueri cupiat, necesse est novas in medium afferre medicinas, novos ostendere medicos, ac permittere, ut pharmacis hæcenus intentatis vitam non producant, sed sibiipsis miserè abrumpant. Nunc in isto hominum genere expressos scrupulosos contemplare: hi sunt ægroti illi, quos tibi ultimò locò adduco tuâ restituendos industriâ. Verumtamen quoniam infirmitas ista modò prorsus ab aliis diversò petit curari, necesse erit ad evitandum errandi periculum, primò observare naturam, originem, atque signa, ac demum progredi ad remediorum applicationem. Scrupulus nihil est aliud, quàm inani ratione nixa apprehensio, & hinc ortus timor, peccatum alicubi esse, ubi non est. (1.) Et dicuntur scrupulosi omnes illi, qui habitualiter sunt subjecti in voluntate, & intellectu hujusmodi fortibus apprehensionibus. Sed animus mihi non est hic loqui de pessima quadam specie scrupulorum, qui cum liberrimè peccent, postea tantùm solliciti sunt de modo confitendi, ac ubi peccata sua ritè percensuerunt, satis fecisse se arbitrantur, nullâ prorsus habiâ ratione endorsementis: Phariseorum more, qui non verebantur occidere Prophetas, modò ipsis splendida extruxissent sepulchra. His tamen aliqua possint adhiberi remedia eorum, quæ inferius afferemus, non tamen omnia, quia morbus iste originem trahit à duabus proprietatibus contrariis, paritque damna conscientia liberae & scrupulosa. (2.) Superest ergo de illo scrupulorum genere sermocinari quod conjunctum habet sanctum timorem Dei. Ut autem ad originem deveniamus, videtur ea ad tria revocari posse principia. Nempè Deum, demonem, & proprii corporis constitutionem. Primus Auctor, quamvis admodum rarò, scrupulorum est Deus, qui relinquendo subinde Animas in tenebris, facit, ut illum ament, quin advertant: imò potius suspicentur, à se Deum offendi. Unde in hoc statu constitutis evenit illud, quod Lunæ, quæ eo vicinior est Soli, quò minus in se habet luminis. Verùm hujusmodi scrupuli communiter non solent esse diuturni, Dominus enim Deus non dat in æternum fluctuationem Justo. Ps. 54. 23. Elapso tempore, quod Divina Providentia definivit ad probationem animæ vel purgationem, eos non minor consequitur solationum copia: veluti vapores per diem Solis radiis in sublime attracti, paulò post resolvuntur in rorem. Alter scrupulorum Auctor frequentius est diabolus: is potestate, quâ valet in nostram Phantasiam, hanc variis atque atris perturbat imaginibus, atque terrefacit, nihil curando, an metus excitatus nitatur fundamento, vel non, dummodò finem suum obtineat, qui est, inquietare: ad eum ferè modum, quo urbium obsessores sapissimè classicum canere solent,

ſeque in mania inſultum facturos ſimulant, ut ſic propugnatores ſuſpenſos atque aſſiduis vigiliis exhaustos, impares reſiſtendo efficiant, cùm res ſeriò agenda eſt. Tertius denique ſcrupulorum Auctor eſt perſæpe quiſque ſibi ipſi, ex propria corporis habitudine, qua vel inclinatur magis ad obſtinationem, timorem, vel triftitiam, uti quævis in particulari complexio pronior eſt, atque habilior ad unam præ altera affectionem, ſicut Abies magis ad cariem quàm cedrus.

Expoſita morbi hujus origine, pergamus nunc ad indicia. Quemadmodum non omnis ſitis eſt hydropiſis, ita nec quilibet metus habendus eſt pro ſcrupulo, ſed ille duntaxat, qui non acquieſcit rationi, uti ea ſitis inſirmitatis index eſt, quæ moderato potu ſedari nequit. En tibi proinde ſigna clariora, unde agnoſcas ſcrupuloſos. (3.) In nulla acquieſcere ratione, ac tum operari cum perturbatione; ſequi extraordinarias obſervationes, mutare identidem ſub ipſa actione judicium, modò approbando ut licitum, modò ut illicitum reprobando; dubitare in quacunque re, quæ habetur ſub manibus, veluti ad quemvis paſſum præ oculis ſtaret præcipitium; denique fugere etiam quando ignoratur cauſa fugæ, veluti Ægyptii in famoſis illis tenebris timebant, & cum ratione, & ſine illa, bellè Sapientis calamo meum hunc deſcribente, non ſola mugientium valida beſtiarum vox, ſed etiam *reſonans de altiſſimis montibus Echo. deficientes faciebant illos præ timore. cap: 17.*
18. Ex his aliſſque ſimilibus indiciis agnoſcitur morbus iſte, cujus breviter accipe remedia, quæ ſunt Oratio & obedientia.

Oratio, ut vidimus, neceſſaria eſt omnibus, quàm maximè autem huic morbo, nè fortè inter tot fluctuantis ſpiritus procellas in ſcopulum aliquè improvixæ deſperationis impingatur. Cùm enim in quavis navigatione neceſſe ſit ſtellas reſpicere, eò præcipuè opus habet tempeſtuofa. Verùm quia paucas eſt invenire animas tam conſtantes, ut inter has animi turbas poſſint cum Moyle inter montis Sinai fremitus prolixas neſtere orationes, expedit prolixitatem ſuppleri frequentia. Quapropter utiliſſima erit induſtria, docere illos, quâ ratione per diem quofdam devotos affectus repetant, qui mixtis humilibus precibus, cum fiducia valeant ſuo tempore divinam implorare opem, & ſpem, eam conſequèdi, animare. Eſt hæc medicina ex præſtantiffimis corroborans, quæ ſpiritu puſillanimitate potèſt ſuaderi. Suppedita- bo hic ejuſmodi breves duodecim precatiunculas deſumptas ex Pſalmis, quæ comprehendunt totidem diſtincta motiva, ſecuram erga Deum fiduciam excitantia. Tum erit Pœnitentis ſuggerere neceſſitatem, quam peculiariter habet eos uſurpandi ſapiens, itaque conſilium ſequatur ejus quid dicit: *Fili in*

infirmirate tua nē despicias te ipsum, sed ora Dominum. & ipse curabit te. Eccl: 38.
 9. Primū motivū sumitur ex dominio, quod Deus habet in nos, quo obligatur gerere curā sibi subiecti. *Tuus sum ego, salvum me fac. Psal: 118:94.* II. Ex facilitate, quā potest nobis unico obtutu subvenire. *Ostende faciē tuā, & salvus erimus. Ps: 79. 4.* III. Ex sumā illius Bonitate, cui magis naturale est beneficere, quā Soli fulgere. *Secundū misericordiā tuā memēto mei Tu propter bonitātē tuā Domine. Ps: 24. 7.* IV. Ex illius fidelitate, quæ ipsum cogit servare promissiones toties iteratas, ferēdi auxilii. *Fiat misericordia tua, ut consoletur me secundū eloquiū tuum servo tuo. Ps: 118. 76.* V. Ex benignitate, quā demonstravit innumeris, qui eum invocārunt. *Letifica animam servi tui, quoniam tu Domine suavis & mitis (suavis cum justis, mitis cum peccatoribus,) & multa misericordia omnibus invocantibus te. Ps: 85. 3.* VI. Ex benignitate, quam ostēdit nobismetipsis, quando in aliis necessitatibus ad eum confugimus. *Ego clamavi, quoniam exaudisti me Deus: inclina aurem tuam mihi, & exaudi verba mea: mirifica misericordias tuas, qui salvos facis sperantes in te. Ps: 16. 6.* VII. Ex gloria, quam ei parit submissum auxilium. *Propter gloriam Nominis tuī Domine, libera nos, & propitius esto peccatis nostris, propter Nomen tuum. Ps: 78. 9.* VIII. Ex nostra propria miseria, quæ quantō major, tantō magis commovent viscera illius infinitæ misericordiæ. *Inclina aurem tuam ad precem meam, quia repleta est malis anima mea, & vita mea inferno appropinquavit. Ps: 83. 3.* IX. Ex magna, ipsique perspecta violentia hostium nostrorum, quæ tantō etiā fortiū eum trahit ad nobis succurrendum. *Domine, quando respicies? Restitue animam meam à malignitate eorum, à leonibus unicam meam. Ps: 34. 17.* X. Ex insufficientia omnium aliorum auxiliōrū, quæ aliunde possum sperare. *Deus meus es tu, nē discesseris à me, quoniam tribulatio proxima est, quoniam non est, qui adjuvet. Ps: 21. 11.* XI. Ex meritis Jesu Christi Redemptoris nostri, propter quem nos singulariter debet exaudire. *Protector noster aspice Deus, & respice in faciem Christi tui. Ps: 83. 10.* XII. Ex ipsomet recurso ad Deum, qui eum obligat veluti magnum Dominum ad annuendum postulatis, nē fiducia in ipsum collocata frustretur, & irrita sit. *Miserere mei Deus, miserere mei, quoniam in te confidit anima mea, & in umbra alarum tuarum sperabo, donec transeat iniquitas. Ps: 56. 1.* Si Pœnitens tuus inquietatus has sibi precandi formulas reddiderit familiares, experietur sanè, quantam animi impetraturus sit tranquillitatem: quippe Dominus, quasi obdormiscens, permittit sæpenuerò horribilem tempestatem, non aliam ob causam, quā ut eum excitemus ad componendos fluctus.

Obedientia deinde huic ægritudini adeò singulare est remedium; ut,

qui cuperet absque ea curare scrupulosum, is videretur navem velle subducere in portum sine gubernaculo. Ad obtinendam hanc obedientiam utere eâ arte, qua Principes in extirpandis prædonibus, qui quosdam illorum stipendiis conducunt ad tollendos à medio socios. Similiter serviant tibi scrupuli contra scrupulos. (4.) Et expone agro tuo, quantam teneatur reddere Deo rationem inobedientiæ erga Patrem suum spiritualem, unaque damnum, quod ipsemet sibi consciscit, dum pugnat cum hostibus imaginariis, neque sibi cavet à veris, quasi rem præclaram existimaret, imitari Domitianum, qui tempus impendebat configendis arcu aureo muscis, dum interim Parthi ab Imperio integras avelleret provincias. Quod si his rationibus scrupulosum ita permoveris, ut statuat constanter obedire, rem habes confectâ. Impera ipsi æternum silentiû de præteritis Confessionibus, præsertim quâdo mediocre adhibuit studium sapius, ut se in tuto constitueret. (5.) Assuescat contemnere scrupulos, & contra illos operari, (6.) etiam quâdo mens ab his atris offuscatur apprehensionibus. veluti Sol non deflectit ab assueta semita, tametsi eclipsatus. Instrue illum, & commone, non ipsi tantam incumbere obligationem, quantam habent, qui sunt conscientiæ pacatæ atq; serenæ ideoque ei sufficere brevius examen pro Confessione, quàm si non esset scrupulosus, præsertim circa cogitationes, de quibus etiam aliquando illum prohibere potes, nè se accuset. (ubi judicabis certum de sinceritate informationis) sed solummodò accuset se de his, quæ proruperunt in actum externum, sive linguæ sive operis. Hinc etsi per talem obedientiam remaneret culpa aliqua, quæ, si esset cognita, in Confessione esset exprimenda, nulla tamen illius habenda est sollicitudo, quia non tenetur procurare tanto cum incommodo suo integritatem materiale: quæ ratio valet, cur quoque possis obligare, nè confiteatur ordinariè ullum peccatum dubium, sed ea duntaxat, quæ juramentò posset asseverare (7.) Et in præscribendis his regulis magna procedendum est libertate, nullo ambiguitatis aut hæsitacionis editò signò. Neque enim idoneus huic curæ chirurgus est, cujus vel modicè tremat manus. Juvat proinde easdem tradere manu tuâ scriptas, tum ut sic tantò magis ostendas, te liberum ac sincerum, tum ut prospicias necessitati futuræ. Scire enim oportet, tales successu temporis in eam prolabi animi confusionem, ut dubitent de eo, quod sibi præscriptum esse, certò nõrunt. Tunc relictâ eâ chartâ, quam secum retinent, omnem deponunt dubitationem: cum minùs timoris relinquat id, quod cernitur oculis, quàm quod auditur.

Denique tametsi non consultum sit ordinariè, scrupuloso aperire rationes

ones illius quod ei præcipitur, nihilominus capaci proderit eas exponere, ad convincendum (si fieri potest) intellectum, qui postremus omnium in his afflictis se solet subicere: idque præstabis manifestando etiam probabilitatem aliquarum sententiarum laxiorum, quæ uti sequendæ non sunt ante opus, tanquam regulæ, ita rectè eas amplecti licet posito opere, pro quiete. Exempli gratiâ. Si Pœnitens se ultra modum affligeret propterea, quod timeat, se non satisfacisse attentioni requisitæ ad recitationem Divini Officii, potes ei declarare, huiusmodi attentionem iudiciò aliquorum gravium Doctorum (8.) non requiri, tanquam necessariam, ad implendam substantiam talis præcepti, sed ex convenientia. Itaque alia similia poteris suggerere documenta, dummodò, ut dictum fuit superius, certò tibi constet, quod iis solùm ad tranquillandam conscientiam sit usus, non autem pro regula operandi. Præter ista, nè permittas hoc malo vexatis, ut nova emittant Vota: nam quantumvis ea sint aureæ catenæ ad colligandam animam cum Deo, impedimentò tamen sunt conscientiam ambulanti pedibus ligatis. Imò, si comperias quempiam ea fecisse, commuta, vel dispensa cum illo, secundum potestatem quam tenes. Dixi, commuta, vel dispensa; quia existimo, te non ignorare, quomodò in hoc negotio sit procedendum. Verùm quia fat multi inveniuntur Confessarii, vel minùs docti, minùsve discreti, qui hæc in materia vehementer hallucinantur, nollem te iisdem involvi erroribus: ac propterea cum tua venia non nihil divertam, paucula de hoc memoraturus: Nam laudabile etiam est, à via discedere, ad succurrendum periclitanti.

Ut itaque rectius omnia intelligantur, supponatur hoc principiù: quòd tempore Jubilæi non concedatur facultas dispensandi in Votis, sed solùm ea commutandi; hoc est, substituendi cum pari obligatione materia Votò promissæ, aliam æquè bonam. Porrò æqualitas ista à Confessario metienda est duobus modis: moraliter & respectivè. Moraliter, nam si in omni rigore procederet, negotium esset plurimis expositum scrupulis: (9.) proinde si dubitas, an materia sit æqualis, poteris tamen in eam commutare Votum; quia hoc ipsum dubium, signum est exiguæ disparitatis, & per consequens moralis æqualitatis. (10.) Respectivè deinde metienda est bonitas materiæ substitutæ, in ejusmodi commutationibus, quia considerandus est profectus Pœnitentis. (11.) Atque hinc, quamvis jejunium ex se magis sit meritorium, quàm elemosyna, poterit nihilominus illud in hæc commutari, quotiescunque actus misericordiam est magis consentaneus bono spiritali votetis, & ideo etiam Deo gravior in præsentibus circumstantiis.


His jam præmissis, applicemus doctrinam nostram sequenti & obvio casui. Quidam juvenis vulneratus lethaliter à rivali suæ amicæ, duplex emittit votum, si vitam servet: unum, peregrinationis Lauretanæ suscipiendæ; alterum, nunquam rangendi fæminam alienam. Obtinet vitæ gratiã, sed, cum plerumque fieri soleat, ut quò majus est beneficium, eò minus agnoscatur; ità etiam ipse inducere se non potuit (ob levissimas causas) ad implendum quod promiserat. Promulgatur Jubilæum: Adest Confessarius decidendæ huic liti, quam moverunt pigrizia & voluptas, atque suavissimis verbis demum pronuntiat benignam hanc sententiam. Procura quinque fieri Missæ sacrificia pro singulis votis. Non dico, in hac commutatione posse habere locum Sacerdotis avaritiam, uti foret, si seipsum offerret ad dicenda talia Sacra, acceptò stipendò: Non dico istud, quamvis in veritate avaritia sit adedò impudens, ut ipsa quoque Sacramenta non vereatur subicere torculari, ad sordidum inde lucrum exprimendum. Sed illud pronuntio, non ritè hæc vota esse permutata, quia materia substituta multò inferior est illâ, quæ fuit promissa. Quapropter, quod attinet ad peregrinationem, ut benè procedatur, primò debet observari ipsa causa commutandi, illud in aliud opus; sed supponamus illam adesse, quandoquidem, cum agitur non de tollenda obligatione, sed de permutanda, sufficit levis ratio: (12.) Oportet hic etiam considerare finem, qui movit Juvenem ad votendam peregrinationem Lauretanam: an solummodò provenerit ex desiderio sanitatis, vel etiam ex affectu singulari, Deiparæ exhibendi hoc genus obsequii, quia finis nobilitas redundat in materiam voti (13) facitque, ut, quemadmodum merx aliqua ob majorem æstimationem, majus quoque exigat pretium. Denique habenda est ratio oneris, quod in se Juvenis ultrò suscepit votens, sese subjiendo & viæ incommodis, & impensis viatici, & fortè etiam dispendio lucri, quod interim domi labore suo poterat comparare. (14.) Nunc igitur si hæc circumstantiæ æqua lance ponderentur, quis dicat, Pœnitentem hunc absolutum æquale bonum substituisse lectis quinque Sacris? In his votis tam gravibus, difficile est invenire æqualitatem, nisi in frequente usu Sacramentorum, (15.) augendo gratiam, extirpando vitia, inserendo virtutes, æquare potest bonitatem aliorum sanctorum operum. Et quando talis frequentia obtineri nequit, præstabit Pœnitentem remittere ad eum, qui non solum habet potestatem commutandi, sed etiam dispensandi, cujusmodi sunt Confessarii Ordinum mendicantium, & quiscunque alius Regularis participans illorum privilegia: quamvis etiam isti, ut ritè agerent, non deberent sine gravi causa dispensare absolute, sed dispensationi admiscere cõ-


mutationem: sicut mos est cum debitoribus egenis, quibus nec integra summa benignè condonatur, neque omnis cum rigore exigitur. (16.) Veniendo jam ad alterum votum, non tangendi faminam præter suam: attendendum est, an per novum hoc vinculum Juvenis aliquo modo retrahatur à peccato. (17.) Si ipse penitus non retrahatur, non est multum laborandū circa commutationem. Quia ex una parte Juveni æquè vetita manet fornicatio per legem; & ex altera eidem subtrahitur materia, culpam sacrilegæ transgressionibus multiplicandi. Homini desperato, ac sibi ipsi necem inferre molienti, si nequit è manibus eripi gladius, est certè aliquod emolumentum, hebetare ferrum, ut, licèt vulnus sequatur lethiferum, saltè non sit tam profundum. Quòd si è contrario nova hæc obligatio Juvenem ab inhonesta familiaritate omninò abstrahat, vel saltem frequentiam nonnihil inhibeat, potèstne inveniri Confessarius tam liber, qui facta commutatione illud modicum præsidium amoveat, quod sustinet animam jam jam in præcipitium ruentem? an vinculum dicendum erit, quod simile illi est, quo phrenetico ligantur manus, nè poculum venenò infectum liberius admoveat labris? Atque hæc sunt attentè discutienda, ante voti alicujus commutationem; bene inspiciendo nodum, priusquàm illum solvere aggrediaris: neque imitando quosdam, qui sine examine cæci irruunt ad determinandū tanti momenti negotium, ac si idem esset, ligari, & solvi. *Quantum debes Domino meo? Centum coros tritici. Sede citò. & scribe octoginta. Luc: 16. 6.* Dicebat servus ille infidelis cuidam debitori sui heri, remittendo debiti partem, qui solùm habebat facultatem exigendi, non condonandi: sed quo successu? veniet Dominus, & postquam puniverit servi fraudem, repetet (ut in initio) à debitore integram summam. Ajo, liberalitatem itè insipienter usurpatam damnosam esse conscientiæ Confessarii, nihilque prodesse Pœnitenti. Confessarius, quia utitur potestate, quâ caret, (18.) non potest eximi à gravi culpa, & ipsum Pœnitentem non ritè solutum à voto, oportet vel primam suam promissionem implere, aut inquirere aliquem, à quo illa legitimò modò commutetur. (19.)


Sed ut revertamur ad institutum nostrum, specialiter de scrupulosis, à quo brevi hac, licèt non inutili digressionem defleximus. Si quem inveneris votò obstrictum, durius hoc jugum portare, releva illud, mutando in alia pietatis opera, sed ipsi usitata, uti sunt elemosynæ & orationes; vel demum, quod erit melius, postula à tuo Prælato facultatem, eum omninò liberandi: rationabile enim est, semper cõplanare viam, quantum fieri potest, ei, qui (tameris sine ratione) ad singulos passus offendit, aut timeri identidè, nè impingat.

Finio nunc libellum meum, illud revocando in memoriam, quod erat propositum meum, demonstrare videlicet praxin, administrandi Sacramentum Pœnitentiæ cum fructu. Ideirco ea duntaxat tibi præbui documēta, quæ huic serviunt fini, præsupponendo in te notitiam cæterorum magis univèrsalium. Oro te, & ex corde flagito, nè succenseas eorum brevitati, neque terreri te sinas copiâ. Parùm sanè peritus videretur Navarchus, qui in tabula nauticâ superfluas crederet esse diversas lineas, quas intueretur, vel etiam perturbaretur. Ut ut minutæ sint, nulla tamen earum est, quæ ut duceretur, non priùs longò studiò atque observatione stetit fideri, ac multâ experienciâ percurrendo maria, observatis promontoriis, syrtibus, scopulis, & sinibus, & mille aliis periculis, quæ sub aquis delitescunt. Et si multæ sint, non tamen omnes usum habent in omni navigatione, neque omnes simul, sed modò hæc, modò illa. Pari modò te monitum velim. Si documenta brevis hujus Instructionis tibi aliquando videantur minuta, ob tot particularitates, ad quas descendunt, noveris, id, quod unâ simplice restringitur lineâ, multò à claris Doctoribus elaboratum fuisse studiò & labore, qui hanc tractârunt materiam, haustâ simul experienciâ, conversando cum hominibus omni vitiorum genere involutis. Et si nimia tibi videantur, cogita, non tibi opus esse omnibus pro conscientis singulorum, neque etiam uno usurpanda esse tempore cuncta, sed successivè. Unde multitudo illa remediorum, quæ hòc locò collecta te quasi perterrefacit, reducta in praxin, & ordine distributa, evadet non solum utilis, sed & usualis, adeò, ut semper tibi faciat finem faciliorem, quem præfixum habes ut bonus Cōfessarius, qui est, Animas è naufragio, quo fuerunt involutæ, eripere, & (quod nulli ex peritissimis Navarchis concessum fuit) eas præservare ab illo, quod jam jam essent incursuræ; donec superatis tot atrocibus periculis, quibus subjecta est mortalis vitæ navigatio, omnes demum salvæ, æternæ felicitatis portum attingant.

(1.) Laym. l. 1. tr. 1. c. 6. n. 1. (2.) Sanch. in Decal. 1. c. 10. n. 86. Vasq. 1. 2. q. 19. ar. 6. disp. 67. (3.) Laym. l. c. (4.) Sanch. l. c. n. 83. Valent. 1. 2. disp. 2. q. 14. p. 4. (5.) Sanch. l. c. n. 85. Cajet. in Sum. V. scrup. med. Sa. V. Dubium. Castrop. 10. 1. disp. 4. pu. 2. n. 4. (6.) Sylvest. V. scrup. Laym. l. c. n. 2. Sanch. l. c. n. 81. Castrop. l. c. p. 1. n. 2. Nav. Man. c. 27. n. 283. Cajet. l. c. (7.) Vasq. 1. 2. q. 17. art. 6. dis. 67. c. 2. in fine. Sanch. l. c. n. 82. Sa. l. c. Castrop. p. 2. n. 4. (8.) Med. C. de Orat. q. 15. c. 16. Sylv. V. Hora n. 14. (9.) Sanch. l. 4. c. 50. n. 6. Azor. 1. 1. l. 11. c. 18. q. 13. Laym. l. 4. tr. 5. c. 8. n. 24. (10.) Azor. l. c. q. 6. Suar. de Relig. 10. 2. de voto l. 6. c. 12. n. 6. Sanch. l. c. n. 7. (11.) Sanch.







F

206782

450

